

PROJEKT



**PLAVA
PLANETA**

PROJEKT PLAVA PLANETA

ISTRAŽIVAČKI RAD NA TEMU VANZEMALJACA – 25

WESTCHESTER CAMP

CENTRALNI BIRO ZA ISTRAŽIVANJE # 3



VANZEMALJSKI OBLICI ŽIVOTA

KOD : ARAMIS III – ADR3-24SM

PROJEKT - PLAVA PLANETA

IZVOR – WWW.GALAKSIJA.COM

SADRŽAJ

1. NEVIDLJIVA VLADA	6.
<ul style="list-style-type: none">• Operacija Majority – CR-20M7• Prikriivanje Istine O Vanzemaljima Od Strane Američke Vlade• Vrhunska Tajna – MAJIC• Projekti Pod "Projektom Aquarius"• Projekti "MAJIC"<ul style="list-style-type: none">○ Planovi "MAJIC" Za Nepredviđene Situacije○ Tajna Oružja Grupe MAJIC Za Borbu Protiv Vanzemaljaca• Neke Informacije Iz Materijala "Grudge", Izvješaj Br. 13<ul style="list-style-type: none">○ Ostali Podaci Iz Izvještaja Br. 13 – SRD/28, Šifra : Abrama 33AC	
2. ČINJENICE O VANZEMALJCIMA NA PLANETI ZEMLJI	15.
<ul style="list-style-type: none">• Glavni Padovi NLO-a Prema Ultra Tajnim Dokumentima• Klasifikacija Vanzemaljaca• Prisustvo Vanzemaljaca Na Zemlji	
3. MUTILACIJA GOVEDA	17.
<ul style="list-style-type: none">• Generalna Hronologija• Mutilacija Životinja I Ljudi• Dodatak (izvod iz seanse)	
4. ANTAREANSKA VEZA	19.
<ul style="list-style-type: none">• Vrijeme I NLO-i	
5. MISTERIOZNI ZNAKOVI	21.
<ul style="list-style-type: none">• Crteži Iz Nazce• Tragovi U Žitu	
6. BAZA DULCE	23.
<ul style="list-style-type: none">• Uhvaćeni Na Djelu• Čiji Je Ovo Planet !?• Tajne Aktivnosti Oko Baze Dulce• R&D I Tajni Vojni I Industrijski Kompleks• Preživljavanje Budućnosti• Javna I Tajna Istraživanja Unutar Baze Dulce• Unutrašnjost Baze Dulce• Grad Dulce• Eksperimenti Vezani Za Manipulaciju Svijesti (Uma)• Bolji Život Uz Bio-Tehnologiju !?• Fantomsko Carstvo – "Iznad Zakona"	

7. NEKE OD NAMA POZNATIH VRSTA VANZEMALJSKIH ŽIVOTNIH OBLIKA..... 31.

- Uni Terestrijalci - Kod : UNA
- Ultra-Terestrijalci – Kod : ULTRON
- Intra-Terestrijalci – Kod : INTERAV
 - Reptiloidi Ili Reptoidi
 - Insektoidi
- Meta Terestrijalci – Kod : MEREDITH
- Paraterestrijalci – Kod : PARAMUS
- Ekstra-Terestrijalac – Kod : EBE
 - Rigelijanci
- Baze Vanzemaljaca Na "Sol – III Perimetru"
- Projekat "Beta" – Psihologija Greys-a
- Taksonomija Nekih Ekstra-Terestrijalnih Humanoida
- Greys – Tip A
- Greys – Tip B
- Greys – Tip C
- Tip D – Nordici
- Tip E – Oranges

8. VANZEMALJSKA TEHNOLOGIJA.....45.

- Vanzemaljske Letjelice Sa Dimenzionalnim Faktorom
- Američka Vlada I Vanzemaljska Tehnologija
- S.M.B.C.D. Ili Implantat
- Vanzemaljski I Elektro-Magnetni Spektar
- Vanzemaljski Uređaji Korišteni Pri Mutilaciji
- Bočica Za Aplikaciju "Spreja"
- Terenski Uređaj Za Očitavanje
- Hirurški Skalpel
- Laseri Za Presađivanje Kože
- Uređaj Za Privlačenje Krvi

9. TAJNA TEHNOLOGIJA AMERIČKE VLADE.....50.

- Misteriozni Helikopteri I Mutilacija
- Uređaji Za Nadgledanje

10. "NADZORNICI" (THE MONITORS).....53.

- Slučaj Obdukcije Od Strane Vanzemaljaca
- Abdukcije Od Strane Greys-a
- Aspekti Razlike Bio-Polja

11. UREĐAJI ZA USAĐIVANJE ZNANJA I NAČINI MANIPULACIJE SVIJESTI 65.

- Inkulkacioni Uređaji
- Rapidni Inkulkacioni Proces
- Bio-Tehnologija 21-og Vijeka

PREDGOVOR

Izvod iz materijala kojeg je nepoznati autor objavio pod naslovom "Blue Planet Project".

Na čitaocu je da sam odredi koliko u svemu ovome ima istine, tj. ne preporučujem da se sve proguta "u paketu" kao istina. Analizirajući ovaj materijal stekao sam utisak da je autor imao iskrenu namjeru da iznese ono što on zna o ovoj tematici, bez namjere da obmanjuje javnost, mada mislim da u nekim slučajevima nije potpuno u pravu. Na takvim mjestima ja ću u zagradi dodati moj lični komentar, a na čitaocu je da na osnovu ovih, i informacija stečenih svojim ličnim radom, pokuša sam da dođe do istine.

On je takođe vodio svoj lični dnevnik sa bilješkama o svakom dokumentu s kojim je došao u kontakt i koji je na bilo koji način, direktno ili indirektno, bio u vezi sa organizacijom, strukturom ili operacijom skupljanja ovih podataka.

Ta osoba je otkrivena kako prikuplja i čuva te informacije za lične svrhe, te se stoga odmah i našla na spisku za likvidaciju. On je tako u jednom slučaju jedva uspio da izbjegne smrt i trenutno se skriva negdje izvan zemlje.

Vjerujemo da se on bavio ovom vrstom istraživanja duže od 33 godine, prije nego što je bio otkriven i prisiljen na bijeg i sakrivanje.

Kada budete čitali ovaj dokumenat, može se desiti da vas podaci izneseni u njemu uznemire. Istinske činjenice upravo i imaju takvu tendenciju, međutim, ove informacije se moraju iznjeti napolje u javnost.

Prema svim podacima koje smo do sada skupili, postoji najmanje stošezdeset (160) vrsta ili rasa vanzemaljaca sa različitih galaksija, zvijezda i planeta, s kojima smo se sretali. Podatke koje smo do sada uspjeli da skupimo o njima, naći će te na sljedećim stranicama. Postoji još više vanzemaljskih vrsta s kojima se do sada nismo sreli, međutim, mislimo da neće proći dugo prije nego se i s njima sretnemo...


Napomena :

- Ovaj dokumenat se smatra rezultatom rada jednog ili više naučnika i nastao je tokom njihovog učestvovanja u jednom od vladinih tajnih programa. Vladine publikacije i informacije dobivene uz pomoć para iz poreza kojeg plaćaju građani, ne mogu da podliježu zakonu zaštite autorskih (copyright) prava.

1. NEVIDLJIVA VLADA

ADR/23 – NSC OCM A7BMC – Kod : MIRAMA – ACL – 365ATN-6 (MOCART) #6.2


Savjet za Nacionalnu Bezbjednost (The National Security Council - NSC) situiran je u jednoj staroj vladinoj zgradi u Washington-u DC 20506. Ta agencija je osnovana Aktom o Nacionalnoj Bezbjednosti 1947. godine (61 Stat. 496;50 USC 402).



Predsjednik Truman je potpisao taj Akt 26. Jula, 1947. i odmah imenovao dotadašnjeg Sekretara za Mornaricu, Forrestal-a, kao prvog Sekretara za Odbranu. Forrestal i ostali, podnjeli su zakletvu 17. Septembra, 1947. godine.

Tim Aktom je osnovana, pod "Savjetom za Nacionalnu Bezbjednost" i jedna Centralna Obavještajna Agencija (CIA), koju je tada predvodio pozadinski admiral Roscoe Hillenkoeter. Aktom je obezbjeđen i jedan sveobuhvatan program za buduću bezbjednost Sjedinjenih Američkih Država. NSC je imao savjetodavnu funkciju tj. da informiše Predsjednika države na osnovu integracije svih domaćih, inostranih i vojnih političkih faktora koji bi mogli da imaju implikacije za nacionalnu bezbjednost. Novčana sredstva

namjenjena za finansiranje CIA bila su skrivena u generalnoj sumi novca namjenjenoj za godišnje financiranje raznozasnih vladinih agencija. Danas, ako uzmemo u obzir sve operacije američke obavještajne agencije, one koštaju oko 1 milijardu dolara, godišnje.



MJ-12 je navodno Vrhovna Tajna Operacija, Obavještajne Službe, osnovana od strane predsjednika Trumana 24. Septembra, 1947. MJ-12 je bio jedan "Komitet" postavljen u sklopu NSC-a. 1954-te godine predsjednik Eisenhower potpisao je jednu tajnu direktivu poznatu kao "Order Number 54-12". Magazin Newsweek je 22. Juna, 1964. objavio jedan osvrt na temu "Nevidljive Vlade", "jedno od glavnih otkrića je postojanje jedne Specijalne Grupe "54-12", koja je navodno u vezi sa Savjetom za Nacionalnu Bezbjednost (NSC), a osnovana od strane predsjednika za svrhu izvođenja specijalnih operacija." NSC je nazivao ovu grupu "Komitet 54-12", koji je davao predsjedniku opunomoćenje za izvođenje svih "Crnih (Tajnih)" Projekata, odnosno operacija. Taj "komitet" je vremenom doživjeo nekoliko promjena i od tada je bio poznat pod imenima kao što su "Specijalni Komitet", "Komitet 303" a trenutno "Komitet 40" i predstavlja se simbolom dvoduplog krsta XXXX. To je, u stvari, "direktorijum" NSC-a. Komitet 40 ima pristup naprednim tehnologijama i glavni mu je zadatak da zataška sve što "treba da se zataška". U prošlosti, Dr Henry Kissinger (kodiran kao, Overseer) je bio vođa ove grupe. Poznato je da je on dao William-u Colby-ju odobrenje za izgradnju jedne podmornice i spasilačkog broda po imenu "Glomar Explorer", koji je kasnije bio sagrađen od strane Summa Corporation, kompanije čiji je vlasnik bio Howard Hughes. Taj spasilački brod je bio opremljen komorama za hlađenje koje su imale kapacitet da zamrznju 100 ljudskih tijela. (Zašto ?)

U Maju, 1998. godine, predsjednik Ronald Reagan je izjavio kako se često pita šta bi se desilo ukoliko bi Zemlja bila napadnuta od strane "sila iz vanjskog svemira"!? Takođe je bilo saopšteno kako je predsjednik bio informisan od strane Planetarne Obavještajne grupe #40 (PI-40) o razvoju događaja u vezi NLO-a i "vanzemaljskih posjetilaca".

OPERACIJA "MAJORITY" - CR-20M7

Operacija Majority je ime operacije nadležne za svaki aspekt, projekat ili sve konsekvence prisustva vanzemaljaca na Zemlji. "Grudge" sadrži šesnaest (16) tomova dokumentiranih informacija sakupljenih od početka istraživanja NLO-a i IVL-a (neidentifikovanih letećih objekata i identifikovanih vanzemaljskih letjelica) u USA. Taj projekat je bio sponzoriran od strane CIA (iz tajnih povjerljivih fondova kao i novca zarađenog trgovinom droge). Uloga CIA u trgovini drogom opravdava se potrebom da se na taj način identificiraju i eliminišu slabi elementi iz našeg društva. Svrha Projekta Grudge bila je - sakupljanje svih naučnih, tehnoloških, medicinskih i obavještajnih informacija u vezi NLO-a, IVL-a i Životnih Formi Vanzemaljaca. Mnoge od dobivenih informacija kasnije su korištene za unapređenje američkog Svemirskog Programa. (Vrhunska Tajna) Društvo Jason (Jason Society, Jason Scholars). Predsjednik Eisenhower svojevremeno je osnovao jedno tajno društvo koje je nazvano Jason Society. U rukovodstvu tog društva nalazili su se : direktor CIA, Allen Welsh Dulles, Dr. Zbigniew Brzezinski, predsjednik Trilateralne Komisije od 1973. do 1976. godine i Dr. Henry Kissinger. Radi se o jednoj grupi naučnika čiji zadatak je bio prosijavanje svih činjenica, dokaznog materijala, tehnologije, laži i prevara, kako bi se stiglo do konačne istine o pitanju vanzemaljaca. Ovo društvo se sastojalo od 32 najprominentnija naučnika u USA. MJ-12 je naziv za tajnu centralnu kontrolnu grupu u okviru Društva Jason. Dvanaest vrhovnih članova od trideset dvojice, obrazovalo je MJ-12. MJ-12 ima kompletnu kontrolu nad svim i svačim. Oni su označeni kao J-1, J-2, J-3, itd. sve do poslednjeg člana grupe Jason. MJ-12 je odgovorna jedino predsjedniku USA. Vjerovali ili ne, MJ-12 kontroliše najveći dio ilegalne svjetske trgovinske mreže drogama. To se čini kako bi se postigao tajni izvor prihoda i kako be se istina mogla da sakrije od američkog Kongresa i naroda. S druge strane, njihov cilj je i da uz pomoć droge identificiraju i likvidiraju najslabije "elemente" iz našeg društva.

(Stvarna suma novca koja se koristi za financiranje projekata u vezi sa vanzemalcima, veća je od bilo čega što vi možete da zamislite !)

MJ-12 je upravo bila i ona grupa koja je naredila atentat na predsjednika Kennedy-ja, kada ih je on obavjestio o svojoj namjeri da upozna američki narod sa svim činjenicama u vezi prisustva vanzemaljaca. Dvadeset dva bliska svjedoka atentata uklonjena su tokom sljedeće dvije godine. MJ-12 ima i jedan specijalni program za eliminaciju onih koji se smatraju prirodno slabim elementima društva. Na globalnom planu : Stvaranjem vještačkih bolesti, kao npr. AIDS, kao i likvidacija onih koji "previše znaju" uz pomoć tzv. "nesretnih slučajeva," nestanaka ili otmica i naknadnih ubistava. Ovo gore je samo par metoda koje MJ-12 koristi za eliminaciju ljudi kojih oni smatraju opasnima, jer previše znaju ! U državi Maryland, sagrađena je i jedna tajna baza gdje se članovi grupe MJ-12 i sruštva Jason tajno sastaju. To mjesto je pristupačno samo iz vazduha i poznato je pod šifrom "Country Club". Zemlju za tu svrhu ustupila im je porodica Rockefeller. Samo onima koji imaju tzv. "TOP SECRET – MAJIC" propusnice, dozvoljen je pristup na to mjesto. MAJI = Majority Agency for Joint Intelligence. (Glavna Agencija za Udružene Obavještajne Aktivnosti). Sve informacije, dezinformacije i obavještajne aktivnosti analiziraju se od strane ove agencije. Ova agencija je odgovorna i za širenje svih dezinformacija na ovu temu i djeluje udruženo sa CIA, NSA, DIA i Biroom Mornaričke Obavještajne Službe. To je veoma moćna organizacija i svi projekti vezani za vanzemaljce su pod njenom kontrolom. Agencija MAJI odgovorna je samo članovima grupe MJ-12. (Čini se da je sada – COINTELPRO - ime grane koja se isključivo bavi dezinformacijom ljudi u vezi ove tematike) MAJIC = znači : kontrolisano od strane

MAJI (MAJI controlled). MAJIC je bezbjedonosna klasifikacija kao i dozvola za rad na povjerljivim projektima koji imaju bilo kakvu vezu sa vanzemaljcima.

Napomena :

- MJ-1 je kodirano ime direktora agencije MAJI, a to je u većini slučajeva direktor CIA. On je odgovoran direktno predsjedniku USA. Ostali članovi agencije MAJI označavaju se kodovima : MJ-2, MJ-3 itd. Odatle proizilazi i konfuzija kod nekih referenci prema MJ-12, tj. kada se radi o organizaciji, a kada o osobi označenoj kao MJ-12. Kada se radi o grupi, onda se većinom koriste izrazi MAJI ili MAJIC. U zvaničnim dokumentima, pojam MJ-12 se odnosi na osobu.

PRIKRIVANJE ISTINE O VANZEMALJCIMA OD STRANE AMERIČKE VLADE

Čini se da je sve počelo još prije mnogo hiljada godina ali ćemo u svrhu same diskusije početi sa nekim događanjima koja su nam bolje poznata. U 1947. godine, dvije godine nakon što je ova naša sadašnja civilizacija po prvi put aktivirala nuklearne eksplozije, desio se tzv. Slučaj Cap-Mantell, kada smo imali prvi incident vojne konfrontacije sa vanzemaljcima, koji je rezultirao smrću vojnog pilota. Ovaj slučaj je pokazao da naša vlada nije znala kako da se ponaša u takvim situacijama. 1952. godine, cijele eskadrile letećih tanjira su nadlijetale naš glavni grad. Taj događaj doveo je i do zajedničke akcije Američkih Bezbjedonosnih Snaga (CIA; DIA; NSA i FBI) gdje su one pokušale da održe situaciju pod kontrolom dok ne razumiju šta se to stvarno događa. Za vrijeme tog perioda, članovi grupe su bili : Sekretar, James Forrestal, Admiral Roscoe H. Hillenkoetter, General Nathan P. Twining, General Hoyt S. Vandenburg, General Robert M. Montague, D. Vanevar Bush, Dr. Detlev Bronk, Dr. Jerome Hunsaker, Dr. Donald Menzel, Dr. Lloyd V. Berkner, Mr. Sidney W. Souers, Mr. Gordon Gray, To je tada bila ta tzv. MJ-12 Grupa.

Grupa MJ-12 egzistira i dan danas, s tim što su novi članovi zamjenili one koji su u međuvremenu umrli. (Postoje podaci da kad je J. Forrestal shvatio stvarnu suštinu manipulacije naše civilizacije od strane vanzemaljaca, on je pokušao da to i javno objelodani, međutim, spriječilo ga je to što je navodno je "dobio nervni slom" i tako završio u bolnici. Prije nego što su ga rođaci stigli da posjete, on se bacio sa 16 sprata i tako počinio "samoubistvo". Njega je onda zamjenio General Walter B. Smith)

U Decembru, 1947. godine, oformljen je tzv. Projekat Znak (Project Sign) kako bi se prikupilo što je moguće više informacija o NLO-ima, njihovim tehničkim karakteristikama i svrsi njihovog prisustva. Kako bi se sve očuvalo u najvećoj tajnosti, održavanje veze između onih koji su učestvovali u tom projektu i MJ-12 svodilo se na samo dvojici ljudi unutar Komande Vazduhoplovnih Snaga, koji su određenim kanalima prosljeđivali informacije do MJ-12. Projekat Znak je kasnije prerastao u Projekat Grudge, koji je imao i jednu civilnu komponentu po imenu Projekat Plava Knjiga. Samo informacije koje su u suštini nerelevantne, plasirane su u "Plavoj Knjizi", koja je kasnije došla u posjed šire javnosti. Pod vođstvom generala George C. Marshall-a, Grupa MJ-12 je u Julu, 1947. poduzela opsežno istraživanje ostataka NLO-a i vanzemaljaca nakon njihovog rušenja. (Slučajevi "Roswell" i "Magdalena") U tom periodu je i admiral Hillenkoeter, koji je bio direktor CIA, od Maja, 1947. do Septembra, 1950. osnovao tzv. "Robertson Panel", čiji je zadatak bio - praćenje grupa građana koje su se počele pojavljivati širom države i proučavati ove fenomene. Grupa MJ-12 je uz pomoć generala Marshall-a uspješno sakrila sav dokazni materijal, odnosno stavila sve pod svoju kontrolu. Ti ljudi, kao i njihovi nasljednici, uspjeli su da na bezbroj načina zavaravaju narod idućih 40 i više godina, odnosno, do dan danas. U toku 6 mjeseci nakon rušenja letećeg tanjira, 02. Jula, 1947. u Roswell-u i drugog, 03. Jula, 1947. kod mjesta Magdalena, došlo je do velike reorganizacije u agenciji, kao i premještanja personala s jednog mjesta na drugo. Istovremeno se počelo i sa pokušajima dupliciranja tehnologije koja je bila zastupljena u vanzemaljskim letjelicama. Sljedećim grupama su bile povjerene ove aktivnosti :

- The Research and Development Board (R&DB)
- Air Force Research and Development (AFRD)
- The Office of Naval Research (ONR)
- CIA Office of Scientific Intelligence (CIA-OSI)
- NSA Office of Scientific Intelligence (NSA-OSI)

Ni jednoj od ovih grupa nije bilo dozvoljeno da zna cijelu priču. Svakoj od njih bilo je poznato samo ono što im je Grupa MJ-12 odredila da znaju. MJ-12 takođe operiše kroz mnoge civilne istraživačke i druge grupe. MJ-12 upravlja i CIA-om, kao i FBI-om, i koristi ih za svoje svrhe. NSA – Agencija za Nacionalnu bezbjednost (National Security Agency,) takođe je stvorena sa svrhom prvenstveno da sakriva sve tajne u vezi letećih tanjira dospjelih u posjed američke "vlade". Ova agencija je vremenom preuzela kompletnu kontrolu nad svim obavještajnim komunikacijama. Ta kontrola omogućava NSA da prati bilo čije poruke u svakom momentu, bilo da se radi o poštanskim pošiljkama, telefonskim konverzacijama, faksu ili e-mail-u.

VRHUNSKA TAJNA – MAJIC

Predmet : MAJI

Projekat : GRUDGE/AQUARIUS : (TS/MAJIC) PROJEKAT AQUARIUS (TS/ORCON)

Grudge sadrži 16 tomova dokumentiranih informacija sakupljenih od početka istraživanja NLO-a i IVL-a (neidentifikovanih letećih objekata i identifikovanih vanzemaljskih letjelica) u USA. (i širom svijeta) Sa ovim projektom se krenulo 1953. na osnovu ukaza predsjednika Eisenhower-a i pod kontrolom od strane CIA i MAJI. U 1960. Projektu Znak (SIGN) je promjenjeno ime u Projekat Aquarius. Taj Projekat Aquarius je, u stvari, jedna kompilacija činjenica u vezi istorije prisustva vanzemaljaca na našoj planeti i njihove interakcije sa HOMO SAPIENSOM u poslednjih 25000 godina, kulminirajući sa narodima Baskijcima (PAIS BASCO) koji žive na planinskim područjima između Španije i Francuske, i Asircima (ili Sirijancima, koji potiču sa Sirijusa).

PROJEKTI POD "PROJEKTOM AQUARIUS"

- (TS/ORCOM) PROJEKAT PLATON (Plato); Originalno uspostavljen kao dio Projekta Znak, 1954.-te godine. Svrha ovog projekta je bila – uspostavljanje diplomatskih odnosa sa vanzemalcima. Ovaj projekat se smatra uspješnim, pošto su njime obezbjeđeni uslovi koji su bili obostrano prihvaćeni. Uslovi dogovora su bili da se u zamjenu za njihovu tehnologiju američka vlada ne miješa u "poslove" vanzemaljaca, kao i to da održava njihovo prisustvo tajnim. Vanzemaljci su se obavezali da grupi MAJI s vremena na vrijeme dostave spisak ljudi koje su otimali ili s kojima su u kontaktu. Ovaj Projekat se navodno još uvijek odvija na području države New Mexico.
- (TS/ORCOM) PROJEKAT SIGMA; U početku osnovan kao dio Projekta Znak, 1954. Od 1976. odvija se kao zaseban projekat. Svrha mu je ostvarivanje komunikacije sa vanzemalcima. U 1956. USA su ostvarile neku primitivnu vrstu kontakta sa vanzemalcima u jednoj vojnoj bazi u državi New Mexico. Kontakt je navodno trajao 3 sata. Ovaj projekat je još uvijek aktivan.
- (TS/ORCOM) PROJEKAT CRVENO SVJETLO (REDLIGHT); Osnovan 1954. Svrha mu je bila testiranje, odnosno letenje vanzemaljskim letećim tanjirom koji je bio zaplenjen prilikom jednog njihovog pada. Već u prvom pokušaju došlo je do uništenja letjelice i pogibije pilota. Ovaj projekat je nastavljen 1972. u jednoj vojnoj bazi u državi Nevada (Area 51).
- (TS/ORCOM) PROJEKAT SNOWBIRD; Cilj ovog projekta koji je pokrenut takođe 1954. bio je razvoj, uz pomoć konvencionalne tehnologije, i letenje letjelicama tipa

"letećih tanjira" sa svrhom zavaravanja javnosti. Ovaj projekat je bio uspješan, jer su u nekoliko slučajeva letovi uspješno obavljani pred očima novinara, što je kasnije korišteno za "objašnjavanje" javnosti fenomena NLO-a.

PROJEKTI "MAJIC"

- SIGMA – je projekat pod kojim su se osnovale određene metode komunikacije sa vanzemalcima i još uvijek traje.
- PLATO – je projekat za razvoj diplomatskih odnosa sa vanzemalcima. Pod ovi projektom američka vlada (tj. neki njeni elementi) je napravila i formalni sporazum (ilegalan sa stanovišta američkog Ustava) sa vanzemalcima. Uslovi su bili da vanzemaljci daju "našoj vladi" tehnologiju i da se ne upliću u našu istoriju. Za uzvrat, naša vlada se obavezala da će držati njihovo prisustvo na zemlji tajnim, da im se neće uplitati u njihove "projekte" i da će im dozvoliti da otimaju ljude i životinje.
- AQUARIUS – pod ovim projektom proučavala se istorija prisustva vanzemaljaca na zemlji kao i njihova interakcija sa Homo Sapiensom.
- GARNET – je projekat odgovoran za kontrolu svih informacija dokumentacije u vezi sa vanzemalcima.
- PLUTO – je projekat odgovoran za analizu svih informacija u vezi sa NLO i IVL na temu kosmičke tehnologije.
- POUNCE – je projekat čiji je zadatak obezbjeđenje uslova za preuzimanje i transport svih NLO-a koji se sruše kao i plasiranje dezinformacija kada se to dogodi.
- SIGN – je projekat za skupljanje svih obavještajnih podataka s ciljem određivanja stepena opasnosti za američku nacionalnu bezbjednost od strane NLO-a i vanzemaljaca.
- REDLIGHT – je projekat za prisvajanje srušenih NLO-a i pokušaj njihovog osposobljavanja za ponovnu upotrebu od strane američke vlade (tj. nekih njenih elemenata). Ovaj projekat se odvija u bazi AREA 51, Nevada.
- SNOWBIRD – pod ovim projektom američka vlada je sakrivala aktivnosti projekta REDLIGHT, na taj način što su napravili nekoliko letjelica tipa letećih tanjira uz pomoć konvencionalne tehnologije, a onda izvodili eksperimentalne letove njima pred očima novinara. Ovo je bila veoma uspješna dezinformativna operacija.
- BLUE BOOK (Plava Knjiga) – je skup dezinformacija u vezi NLO-a i vanzemaljaca za javnost.

(Između ostalih postoji i tzv. Projekat Bluebeam. Radi se o tome da se uz pomoć religioznih ili drugih imidža na nebu ili zemlji, stvaranih holografskom tehnologijom, manipuliše javnost u razne svrhe)

Planovi Majic – Za Nepredviđene Situacije

Godine, 1949. Grupa MJ-12 je razvila jedan inicijalni plan pod imenom MJ-1949-04P/78, koji je dozvoljavao objavljivanje javnosti određenih informacija u vezi vanzemaljaca, ukoliko se za to ukaže potreba. General Doolittle je svojevremeno predskazao da ćemo jednog dana doći u situaciju kada ćemo morati vanzemaljce ozbiljno da shvatimo. U knjizi Grudge, postoji jedan Report (No 13) u kome se pominje da je

mnogo pojedinaca iz vladinih i vojnih krugova likvidirano kako bi se sprečili da odaju tajne u vezi ove tematike.

- PLAN A – Zadržavanje ili Odlaganje Informacija – Kod : MAJIC/STR/M 03CCPN24

Ovdje se radi o cijeloj paleti dezinformativnih aktivnosti u slučaju da se neko nađe na pragu istine. Većina tih aktivnosti se svodi na stavljanje u optičaj jedne mase lažnih informacija u cilju stvaranja dodatne konfuzije i zbunjivanja javnosti.

- PLAN B – Ukoliko Javnost Dođe u Kontakt sa Istinitim Informacijama ili u Slučaju Invazije Vanzemaljaca.

Pod ovim planom javnosti bi se saopštilo kako je jedna teroristička grupa ušla u zemlju i kako ta grupa ima u posjedu i atomsko oružje. Takođe bi bilo saopšteno kako teroristi planiraju da aktiviraju to oružje u nekom od većih gradova. Vanredno stanje bi bilo proglašeno i svi oni koji su implantirani (i aktivirani ?) od strane vanzemaljaca bili bi zajedno sa drugim disidentima uhapšeni od strane Grupe MAJIC i zatvoreni u koncentracione logore. Mediji će u tom slučaju biti pod kompletnom kontrolom. Bilo ko da pokuša da se suprostavi biće uhapšen ili likvidiran.

Tajna Oružja Grupe Majic Za Borbu Protiv Vanzemaljaca

Iako se iz dana u dan razvijaju sve bolja i ubitačnija oružja, ovo su samo neka od onih koja su originalno bila razvijena;

- GABRIEL – Projekat za razvoj oružja koje proizvodi visoke pulsirane zvučne frekvencije. Tu se tvrdi da bi ovakvo oružje bilo efikasno protiv NLO-a i njihovog "beam oružja". Ovaj projekat podrazumjeva i razvoj raznovrsnog oružja na bazi mikrovalnih talasa.
- JOSHUA – Pod ovi projektom podrazumjeva se razvoj oružja koje proizvodi niske pulsirane zvučne frekvencije. Ovo oružje je napravljeno od strane Ling Tempco Vought, u mjestu Anaheim, Kalifornija. Ono je u stanju da s ravni sa zemljom bilo kakvu građevinu napravljenu od strane čovjeka, sa distance od oko 3-4 km. Radi se o uređaju sličnom rogu koji je povezan sa kompjuterom i zvučnim pojačalima.
- EXCALIBUR – je oružje namjenjeno za uništavanje podzemnih baza vanzemaljaca. Radi se o raketama sa nuklearnim bojevim glavama čija je sposobnost da probiju oko jedan kilometar tvrde podloge prije nego što eksplodiraju.
- OBS-MAJIC – momentalno ima još 5 drugih oružja za borbu sa vanzemalcima, međutim, ja za sada nemam dovoljno podataka o njima.

NEKE INFORMACIJE IZ MATERIJALA "GRUDGE", Izvještaj Br. 13

- EBE – (Ekstra Terestrijalni Biološki Entitet) je ime nadjeveno vanzemaljcu koji je bio zarobljen nakon pada NLO-a u Roswell-u, 1947.g.)
- GOSTI – naziv za vanzemaljce koji su bili zamjenjeni za ljude i od kojih smo dobili većinu informacija sabranih pod Projektom Yellow Book. U 1974.g. imali smo trojicu a sada ih već ima oko 4000. Njih su nazivali ALF - Alien Life Forms (Vanzemaljske Životne Forme). Imaju tendenciju da lažu.
- YELLOW BOOK – je sve što znamo o tehnologiji vanzemaljaca, njihovoj kulturi i istoriji.

- RELIGIJA – Vanzemaljci vjeruju u Univerzalnog Kosmičkog Boga. Vanzemaljci tvrde da su ljudska bića na zemlji hibridi, koje su oni stvorili. Oni takođe tvrde da su oni ti koji su stvorili naše religije kako bi ubrzali formiranje kulture naše civilizacije i kako bi lakše kontrolisali ljudsku rasu. Oni kažu da je i Isus bio njih "produkt tih njihovih napora". Vanzemaljci takođe posjeduju jedan "uređaj" uz pomoć kojeg su u stanju da dokažu ove svoje navode. Taj "uređaj" ima sposobnost da prikaže audibilno i vizuelno bilo koji dio naše istorije kojeg oni ili mi želimo da vidimo.
- BAZE VANZEMALJACA – postoje u državama Utah, Colorado, New Mexico i Arizona. Šest od ovih baza je detaljno opisano još 1972. godine, sve od njih nalaze se na području indijanskih rezervata. Baza Dulce, je jedna od njih. Baze postoje i u državama California, Nevada, Texas, Florida, Maine, Georgia i Alaska.
- ABDUKCIJE/OTMICE – odvijaju se tokom cijele naše istorije. I rane civilizacije su govorile o ovim incidentima. Iz ove dokumentacije se vidi da vanzemaljci otimaju i mutiliraju životinje i ljude. Mnogo ljudi je nestalo i nestaje bez ikakvog traga. Oni uzimaju uzorke sperme, ženskih jajnih ćelija, izvode hirurške zahvate, implantiraju ljudima uređaje veličine 40-50 mikrona, (u blizini optičkog nerva u mozgu), i svi pokušaji odstranjivanja ovih implanata, do sada, rezultirali su smrću ljudi. Ovi dokumenti indiciraju da je 1 čovjek od svakih 40 - implantiran. Za ove implante se tvrdi da obezbjeđuju potpunu kontrolu vanzemaljaca nad ljudima koji su implantirani.

Ostali Podaci Iz Izveštaja Br. 13 – SRD/28, Šifra : Abrama 33A/C

Potvrđeno je 1989. godine, postojanje zaplijenjenog letećeg tanjira u bazi Edwards Air Force Base. Hangar u kome se ova letjelica nalazila bio je stacioniran na sjevernom dijelu baze. Čuvao ga je personal koji nije pripadao samoj bazi, nego grupi NRO-DELTA, koja je bila specijalno stvorena za te svrhe. Članovi obezbjeđenja nosili su crvene bedževe sa crnim trokutima. Nikome nije bilo dozvoljeno da se bez ovog bedža uopšte približi ovim hangarima.

Oznake na nekima od vanzemaljskih letjelica nazivaju se – Trilateralna Insignija.

- LUNA-2 – Šifra za lokaciju druge po važnosti baze rigelijanskih Greysa u državi New Mexico.
- TAMNA STRANA MJESECA – podzemna baza na mjesecu (LUNA-2)

NSA Sistem za Obezbeđenje – National Security Agency – NSA je stvorena sa svrhom prvenstveno da sakriva sve tajne u vezi letećih tanjira dospjelih u posjed američke "vlade". Ova agencija je vremenom preuzela kompletnu kontrolu nad svim obavještajnim komunikacijama. Ta kontrola omogućava NSA da prati bilo čije poruke u svakom momentu, bilo da se radi o poštanskim pošiljkama, telefonskim konverzacijama, faksu ili e-mail-u. (ECHELON je ime sistema, a PROMIS jednog od softvera za praćenje i prisluškivanje)

Današnja NSA je odraz Grupa MJ-12 i PI-40 u vezi svih programa sa NLO-ima. Ogromna količina dezinformacija se namjerno ubacuje i širi na polju istraživanja NLO-a. Svi svjedoci i učesnici bilo kog od njihovih programa nalaze se pod neprestanim nadzorom. Od svih njih bili su prisiljeni da podnesu Zakletvu o Tajnosti, prije nego što su počeli raditi na nekim od ovih programa. Kršenje ove zakletve povlači neke od sljedećih konsekvenci :

- Verbalna opomena zajedno sa ponavljanjem zakletve.
- Stroga opomena, ponekad praćena fizičkim i psihičkim zlostavljanjem.

- Programiranje psihe individue, s ciljem prouzrokovanja jake depresije koja na kraju rezultira samoubistvom.
- Ubistvo individue na način koji ukazuje da se radi o samoubistvu ili nesreći.
- Čudne i iznenadne nesreće, uvijek fatalne prirode.
- Zatvaranje u ustanove za mentalno poremećene osobe, gdje im se kasnije raznovrsnim tehnikama vrši "ispiranje mozga" i mentalno programiranje. Te individue se kasnije otpuste sa promjenjenom ličnošću, identitetom i memorijom.
- Dovođenje određene osobe unutar organizacije, gdje joj se omogućava nastavak s radom, ali pod pojačanom kontrolom. To su obično ustanove zatvorenog tipa sa vrlo malo kontakta s vanjskim svijetom. Tu se mahom radi o podzemnim bazama.

Sve osobe za koje se smatra da su stigle previše blizu do istine tretiraju se na ovaj način. MJ-12/NSA će po svaku cijenu pokušati da očuva svoje vrhunske tajne.

2. ČINJENICE O VANZEMALJCIMA NA PLANETI ZEMLJI

IRS-28 – Kod : IRWING/7 – MAT-ORM, 26.01/AB/7

Na osnovu svih ovih godina istraživanja, sada možemo da navedemo ove činjenice o vanzemaljcima na Zemlji :

- Vanzemaljske letjelice rušile su se u nekoliko navrata na našoj planeti
- Vanzemaljske letjelice dolaze iz "ultra-dimenzionalnih" oblasti, kao i oblasti unutar naše dimenzije
- Rani pokušaji vlade USA da dođu do tehnologije vanzemaljaca bili su dosta uspješni
- Američka vlada je u nekoliko navrata u novijoj historiji držala vanzemaljce i kao taoce
- Američka vlada je izvodila autopsije na leševima vanzemaljaca
- Obavještajne službe američke vlade sprovodile su i još uvijek sprovode operaciju zataškavanja prisustva vanzemaljaca na zemlji i cijele situacije u vezi s njima.
- Vanzemaljci ljude kidnapuju, muče, ubijaju, unakažavaju itd.
- Vanzemaljci su trenutno među nama i kontrolišu različite elemente ovoga društva
- Vanzemaljci imaju svoje baze na zemlji i mjesecu.
- Američka vlada je saradivala sa vanzemalcima sa svrhom razvijanja tehnologije gravitacione propulzije, laserskog oružja, kontrole uma ljudi itd.
- Milioni goveda su mutilirani od strane vanzemaljaca u cilju akvizicije biološkog materijala. Oni, isto kao i američka vlada odgovorni su za mutilacije goveda, mada zbog različitih razloga.
- Mi živimo u multidimenzionalnom svijetu koji je isprepleten i posjećivan od strane različitih entiteta iz drugih dimenzija. Neki od njih su dobroćudne prirode a neki ne. Postoji oko 160 vanzemaljskih formi za koje znamo da su nas posjetile.
- Baza našeg genetičkog razvoja i religija počiva na intervenciji zemaljskih i vanzemaljskih entiteta
- Istina o našoj stvarnoj tehnologiji (američke vlade, sic) daleko prevazilazi onu koja je poznata javnosti.
- Cijeli tzv. kosmički program američke vlade je samo jedna od operacija zavaravanja javnosti.
- Ljude masovno ubijaju kako bi se sakrile činjenice u vezi istinske situacije. CIA i NSA su toliko duboko zahvaćene, da bi istina o njihovim aktivnostima izazvala kolaps ovih organizacija.
- Činjenice indiciraju prisustvo vanzemaljaca na zemlji u toku 5-10 hiljada godina
- Naša civilizacija je jedna od mnogih koje su egzistirale u poslednjih milijardu godina, (vremenskom periodu galaksije Mlječnog Puta)
- Psihologija vanzemaljaca (pogledaj sljedeće stranice)
- Metagen faktor (pogledaj sljedeće stranice)

GLAVNI PADOVI NLO-a, PREMA ULTRA-TAJNIM DOKUMENTIMA :

DRŽAVA	MJESTO PADA	GODINA	UZROK
New Mexico, USA	Roswell, San Augustine	1947, 1948.	zahvaćeni zracima experimentalnog radara
California, USA	pustinja	1952.	nepoznat
Mexico	pustinja Sonora	1955.	nepoznat
Florida, USA	Everglades	1959.	zahvaćen radarom
Texas, USA	Dayton	1961.	nepoznat
Brazil	Mato Grosso	1966.	nepoznat
Uruguay	Salto	1970.	nepoznat
Brazil	Amazon	1976.	nepoznat
Mexico	Meksički Zaljev	1979.	nepoznat
Argentina	Andi	1979.	nepoznat
Aljaska, USA	Fairbanks	1981.	kvar na letjelici

KLASIFIKACIJA VANZEMALJACA

- GOSTI – vanzemaljci pozvani da borave na Zemlji od strane vlade USA.
- POSJETIOCI – Vanzemaljci koji su došli na našu planetu iz nama nepoznatih razloga
- ZATVORENICI – Vanzemaljci zarobljeni od strane naše i drugih vlada
- NAUČNICI – Vanzemaljci koji borave na Zemlji u naučne svrhe
- UPADAČI – Vanzemaljci koji su opasni po našu civilizaciju jer nemaju nikakvog respekta za naše društvo
- NEUTRALCI – Vanzemaljci koji samo posmatraju našu civilizaciju ali se nikada direktno ne upliću
- KOLONIZATORI – Mala grupa vanzemaljaca koja je odlučila da živi s nama (slični nama)
- INTERAKTORI – Male grupe vanzemaljaca koji su odlučili da manipulišu našom istorijom i da je mjenjaju gdje god i kad god je to moguće

PRISUSTVO VANZEMALJACA NA ZEMLJI

Postoji 160 ili više nama poznatih vanzemaljaca koji posjećuju Zemlju u današnje vrijeme. Ovo su neki od najčešće viđenih tipova :

- GREYS (Sivi) – Tip jedan (1), - Poznati i kao Rigelijanci, jer potiču iz zvjezdanog sistema Rigel. Visoki su oko 120 cm, imaju velike glave sa velikim kosim očima. Oni poštuju samo tehnologiju i nije ih briga za nas. Njih je W. Strieber popularizovao u svojoj knjizi "Communion". Njima su za opstanak potrebne vitalne biološke supstance koje uzimaju od nas zemljana.
- GREYS, Tip dva (2) – Dolaze iz solarnog sistema Zeta Reticulae 1 & 2. Generalno, slični su onima tipa jedan (1), iako im se razlikuje raspored prstiju na ruci a i lica su im malo drugačija. Ovi greys-i su tehnički razvijeniji od onih tipa jedan (1). Imaju određen stepen zdravog razuma i u nekom smislu su dosta pasivne prirode.
- GREYS, Tip tri (3) – klonirane forme gore navedenih tipova 1 i 2. Usne su im tanje ili ih uopšte nemaju. Oni su pokorni Greys-ima 1 i 2.
- NORDICI (NORDICS, BLONDES, SWEDES), - Slični su nama. Imaju plavu kosu i plave oči (mada neki imaju smeđu kosu i oči, i nešto su niže visine). Oni neće da krše zakon ne-interferencije (neuplitanja), da bi nam pomogli.
- KLONIRANI NORDICI – Oni su slični nama, mada im koža ima malo sivkaste tonove. Radi se o dronima kontrolisanim od strane Greys-a tipa 1.
- INTRA-DIMENZIONALNI ENTITETI – (ne para-terestrijalni) – Ovi entiteti mogu uzeti raznolika obličja. Bazično su dobroćudne prirode.
- NISKI HUMANOIDI – Visoki su do 80 cm, sa plavičastom bojom kože.
- DLAKAVI PATULJCI – (ORANGE), - visoki su oko 120 cm i teški oko 20 kg. Često su viđani u Meksiku, na području mjesta Chihuahua.
- VRLO VISOKA RASA – Liče na nas ali su visoki oko 220 cm i više. Udruženi su sa Nordicima.
- LJUDI U CRNOM (Men in Black) – orijentalnog su izgleda i maslinaste boje kože. Nose crna odjela i naočale.

3. MUTILACIJA GOVEDA

GENERALNA HRONOLOGIJA

Sredinom 1963. godine, serija napada na stada goveda dogodila se na području Haskell County, u državi Teksas. Tipičan slučaj; bik rase Angus pronađen je mrtav sa ovalnom ranom na stomaku. Lokalno stanovništvo je u početku krivilo kojekave životinje za napade na stoku, kasnije satanističke sekte, pa i vladu, u smislu da ona sprovodi određene tajne eksperimente na njihovoj stoci.

Sporadični izvještaji o napadima na stoku pojavljivali su se i tokom čitave iduće decenije. Jedan od poznatijih slučajeva, bila je mutilacija konja po imenu Snippy, u Južnom Koloradu. Taj događaj je istovremeno bio popraćen i masovnom pojavom NLO-a, na tom području, kao i neidentifikovanih helikoptera. Oko 1978.g. broj napada se drastično povećao, a u 1979. godini, mnogi slučajevi su se počeli dešavati i u Kanadi, (većinom na području pokrajine Saskatchewan), kao i mnogim drugim državama u svijetu.

U istom periodu napadi na stoku su se malo smirili u USA, da bi se opet povećali 1980. g. Nakon te godine, broj izvještaja se smanjio, što je više bio rezultat nevoljnosti farmera da govore o tome. Mutilacije se događaju i danas. Samo u USA na ovaj način umrlo je desetine hiljada životinja. Iako se ovaj fenomen javlja u cijelom svijetu, okolnosti u vezi s njim su uvijek iste. U materijalu objavljenom pod naslovom Yellow Book, tvrdi se kako su zemaljski naučnici došli do nekih otkrića u vezi produženja života, a baza za to je, u suštini, sposobnost ćelija za obnavljanje. Svako ljudsko biće počne da stari kad se njegove ćelije prestanu da obnavljaju. Tajna dugog života leži u restauraciji ćelija. To se može ostvariti uz pomoć izmjenjenog adrenalina, izmjenjenog koradrelina, Codrazyne ili Cortropinex, (za nešto više na ovu temu, čitaj: Projekat PULSAR). Sve od ovih supstanci bazirane su na adrenalinu, koji se stvara u ljudskom mozgu. Još 60-tih godina, naučnici su otkrili da mogu sintetizirati hormone iz medularnog dijela mozga goveda...

Svako istraživanje čiji je cilj da otkrije suštinu pojave sistematske mutilacije goveda, mora uzeti u obzir i cijeli niz drugih faktora koji ne moraju da budu u direktnoj vezi sa samim aktom mutilacije. Te aktivnosti, ubijanje goveda i odstranjenje iz njihovih tijela određenih organa i tkiva, odvijaju se još od šezdesetih godina. Hirurški rezovi su izvedeni na njima sa nevjerovatnom preciznošću što sugerira korištenje veoma sofisticiranog pribora i tehnike. Beskorisni leševi tj. način na koji su oni odbačeni sugerišu nevjerovatnu aroganciju počinioca ovih nedjela i navode na pomisao da oni osjećaju veliki stepen slobode u vezi ovih svojih aktivnosti, u smislu da im "niko ništa ne može" tj. da mogu raditi šta god hoće.

Razlozi ljudi za počinjavanje mutilacija – Ove aktivnosti su samo paravan, da bi se sakrili kako počinioci, tako i stvarni razlog: akvizicija biološkog materijala od strane vanzemaljaca za njihove lične svrhe. Da bi se ovo diskutovalo na logičan i postepen način, mi moramo razmotriti sve ono što se trenutno odvija ispred naših noseva, a to je jedna direktna interakcija sa Ekstra-terestrijalnim Biološkim Entitetima (EBEs). Da bi uopšte diskutovali ovu tematiku, moraćemo da počnemo iz početka, tj. od onoga što nam je do sada stvarno poznato.

Razlozi Vanzemaljaca za Mutilaciju Životinja – Ono što vanzemaljce najviše interesuje, (ovdje je riječ specifično o Rigelijancima), to je njihovo razmnožavanje, uz pomoć ukrštanja s ljudima. Njima su potrebna tkiva goveda jer goveda imaju ćelije istog kariotipa kao i ljudi, na genetskom nivou. Za ove poduhvate oni često koriste Replike, Klonove i Androide. Oni ih šalju po materijale koji im trebaju, i oni ih uzimaju, onoliko koliko im treba. Učešće Crnih Neidentifikovanih Helikoptera u Slučajevima Mutilacija, Karakteristično je postojanje jednog specifičnog elementa na kojeg se relativno brzo naiđe kod proučavanja ovog problema. Naravno, radi se o prisustvu neidentifikovanih

helikoptera (bez ikakvih oznaka) u prostorno-vremenskoj blizini lokacija gdje se dogodila mutilacija životinja. Pojava ovih letjelica, kao i svi ostali parametri, navode nas na to da ovdje možemo da isključimo bilo kakvu slučajnost. Ovi misteriozni helikopteri nemaju na sebi nikakve oznake. Često su viđeni kako lete na neopravdano niskim visinama. Postoji nekoliko slučajeva njihovog agresivnog ponašanja, odnosno, njihove posade, u smislu proganjanja svedoka, lebdenja iznad njihovih kuća pa čak i pucanja na njih. Njih se često može vidjeti kratko prije nego što uslijedi operacija unakaženja životinja, za vrijeme te operacije ili neposredno nakon nje. U nekim slučajevima primjećeno je i da ovi helikopteri lete bez ikakvog zvuka, da mijenjaju oblik ili iznenada nestaju. Čini se da se u suštini radi, generalno govoreći, o kombinaciji letjelica zemaljskog i vanzemaljskog porijekla. Radi se o tome da u mnogim slučajevima vlada pokušava da odvraći pažnju javnosti od vanzemaljaca. Oni ponekada ostavljaju na tim mjestima i skalpele koji se normalno koriste u armiji, kao bi zbunili istragu i naveli ih na stranputicu. Tako se na kraju može reći da su i američka vlada i vanzemaljci odgovorni za mutilaciju životinja, s tim što oni to čine iz različitih razloga.

4. ANTAREANSKA VEZA

VRIJEME I NLO-i

Vrijeme je jedan od najvažnijih aspekata u vezi ove tematike. Ono u svemu tome, igra jednu čudnu ali značajnu ulogu. Dio odgovora možda ne leži u zvijezdama, nego u satu koji kuca pored vas.

Planeta Zemlja postoji u tri dimenzije a mi se možemo kretati u mnogim pravcima koji su u okviru te tri dimenzije. Prostor ne postoji, osim u slučaju kada ga mi učinimo da postoji. Za nas je prostor između atoma u materiji toliko mali da ga možemo izračunavati samo hipotetičkim mjerama, ali u slučaju kada bi mi živjeli na jednom atomu i kada bi naša veličina bila u srazmjeri s njim, onda bi nam se udaljenost do sljedećeg atoma činila strahovito velikom.

Postoji jedna druga zemaljska mjera koju je čovjek stvorio i koja se zove vrijeme. Za razliku od ostale 3 dimenzije, čini se da nas je vrijeme zarobilo. Vrijeme je postalo za nas nešto što je realno i kako se čini, bez njega ne bi bili u stanju ni da živimo. Međutim, vrijeme u stvarnosti ne postoji. Ovaj momenat za nas postoji, ali da li to znači da neko drugi, u nekoj drugoj galaksiji, dijeli isti ovaj momenat s nama ? Stvarno – ne.

Fenomen NLO-a je kako se čini kontrolisan, što znači da se ponaša prateći inteligentne načine ponašanja. Ako su ti objekti sami po sebi manifestacija energija viših frekvencija, onda nešto mora da manipulira tim energijama, na neki način, i svodi ih na vidljive frekvencije, sa stanovišta ljudske percepcije. Oni uzimaju formu koja se za nas čini da je fizičke prirode i izvode aktivnosti koje su inteligentne prirode.

Tako, dolazimo i do izvora a taj izvor je oblik inteligentne energije koji operiše na jednoj višoj tački Vibracionog Spektra. Vibracije različitih frekvencija inače prožimaju cijeli univerzum i održavaju jednaku kontrolu nad svakim njegovim dijelom. Zbog svoje veoma visoke frekvencije taj izvor nema potrebu da obnavlja samog sebe na način koji bi bio prihvatljiv i razumljiv za naše prirodoslovne nauke. On može stvarati i rastvarati materiju manipulušući energijama nižih frekvencija. Takav jedan proces bi bio neprekidan, jer ne sadrži u sebi vremensku komponentu, on egzistira izvan svih vremenskih polja. On je vječan jer se nalazi zatvoren u tro-dimenzionalnom prostoru.

Vjerovatno, ukoliko bi mi sebe zamislili u jednom obliku čiste energije, svaki djelić te energije bi služio sam po sebi kao jedna sinapsa, a informacije bi se skladištile uz pomoć laganih izmjena u frekvencijama. Cijela memorija, npr. - jedne ruže, bila bi zapisana na nekoj frekvenciji a cijelo energetsko biće može da dosegne tu memoriju podešavanjem frekvencija, kao što podešavamo talasne dužine na radio prijemniku namještajući ga na neku stanicu. Drugim riječima, u ovom slučaju neka kompleksna električna šema ne bi bila potrebna, isto kao ni fizičko tijelo. Tim energetskim uzorcima materijalna forma nije ni potrebna, oni ionako prožimaju cijeli univerzum (koji je samo jedna tačkica u multiverzumu). Ta energija vas vjerovatno sada kompletno okružuju i svjesna je svih procesa koji se dešavaju prilikom prolaska niskih energetskih impulsa kroz vaš mozak. Ako bi htjela, ona bi mogla da kontroliše te impulse, te tako i vaše misli.

Čovjek je oduvijek bio svjestan te inteligentne energije ili sile. Ona mu je bila i predmet obožavanja kao npr. Bog, Isus, Univerzalno Biće itd.

Naš prvi zaključak je da NLO-i potiču iz jedne oblasti koja se nalazi izvan naše vremenske oblasti, odnosno, ciklusa. Naš drugi zaključak je da oni koji obitavaju na toj ravni postojanja imaju kompletno znanje o svemu što se dešava s nama, čak i pojedinačno gledajući, jer vrijeme i prostor nisu apsolutni. Radi se o tome da, gledano s tačke gledišta jedne više inteligencije, ljudski događaji se odigravaju simultano. Ukoliko jedna viša

inteligencija pokušava da komunicira sa nekim nižim životnim oblikom, sve vrste problema istovremeno iskrsavaju. Komunikacija se mora odvijati na način koji je prihvatljiv i razumljiv za niža živa bića. Fenomen NLO-a je u mnogim slučajevima reflektivne prirode; tj. pojedinac doživljava manifestacije koje su skrojene po njegovoj ličnoj mjeri, odnosno, mjeri njegovih individualnih vjerovanja i stavova. Oni koji su kontaktirani od strane vanzemaljaca, dobijaju od njih one informacije koje su u većini slučajeva u skladu s njihovim dotadašnjim vjerovanjima.

Naučnici koji se bave proučavanjem NLO-a, i koji već imaju neke svoje određene teorije u vezi s tim, nađu se zatrpani sa, na prvi pogled, pouzdanim izvještajima i činjenicama koje bi trebale da podržavaju te njihove teorije !?

Ruski naučnici su već imali toliko iskustva s tim reflektivnim faktorom da ih je to nagnalo da počnu da sprovode cijeli niz eksperimenata koji su potvrdili da je najveći dio tih podataka namjerno izmišljen, tj. da se radi o lažnim podacima. Svjedoci nisu ti koji to smišljaju, nego su i oni takođe obične žrtve manipulacije.


Očigledna svrha svih tih lažnih podataka je da se stvori opšta konfuzija ili da se naučnici odvedu na stranputicu. Dosta toga imalo je ulogu da podržava određena vjerovanja koja su trebala da igraju ulogu kamena temeljca s kojeg bi se kasnije zakoračilo prema nekoj višoj, kompleksnijoj istini. Cijele generacije ljudi su došle i prošle, sretno vjerujući u laži koje su im servirane, nesvjesni da služe samo kao jedna karika u lancu.

Kada bi se sve to prebrzo saznalo, mi bi svi skupa posrnuli pod teretom istine. Planeta Zemlja je pokrivena koridorima (prozorima, tunelima, kapijama) koji vode u neke druge nevidljive svijetove. Mi imamo instrumente za njihovu detekciju, koji mogu pouzdano da odrede gdje se ti koridori nalaze. Kad se odlučimo da ih koristimo, vidjećemo da ti prozori predstavljaju žiže ili fokusne tačke talasa supervisokih frekvencija. To su zrake jednog praiskonskog znanja. Ti zraci mogu dolaziti iz pravca Orionu ili sazvjeđa Plejada, kako neki naši naučnici tvrde, ili one mogu da budu dio jedne velike sile koja se prostire cijelim univerzumom, ili možda potiču sa zvjezdanog sistema Antaresa.

5. FENOMEN ZNAKOVA U ŽITU

Kao jedan od ključnih dokaza postojanja svemirskih letelica koje dolaze na Zemlju "ufolozi" navode tragove u žitnim poljima. Širom svijeta fotoaparatom zabilježeni su koncentrični krugovi na livadama, žitnim poljima, pa čak i uzoranim njivama. Oni su, po pristalicama, teorije o letećim tanjirima tragovi slijetanja ovih neobičnih letjelica. Najviše tragova ima u SAD i Velikoj Britaniji. Njima su se bavile razne naučne ekipe, ali nikad niko nije uspio da dokaže da su u pitanju poletno - sletna mjesta NLO-a.

Ovo je jedan dijagram koji može pomoći u razumjevanju tzv. fenomena znakova u žitu.



Mi, ljudi na zemlji, egzistiramo u 3-ćoj dimenziji zbog toga što naši atomi imaju specifičnu vrstu frekvencije koja nam omogućuje da živimo u trećoj dimenziji. Ta specifična frekvencija dovoljno je stabilna za jedan cijeli naš životni vijek. O dimenzijama možemo razmišljati ovako:

- Prva dimenzija je jedna obična tačka.
- Druga dimenzija su dvije tačke spojene jednom linijom.
- Treća dimenzija je denzitet, volumen (mi i univerzum)
- Četvrta dimenzija je – vrijeme.


Ono što nas u ovom izvještaju najviše interesuje, to je peta dimenzija - Paralelni Univerzumi ili Multiverzum. Postoji bezbroj paralelnih univerzuma. Obična matematika nam kaže kako ne postoje granice za najmanje i najveće. Kada bi mi bili u mogućnosti da usporavamo ili ubrzavamo ove naše frekvencije koje nam omogućavaju egzistenciju u trećoj dimenziji, bili bi u stanju da uskočimo u 5-tu dimenziju ili - multiverzum.



Da bi se malo bolje razumjela ova ideja, pokušajte da zamislite sve ovo kao slušanje radio prijemnika. Kada slušate radio, vi slušate jednu radio stanicu koja emituje program na jednoj određenoj frekvenciji. Kada promijenite stanicu, vi ste u stvari promijenili frekvenciju. Slušajući jednu stanicu, vi ne čujete i sve ostale stanice, iako i one u tom momentu takođe postoje, i emituju svoje programe. Znači, to što vi ne čujete druge stanice, ne znači da one ne postoje. Ista stvar je i sa drugim univerzumima iz multiverzuma. Oni se nalaze na različitim frekvencijama nego što se mi nalazimo, međutim, nama one još uvijek nisu poznate. Putnici koji putuju između dimenzija čine to uz pomoć procesa akceleracije čestica, što im omogućava prelaz iz jedne dimezije u drugu. Zašto se znakovu u žitu pojavljuju baš u Engleskoj (činjenica je da se oni pojavljuju širom cijelog svijeta, mada u Engleskoj najčešće) !?

Odgovor je da u Engleskoj postoje pravi uslovi za jednu od nekoliko civilizacija, koje egzistiraju u multiverzumu, da stupi u kontakt s nama uz pomoć znakova u žitu. Svi odgovori u vezi toga kako su oni u stanju da ostvare tako nešto leže u jednom praistorijskom strujnom kolu. Engleska ima jednu veoma kompleksnu energetska mrežu. Energija koja tu protiče ulazi u interakciju sa prastarim kamenim kompleksima, podzemnim vodama i kvarcnim kristalima iz zemlje, stvarajući određeno el-magnetno polje. Kada se svemu tome doda i gravitacioni uticaj mjeseca na vodu i zemljinu masu to dovodi do nakupljanja elektromagnetnog naboja u kvarcnim kristalima i njegovim periodičnim energetska praznjenjima. Električne iskre koje tom prilikom nastaju

obezbjeđuju potrebne uslove za eksperimentisanje na ovim prostorima od strane drugih civilizacija. Oni su počeli da šalju svoje sonde ovamo, kao bi pokušali da saznaju što više o prirodnim uslovima koji trenutno vladaju na našoj planeti.



Čovjekovo oko ne može da registruje ove sonde zbog njegove vizuelne ograničenosti, jer ono nije u stanju da vidi frekvencije između infracrvenog i ultraljubičastog spektra. Fenomen znakova u žitu nije počeo odnedavno, čak ni prije nekoliko desetina godina, nego je počeo još prije mnogo vijekova i u međuvremenu je postao mnogo kompleksniji. Ono što nam oni na ovaj način šalju, to su - poruke. I to veoma specifične poruke.




1990.



1991.



1992.




1993.



1994.



1995.



1996.



1997.



1998.

6. BAZA DULCE – CODE : J. B. III

Dati materijal dolazi od osoba koje znaju za postojanje podzemne baze Dulce. To su ljudi koji su radili u laboratorijama, ljudi koji su oteti i dovedeni u bazu, ljudi koji su pomagali u konstrukciji baze, osobe iz obavještajnih službi (NSA, CIA, itd...), te određeni NLO istraživači. Ova informacija je namjenjena onima koji se ozbiljno interesuju za bazu Dulce. Zbog vaše lične zaštite, savjet je da "budete oprezni" prilikom istraživanja ovog kompleksa. Tekući izvještaj napravljen je od strane J. B. III. (Kod : SR24.3B7).

Ovo postrojenje predstavlja genetički laboratorij i povezan je sa Los Alamosom, pomoću tzv. Tube-Shuttla. Dio istraživanja je vezan za genetske posljedice koje se javljaju usljed radijacije (mutilacija i ljudska genetika). Istraživanja također obuhvataju i proučavanje vanzemaljskih subjekata. U Septembarskom izdanju iz 1950. "Efekti atomskog oružja", napravljenom za i u saradnji sa američkim sekretarijatom odbrane i američkom komisijom za atomsku energiju, a pod supervizijom Los Alamoskog naučnog laboratorija, govori se o opravdanosti postojanja podzemnih baza. Na stranici #381 piše slijedeće :

- "Ne postoje poteškoće u konstrukciji i izgradnji različitih vrsta podzemnih objekata. Objekti mogu biti izgrađeni u postojećim rudnicima ili se oni dodatnim iskopavanjem mogu prilagoditi za tu svrhu."

UHVAĆENI NA DJELU

Prije više stoljeća, ljudi sa površine zemlje (neki kažu da je riječ o Iluminatima) su sklopili pakt sa vanzemalcima koji se skrivaju duboko pod Zemljom. Vlada SAD-a je 1933. godine, pristala da mijenja ljude i životinje u zamjenu za vanzemaljsku tehnologiju, te im omogućila da koriste neometane podzemne baze na zapadu SAD-a. Posebna grupa je ljudi od strane vlade SAD-a je oformljena kako bi sklopila dogovor sa vanzemaljskim bićima. Godine 1940, "Alien Life Forms" (ALFs) počinju svoje operacije i kretnje, koje su do tada ugl. bile koncentrisane na području centralne i južne Amerike, polako prebacivati na područje SAD-a.

Kontinentalna raspodjela je veoma značajna za ove specifične entitete, a jedan od razloga za to jesu stijene koje u sebi sadrže magnetne osobine te visoko-energetsko stanje plazme. Područje SAD-a im odgovara zbog velike koncentracije prirodnih izvora energije (munje, uragani...), zbog mnoštva podzemnih voda i sistema velikih špilja, područja atmosferskih jona itd...

ČIJI JE OVO PLANET !?

Ova specifična vrsta vanzemaljaca sebe naziva domorocima. Oni su antička vrsta, potomci humanoidnih reptila, nastali njihovim miješanjem sa nešto primitivnijom rasom Uni-Terestrijalaca, koji su uspjeli preživjeti. Naime, oni predstavljaju nepovjerljivu vrstu koja manipuliše agentima plaćenicima iz druge vanzemaljske kulture tzv. Draco-ima, koji su došli na Zemlju kao njihova drevna predstraža prije dolaska pravih Uni-Terestrialsa, kako bi je koristili kao svoj poligon ili rejon koncentracije. Međutim, vanzemaljske kulture se spore oko toga čiji program je najbolji i čiji se program treba prihvatiti u smislu za što i šta bi kao takva, planeta Zemlja njima trebala predstavljati. Baza Dulce predstavlja zajedničku bazu vlade SAD-a i vanzemaljaca. Ona nije jedina koja je sagrađena u suradnji sa vanzemalcima. Druge baze se nalaze smještene u Koloradu, Nevadi, Arizoni, na Aljasci itd...

TAJNE AKTIVNOSTI OKO BAZE DULCE

Početak ljeta 1947. godine, vojne trupe su počele dolaziti u to područje. Lokalno stanovništvo se prisjeća da je vojska izradila cestu kojom su svakodnevno prolazili

kamioni, koji su prevozili različitu opremu. Na sebi su imali oznaku firme "Smith Corp" iz Paragos Springsa, Kolorado. Takva firma danas ne postoji niti postoje ikakvi podaci o njoj i špekuliše se da je njihovo prisustvo na tom području i navodni rad oko nabavke balvana za drvenu industriju, ustvari bio paravan za izgradnju baze, jer nije primijećen niti jedan balvan kojeg su prevozili, već samo teška mehanizacija. Kasnije je ta cesta blokirana i uništena.

R&D I VOJNI INDUSTRIJSKI KOMPLEKS

Firma "Randr Corp." je bila u ključena u izradu geološke studije o pogodnosti i sastavu tla oko obližnjih jezera radi mogućeg iskorištavanja u gradnji baze. Većina jezera u blizini Dulce-a su vještački stvorena po zahtjevu vlade SAD-a, a kao pomoć "za" indijance koji tu žive. Također, tu je i najveći generator prirodne energije, brana na Navahu, kao i izvorište Elvado koje predstavlja podzemni ulaz u bazu Dulce.

Napomena :

- Ako je kompanije Rand majka "rezervoara pameti", onda se "Ford Fondacija" mora smatrati za oca.

Randova tajnovitost se ne odnosi samo na njihove izvještaje, nego je to primjetno na njihovim konferencijama i sastancima. Na strani #645, projekta Rand, koji se odnosi na izgradnju podzemnih kompleksa piše slijedeće : "Avioni, brodovi i automobili su dali čovjeku mogućnost da njima putuje po površini Zemlje, dok će mu tuneli i mašine za bušenje, otvoriti vrata u podzemni svijet."

Napomena :

- U Septembarskom izdanju magazina OMNI iz 1983. na strani 80, prikazana je slika "podzemne" Los Alamoske nuklearno pogonjene mašine, koja je u stanju probušiti svaki kamen (stijenu) na koji naiđe, tako što vrši njegovo "topljenje" tj, kamen se pretvara u vruću magmu, te nakon prolaska mašine – hladi i učvršćuje. Rezultat toga je tunel sa savršeno glatkim oblogom. Ovi tuneli se uglavnom koriste za tzv. Tube-Shuttleove, na elektro-magnetni pogon, kojima je moguće putovati na velike udaljenosti velikom brzinom (naravno podzemnim putem). Spomenuti tuneli povezuju tzv. "carstvo" podzemnih kompleksa. Također, tajni projekat "Nojeva Arka" koristi ove Tuba-Shuttleove kako bi se povezao sa stotinama podzemnih bunkera i bušotina, koje se nalaze na raznim mjestima na Zemlji. Potpuno isti sistemi tajnih podzemnih kompleksa su izgrađeni na Mjesecu i Marsu, a mnogi od njih predstavljaju čitave gradove sa ulicama, pločnicima, jezerima, autima na električni pogon, zgradama, te trgovinskim centrima.

Na simpozijumu održanog od strane Rand-a, bilo je preko 650 prisutnih uzvanica, čiju su većinu činili predstavnici uglednih industrijskih kompanija kao :

- General Electric
- Huges Aircraft Company
- Sandia Corporation
- Walsh Construction Company
- Colorado School of Mines
- AT&T
- Northgroup Corporation
- Stanford Research Institute
- The Bechtel Corporation itd...

Bechtel predstavlja super-tajnu korporaciju, oformljenu 1896. godine, sa mnoštvom ogranaka širom svijeta. Neki kažu da Bechtel Korporacija u stvari predstavlja "Vladu u

sjeni", te da je desna ruka američke centralno obavještajne službe – CIA. Najznačajnije položaje u vladi SAD-a upravo drže bivši oficiri iz Bechtel-a. Oni su dio "Mreže" sistema kontrole koji povezuje Lateraliste, C.F.R, Red Prosvjetitelja (cult "Svevidećeg Oka"), te drugih grupacija.

PREŽIVLJAVANJE BUDUĆNOSTI

Baza Dulce se sastoji od centralnog dijela, sigurnosnog dijela, te nekolicine foto laboratorija. Što se dublje ide u sami kompleks, sigurnosne mjere su veće. Ovaj kompleks, koji se sastoji od više podzemnih nivoa (spratova), osiguran je i sa preko 3.000 kamera, postavljenih na mnoga sigurnosna mjesta, uključujući laboratorije te ulaze i izlaze iz baze. Postoji preko stotinu (100) tajnih izlaza/ulaza u bazu. Mnogi od njih se nalaze oko mjesta Archuleta Mesa-e, drugi su južno od Dulce jezera, dok su neki daleko na jugu kao npr. u Lindrithu.

Napomena :

- Najdublji nivoi kompleksa, povezani su sa prirodnim špiljskim sistemom. Osoba koja je radila na izgradnji baze (CR-24/ZM, 35-Datoteka IV), koja je imala ovlašćujuću propusnicu "Ultra 7-B" izvješćuje slijedeće : "Postrojenje se sastoji od najmanje sedam nivoa, bar ja znam za toliko, mada vjerujem da ih je više. Većina vanzemaljaca je stacionirana na petom, šestom i sedmom nivou. Na petom nivou se nalaze njihovi stambeni kompleksi."

JAVNA I TAJNA ISTRAŽIVANJA UNUTAR BAZE DULCE

Kao ministar energetike SAD-a, John Herrington, je imenovao Lawrence Berkley laboratoriju i nacionalnu laboratoriju Los Alamosa (New Mexico), glavnim genetskim istraživačkim centrima koji će raditi na dijelu projekta dešifriranja ljudskog genoma. Ljudski genom sadrži genetski kodirane instrukcije koje objašnjavaju kako dolazi do transformacije jedne ćelije u biološko biće. "Projekt dekodiranja ljudskog genoma će zasigurno imati do sada najveći direktni uticaj na ljudsku vrstu, negoli bilo koje naučne inicijative do sada", rekao je David Shirley, direktor Berkley Laboratorije.

U tajnosti, ovaj projekat istraživanja se već duže vrijeme obavlja u podzemnoj bazi Dulce. Na nivou #6 baze Dulce, nalaze se (privatno nazvana "Sala noćnih mora") laboratoriji za genetsko istraživanje. Izvještaj jednog od bivših radnika, (CR-24/ZM, 52-Dosije VII) koji je vidio bizarne eksperimente, kaže slijedeće :

- "Vidio sam ljude sa dva ili više pari nogu, bića kojima je dio tijela bio ljudski, a drugi kao u hobotnice. Također sam vidio ljude-reptile, te krznena bića sa ljudskim rukama koja plaču kao male bebe, oponašaju ljudske riječi, kao i veliki broj ljudi nalik na guštere, koje su držali u kavezima..."

Također tu se nalaze i ribe, kitovi, ptice i miševi koji se teško mogu usporediti sa i jednom od ovih viđenih "vrsta". Postoji više kaveza unutar kojeg se nalaze krilati humanoidi, groteska bića nalik na slijepce miševe visine od tri do sedam stopa.

Nivo #7 baze, je najgori. Tu se nalazi na stotine, pa i hiljade spremnika u kojima su smještena ljudska ili humanoidna bića u različitom stadiju razvoja.

- "Također, često sam viđao ljude u kavezima, uglavnom zbunjene ili drogirane, ponekad su plakali i molili za pomoć. Rečeno nam je da je se radi o beznadežnim psihijatrijskim slučajevima, te da se na njima vrši testiranje visoko rizičnih droga u cilju njihovog mogućeg ozdravljenja. Rečeno nam je da ne razgovaramo niti sa jednim od njih i mi smo naravno to poslušali i vjerovali u datu priču."

Godine 1978. mala grupa zaposlenika baze Dulce, je konačno razotkrila pravu istinu. To će dovesti do rata u bazi, te formiranja tajne jedinice otpora.


Napomena :

- Trenutno, u bazi Dulce, se nalazi preko 18.000 vanzemaljskih bića.

Kasne 1979. godine, došlo je do oružanog sukoba unutar baze. Mnogo naučnika kao i vojnog osoblja je poginulo. Baza je bila zatvorena na neko vrijeme, ali je sada, ponovno aktivna.

Zabilješke :


- Intenzitet otmica ljudi i životinja zbog njihove krvi i organa, postepeno je opao sredinom 80-ih, kada je Berkeley Laboratorij počeo proizvoditi umjetnu krv za potrebe eksperimaneta u bazi Dulce i njoj sličnim kompleksima.




Za vrijeme sukuba u bazi, osamdeset dvoje (82) ljudi je ubijeno, među kojima su bili mnogi naučnici, pripadnici Nacionalne Recon grupacije, te DELTA GRUPE koja je bila zadužena za sigurnost svih projekata koji su vršeni u suradnji sa vanzemalcima. Bilo je i na stotine ranjenih zaposlenika u bazi, te stotinu trideset i dva (132) mrtva vanzemaljca.

Ovakva vrsta entiteta se, po izjavama ljudi koji su bili otkriveni i ljudi koji su bili u bazi, u velikim količinama "uzgaja" unutar baze. Baza Dulce je najpoznatije mjesto na kojem se ova aktivnost vrši, iako postoji još dvadeset šest (26) baza u SAD-u, koje imaju slična postrojenja.


Pripadnici Delta Grupe, su viđeni da nose obilježja tj. značke u obliku crnog trougla na crvenoj pozadini. "DELTA" je četvrto slovo grčkog alfabeta, ima oblik trougla, te slični mnogim znakovima velikih grupacija.




Svaka baza posjeduje sopstveni simbol. Simbol baze Dulce je trougao sa grčkim slovom TAU (T). Kada se simbol obrne, vrh trougla pokazuje na dole.



Znak raspoznavanja "trougla sa tri horizontalne linije" je viđen i na vanzemaljskim transportnim letjelicama, tzv. Trilateralni simbol.



Drugi simboli koji su se nalazili na vanzemaljskim letjelicama kao i nađenim na mjestima njihovog slijetanja :



UNUTRAŠNJOST BAZE DULCE

Sigurnosno osoblje nosi kombinezone (slične pilotskim), sa simbolom baze koji se nalazi na gornjem lijevom uglu. Standardno oružje im je tzv. "Flash Gun" koji je učinkovit kako protiv ljudi tako i protiv vanzemaljaca. Za identifikaciju koriste čitače retine oka (mrežnjače) u odnosu na nekadašnje identifikacione kartice, koje se sada koriste za otvaranje vrata i dizala.

Nakon što se dođe do drugog nivoa baze, svakog se vaga nagog, zatim mu se daje uniforma. Posjetioци dobijaju bijele kombinezone. Ispred svih osjetljivih dijelova baze, nalaze se čitači retine oka, te vage koje su smještene ispod ulaznih vrata, pokraj kontrole za njihovo otvaranje. Provjeravaju se dozvole za kretanje, zatim identitet i težina. Bilo kakva promjena težine uključuje alarmni sistem.

Nikome, bez posebnog odobrenja nije omogućeno da unosi ili iznosi bilo šta iz osjetljivih područja. Sve što je neophodno, dobavlja se putem sigurnosnih transportnih sistema. Vanzemaljski jezički simboli Greys-a i Nordijaca se nalaze na mnogim mjestima unutar baze.

Prilikom izgradnje baze, koje je vršeno u više faza tokom godina, vanzemaljci su pomagali u projektovanju i izboru materijala za gradnju. Mnogi od dijelova koji su sastavljeni od strane radnika, bili su izrađeni tehnologijom koju oni nisu razumjeli, dok je danas jasno da svi dijelovi, kada se sastave, funkcionišu kao cjelina. Primjer: Dizala (liftovi) nemaju nikakvih kablova i kontrolišu se magnetnim putem. Sistem magneta je smješten unutar zidova. Ne postoje konvencionalne električne kontrole. Sve se kontrolišu naprednom magnetometrijom. To se također odnosi i na magnetno indukovani sistem osvjetljenja. Nema običnih uređaja za osvjetljenje, a svi su izlazi magnetski kontrolisani.

Napomena :

- Ukoliko postavite veći elektromagnet na ulazu u dizalo, sistem automatski prestaje sa radom. Osoblje tada treba doći i resetovati sistem te "razbiti" vam glavu, ukoliko im uspije da vas uhvate !

GRAD DULCE

Područje Dulce-a je imalo veliki broj prijavljenih slučajeva mutilacije životinja. Vlada i vanzemaljci su koristili životinje za "psihološki rat" protiv stanovnika Dulce-a. Također, vanzemaljci su te životinje trebali za genetička istraživanja, ishranu itd.

U knjizi "ET's and UFO's, they need us, we dont need them," (vanzemaljci i NLO-i, oni trebaju nas, a ne mi njih), Virgila "Posty" Armstronga, govori se o vanzemaljskim operacijama u području Dulce-a. Spominje se kako su njegovi prijatelji Bob i Sharon jedne noći svratili u Dulce i tu namjeravali prenoćiti. Izašli us na večeru i čuli lokalno stanovništvo kako glasno i otvoreno raspravlja o otmicama stanovništva od strane vanzemaljaca, u svrhu eksperimentisanja. Također, vanzemaljci su otežim ugrađivali implantate u tijelo i glavu. Stanovništvo je bilo preplašeno i ljuto, ali nisu mogli ništa da učine, jer su vanzemaljci imali odobrenje njihove vlade (CODE : SR24/AK.5).

Nedavno, učesnici istrage koja je vršena na području Archuletta Mesa-e, primijetili su dvije male leteće sfere. Ubrzo su se svi razboljeli, te morali napustiti područje. Neki od stanovnika Dulce-a nisu rođeni u gradu, nego predstavljaju doseljenike koji su kako sami tako i u parovima sa djecom dolazli u grad, početkom 1948. godine.

Na nekim pozicijama u gradu, kao što su benzinske pumpe, prodavnice, barovi i restorani, zaposleno je mnoštvo agenata čiji je zadatak da uoče svakoga ko bi mogao da naruši bezbjednost vanzemaljaca i njihove baze. U mjestu Dulce, nikada ne znate ko je ko!

EKSPERIMENTI VEZANI ZA MANIPULACIJU SVIJESTI (UMA)

Unutar Baze Dulce vrše se istraživanja uređaja tj. implantata za kontrolu svijesti (uma) kod ljudi, koji su u stanju kontrolisati raspoloženje, budnost, otkucaje srca itd...

DAPRA (Defence Advanced Research Projects Agency) koristi ove uređaje za manipulaciju ljudima. Uspostavili su set prioriteta samog projekta, koordinirali u njegovom izvođenju, te predvodili njegove mnogobrojne učesnike. Slični projekti su vršeni u Bazi Sandia, od strane tzv. "Jason Grupe" koja je brojala 55 naučnika iz 38 različitih naučnih oblasti. Potajno su koristili Tamnu Stranu tehnologije, a njene prednosti i korisnost krili od javnosti. Drugi projekti su vršeni na području "Area #51" u Groom Lake-u, Nevada, (codename "Dreamland"), koja predstavlja nosioca svih tekićih i nadolazećih projekata od kojih su neki :

- Elektro-Magnetna Inteligencija, (ELMINT)
- Kod : Imperija (carstvo)
- Kod : EVA
- Projekt Prometej
- Program Sistema Hibridne Inteligencije, (HIS)
- BW/CW
- Program Infracrvenog Sistema Protiv Uljeza
- BI-PASS
- REP-TILES

Istraživanja na Nivou #4, baze Dulce, uključivala su ljude/vanzemaljce, istraživanja Aure, kao i razne aspekte snova, hipnoze, telepatije itd. Oni znaju kako da manipulišu bioplazmičnim tijelima ljudi. U stanju su usporiti rad srca, koristeći "Delta" talasne frekvencije, izazvati statički šok, te reprogramirati čovjeka putem veze kompjuter-mozak. Mogu unijeti podatke i programirane reakcije u naš mozak. Ulazimo u ERU psiholoških tehnologija, što predstavlja razvoj tehnologije u cilju poboljšanja komunikacije između čovjeka i mašine :

- Nano-Tehnologija,
- Bio-Tehnologija,
- Mikro-Mašine,
- PSI-Wars,
- Elektroničko Brisanje Pamćenja (EDOM),
- Radio-Hipnoza i Intra-Celebralna Kontrola (RHIC),

kao i razni oblici kontrolisanja ponašanja pomoću :

- Hemijskih Agenasa,
- Optičkih Frekvencija,
- Elektro-Magnetnih (EM) frekvencija,

koji su usmjereni na samu "fiziku" svijesti.

BOLJI ŽIVOT UZ BIO –TEHNOLOGIJU ?!

Razvoj Bio-Tehnologije će predstavljati revolucionarnu promjenu u životu svakog čovjeka na Zemlji. PAŽNJA !!! FAŠIZAM JE KORPORATIVIZAM !!! U našoj interakciji sa vanzemaljcima smo prešli granicu sa koje nema povratka. Tako nam je zagarantovana jedna KRIZA, koja će trajati sve do konačnog otkrića ili sukoba.

Kriza je ovdje, Globalna i Stvarna. Moramo ublažiti ili transformisati prirodu nadolazeće katastrofe, i "oni će doći". Znanje o tome bi nas moglo spasiti.

Savjet : Pročitajte knjigu "Kosmička Zavjera", autora Stan Dey-a.

FANTOMSKO CARSTVO – "IZNAD ZAKONA"

Bazom Dulce upravlja vijeće :

- Predsjednik vijeća, John Herrington
- Jim Baker iz Tennessee-ja, je NSA/CIA-ina veza sa bazom Dulce
- Glasnogovornik, Jim Wright iz Dallasa, Texas, je ujedno i Šef trezora grada Dulce

Trenutno se vodi jedna borba za prevlast, jer Republikanac William Thomas kaže : "Problem Jim-a Wright-a je to što on ne uspijeva razumjeti ono što je pravedno i iskreno. To je drskost moći." Čak i mnoge njegove kolege, Demokrati, ga smatraju nepodobnim, njegov stil djelovanja ga ostavlja ranjivim.

Većina sastanaka Vijeća Dulce-a, je oržano u Denveru, Coloradu i Taosu, New Mexico. Bivši senator New Mexica, Harrison Schmitt, javnosti znan jedino kao "Posljednji čovjek na Mjesecu", ima potpuni uvid u postojanje baze Dulce. On je bio jedan od sedmorice astronauta koji su imali priliku da obiđu bazu. Godine, 1979. održao je predavanje na temu "Mutilacija životinja" u Albuquerque-u, New Mexico. To je imalo za cilj okupiti istraživače i utvrditi njihova saznanja o vezi operacije "mutilacije", sa dogovorima vlade i vanzemaljaca.

Senator Brian iz Nevade poznaje mnoge tajne "ultra" - prirode, u vezi "Zemlje Snova", odnosno, baze vanzemaljaca u mjestu Dulce. To je ono što zanima i istražitelje UFO fenomena, zato, budite pažljivi.

Oni nastoje zadržati ove informacije tajnima, ali Vi, čitajući ovaj dokument, znate više od onoga što bi oni željeli da znate.


Također postoje i podvodne baze u blizine obala Floride i Perua. Više informacija će biti objavljeno od strane Vlade, u sklopu plana otkrivanja prisustva vanzemaljaca na Zemlji, tada će javnosti biti prezentirane i slike, video vrpce, razna dokumentacija itd. Pazite se Agenata koji su među vama.

Na kraju krajeva, jedna fašistička grupa unutar ove države izvršila je i atentat na Kenedija, pa se izvukla bez ikakvih posljedica. Obratite pažnju na "mrežu" te fašističke totalitarne Tajne Državne Policije unutar Pentagona; JCS; DIA; Odjeljenje br. 5, FBI-ja; DISC/DIS i CIA.

Napomena :

- Odbrambeni istražni organi (DIS) – Njihov znak raspoznavanja je jedan snop sunčevih zraka, ruža i bodeža, što predstavlja "potragu za informacijama, vrijednim i opasnim".

Dati dijagram predstavlja skicu procesa kreiranja umjetnih hibrida na nivou #7, baze Dulce :



7. NEKE OD VRSTA VANZEMALJSKIH ŽIVOTNIH OBLIKA KOJE SU NAM POZNATE

Američka vlada je izvodila autopsije na leševima vanzemaljaca (Anatomija i fiziologija greys-a) – Najvažniji uzorci vanzemaljaca koji su nam bili dostupni za izvođenje autopsije bili su "grey-tipovi".

Srednja visina većine uzoraka bila je oko 100-140cm. Njihova glava je po našim standardima proporcionalno veća u odnosu na njihovo tijelo. Što se crta lica tiče, oči im se mogu opisati kao velike, upale sa nešto većom međusobnom razdaljinom nego što je to slučaj kod ljudi, i lagano ukošene, kao kod orijentalnih tipova ljudi ili mongoloida. Ušne školjke ili bilo kakvi otvori sa strane glave nisu bili vidljivi.

Nos im ima dosta neodređene crte, jedna do dvije rupice su bile određene kao nozdrve. Usta se mogu opisati kao jedan prorez ili pukotina. Kod nekoliko slučajeva, usta nije uopšte ni bilo. Čini se da ona nemaju nikakvu funkciju kao sredstvo za govor ili alimentaciju. Vrat im je dugačak i uzak a u nekim slučajevima on nije bio vidljiv zbog nekog uskog odjevnog predmeta. Većina posmatrača tvrdi da ovi humanoidi nemaju ni jedne dlake na svom tijelu. Kod njih nije bilo nikakvih uređaja za disanje ili komunikaciju. Ovo nam sugerira da oni međusobno komuniciraju uz pomoć telepatije, odnosno, da se radi o stvorenjima višeg razvojnog stepena. U jednom slučaju pronađen je otvor na desnom čeonom lobusu, kroz koji smo mogli vidjeti jednu kristalinsku mrežu, koja se nalazila unutra. Ta mreža je odražavala razvojni oblik neke vrste trećeg mozga. Tu smo također pronašli i jedan okrugli predmet sličan klikeru, prečnika 1cm, koji je bio povezan sa tom kristalinskom mrežom. Teoretisali smo kako se radi o nekoj vrsti uređaja za pojačavanje moždanih talasa što bi podrazumjevalo da oni možda ne bi imali te psihičke sposobnosti bez ovog uređaja. Ruke im se mogu opisati kao duge i tanke, i dostižu do koljena. Na šakama im se nalaze 4 prsta, bez palca. Tri prsta su nešto duža od četvrtog. Nema dostupnih podataka u vezi njihovih nogu i stopala. Neki patolozi su indicirali da im ovi djelovi tijela nisu razvijeni onako kako bi se to moglo očekivati. Kod nekih su stopala indicirala mogućnost da su ta stvorenja bila adaptirana za život u vodi.

Prema mnogim očevicima, koža im je siva. Neki tvrde da ona može imati i ružičasto sivkaste tonove. Reproductivni organi, falus ili maternica, nisu primjećeni. Ovo nam daje indiciju da se greys-i razmnožavaju uz pomoć neke vrste kloniranja, što je već bilo prije naznačeno od strane nekih drugih izvora. Ti humanoidi imaju relativno šablonski izgled kao da su pravljani po kalupu, dijeleći iste rasne i biološke karakteristike. Nemaju krv, kao mi, ali imaju neku tečnost sivkaste boje.

UNI-TERESTRIJALCI – Kod : UNA

(nekoliko prastarih vanzemaljskih rasa koje su započele našu civilizaciju ovdje)

Prije mnogo vijekova misiju na zemlji je zajednički sprovodila grupa od 7 različitih rasa. Misija je prekinuta usljed neke vrste prirodne katastrofe. Ove informacije su prenesene iz materijala poznatog kao Projekat Genesis III (GIII) – ADN6.2... kao i iz nekih srušenih vanzemaljskih letjelica.

ANTROPOLOŠKI OPIS SVAKE OD OVIH RASA

- **BIJELA RASA : Altair – Ugljični hominoidni životni oblik**

KRALJEVSTVO	životinjsko	FAMILIJA	homiade
KOLO	kičmenjaci	PODFAMILIJA	-----
KLASA	sisari	VRSTA	homo altair
RED	primati		

• **CRNA RASA : Qlzan Qal'At : - Ugljični humanoidni životni oblik**

KRALJEVSTVO	životinjsko	FAMILIJA	hominiade
KOLO	kičmenjaci	PODFAMILIJA	gal' atzoid
KLASA	sisari	VRSTA	homo qlzan qal't
RED	primati		

• **ŽUTA RASA : Tutakai; Tikopai – Ugljični humanoidni životni oblik**

KRALJEVSTVO	životinjsko	FAMILIJA	hominiade
KOLO	kičmenjaci	PODFAMILIJA	tikopazoid
KLASA	sisari	VRSTA	homo tutakai tikopai
RED	primati		

• **PLAVA RASA : Kasimar – Ugljični humanoidni životni oblik**

KRALJEVSTVO	životinjsko	FAMILIJA	hominiade
KOLO	kičmenjaci	PODFAMILIJA	mermannus kasimarzoid
KLASA	sisari	VRSTA	homo kasimar
RED	primati (anfibije)		

• **ZELENA RASA : K'ushui; K'hotan – Ugljični humanoidni životni oblik**

KRALJEVSTVO	životinjsko	FAMILIJA	hominiade
KOLO	kičmenjaci	PODFAMILIJA	k'hotanzoid
KLASA	sisari	VRSTA	homo k'ushi k'hotan
RED	primati (anfibije)		

• **CRVENA RASA : Ahzdar – Ugljični humanoidni životni oblik**

KRALJEVSTVO	životinjsko	FAMILIJA	hominiade
KOLO	kičmenjaci	PODFAMILIJA	hominahzdarzoid
KLASA	sisari	VRSTA	homo ahzdar
RED	primati (anfibije)		

• **ZLATNA RASA : Kapsan-Jassan-Paegan; - Ugljični humanoidni životni oblik**

KRALJEVSTVO	životinjsko	FAMILIJA	hominiade
KOLO	kičmenjaci	PODFAMILIJA	-----
KLASA	sisari	VRSTA	homo caspan jassan
RED	primati (anfibije)		

Misija - genetička istraživanja i kolonizacija 3-će planete (Terra) koja pripada zvijezdi suncu (Sol), u galaksiji Mlječni Put (N'erandha B'hai).

Organizacija :

- Altair i Caspan Jassan bili su zaduženi za organizaciju i činili su glavni Savjet;
- Tutakai Tikopai – inženjering
- Anzdar – projekti u vezi životne okoline
- Kasimar – okeanografija
- Qlzan Qal'at – građevinski radovi

Status - Izvan kontrole

Sekvenca Misije :

- Podjela područja prema sličnosti sa planetama odakle potiču. Podjela Zemlje, Marsa i planete Phaeton (Kantek, bivša 5-ta planeta, sada, nakon destrukcije, pojas asteroida između Marsa i Jupitera)

- Izvođenje istraživačkih radova sa zemaljskim reptilima (izazvali mutaciju danas poznatu kao – Dinosaurus)
- Istraživanja na temu mutacije sisara
- Eksterminacija dinosaurusa
- Kriza na suncu
- Uništenje početne misije
- Preživjeli imaju mentalne probleme
- Rat između preživjelih
- Uništenje planete Phaeton, stvara se pojas asteroida
- Preživjeli
- Preživjeli se dijele i stvaraju stare civilizacije poznate kao Lemurija, Mu i Antlantida
- Homo Sapiens, Homo Mermanus i Homo Interior koegzistiraju na Zemlji zajedno sa preživjelima (sa Kanteka)
- Novi vanzemaljci stižu, prvenstveno Greys-i i Nordici

ULTRA-TERESTRIJALCI – Kod : ULTRON

(energetske bestjelesne životne forme)

Informacije dobivene iz Projekta "GODAR".

Ovi "vanzemaljci" se stvaraju u centru kvazara. Radi se o jednom tipu žive senzitivne energije koja živi u centru od čiste energije. Ta komponenta je mnogo stabilnija od solio-materije koja se nalazi u centru kvazara. Ova stvorenja su evoluirala u seriju kompleksne energije i stvorila civilizaciju koja ne poznaje individualnu formu svijesti ili uma. Ultroni su entiteti koji se sastoje od primarne mentalne energije i snažno zrače u ultra-violetnim i Kappa pojasevima radijacije.


INTRA-TERESTRIJALCI – Kod : INTERAV

(stvorenja koja su izvan zemaljske vremensko prostorne dimenzije)

Ove informacije su preuzete iz dokumenata INAC/26.7B-AC43.2, INAC02

Ovdje razgovaramo o rasi koja je 7-ma po veličini, pronašli smo dvije rase koje žive duboko ispod zemljine kore...

REPTILOIDI ili REPTOIDI



- Kraljevstvo : Životinjsko,
- Kolo : Kičmenjaci,
- Klasa : Reptili,
- Red : Theropous,
- Familija : Hominidae,
- Vrsta : Homo Lacerate,
- Nivo vrste : BETHA RDN-3,
- Posjeduju tehnologiju visokog stepena,
- OBS : Potrebno im je da se nalaze u blizini određenih uređaja da bi se održali u životu.

Podaci O Reptiloidima :

KARAKTERISTIKA	MUŠKARCI	ŽENE
prosječna visina	2 m	1,4 m
prosječna težina	200 kg	100 kg
temperatura tijela	temperatura okoline	temperatura okoline
puls / disanje	40 / 10	40 / 10
krvni pritisak	80 / 50	80 / 50
životni vijek	60 zemaljskih godina	23 zemaljske godine



reptoid, tip A – muški

reptoid, tip B – muški

reptoid, tip C - muški

Hladnokrvna su stvorenja, kao i svi reptili. Za život im je potrebna topla i vlažna klima (u pećinama stvaraju potrebne im klimatske uslove, na vještački način). Respiratorni sistem im obezbjeđuje tek toliko kiseonika za snabdjevanje i održavanje tkiva, probave hrane i procesa sagorjevanja, temperatura tijela im se može podići samo par stepeni iznad temperature okoline. Reproductivni sistem im je ovouniparan, jaja im se legu u jajovodima prije nego što se mladunčad rode. Mali mozak im je slabo razvijen što rezultira u sporošću prilikom kretanja. Oči im se sastoje od nekoliko hiljada zasebnih odjeljaka mikroskopske veličine a svaki od njih ima svoj poseban zaštitni kapak. Oči im se skoro nikada kompletno ne zatvaraju dok su budni, samo se neki njegovi odjeljci zatvaraju u zavisnosti od količine svjetlosti. Ovi Reptiloidi ili Reptoidi su preživjeli do dan danas sakriveni u dubokim pećinama ispod zemlje.

(SERV 58.6-CB-7 PANT.BOLHN 2E)


INSEKTOIDI

- Kraljevstvo : životinjsko
- Kolo : kičmenjaci
- Klasa : sisari
- Red : Primati
- Familija : Insectoid
- Vrsta : Homo Insectoid

KARAKTERISTIKA	MUŠKARCI (gospodari)	ŽENE (gospodari)
prosječna visina	1,6 m	1,2 m
prosječna težina	70 kg	40 kg
temperatura tijela	120 °F	120 °F
puls / disanje	110 / 2	110 / 2
životni vijek	130 zemaljskih godina	150 zemaljskih godina

KARAKTERISTIKA	MUŠKARCI (sluge)	ŽENE (sluge)
prosječna visina	1,0 m	1,0 m
prosječna težina	35 kg	35 kg
temperatura tijela	120 °F	120 °F
puls / disanje	110 / 2	110 / 2
životni vijek	130 zemaljskih godina	150 zemaljskih godina

Retina (mrežnjača) insektoida sastoji u cijelosti od tonsko-senzitivnih štapića i nije u stanju da razluči svjetlost različitih talasnih dužina. Odatle, dodatak boja u vizuelni sistem insektoida odvija se uz pomoć impulsa koji stižu iz duplih antena, koje su ujedno i auditorni receptori, sačinjeni od mreže kupastih tvorevina osjetljivih na talase različitih frekvencija. Većinu predmeta u svom vidnom polju oni percipiraju u sivkastim tonovima. Zbog ovakve korelacije između četiri nezavisna receptivna organa, njihov vizuelni sistem se označava kao "kvadroskopičan" i rezultira mnogo boljom percepcijom dubine, nego što je to slučaj kod drugih humanoidnih rasa. Imaju ograničen egzoskeleton.






insektoid (gospodar) - tip-1, muški

insektoid (sluga) – tip-2, muški

(SERV 59.60, 61, 62, 63 ABR – CB-7 PANT. BOLHN 28)

Nekoliko rasa, uključujući neke već prethodno spomenute, još uvijek žive u unutrašnjosti zemlje.

- Zeleni Ljudi – Dio onih koji su preživjeli. Održali su se kao dio rase K'ushui K'hotans.
- Caspan Jassan Paegans ili Zlatna Rasa – održali su se na planinskom području orijentalnog dijela zemlje. Stvorili Esene.
- Eternalci – genetički mutanti koji potiču od rase Altair. Žive nevjerovatno dugo.
- Kasimar ili Plava Rasa – nekada davno stvorili Mu, Lemuriju i Atlantidu. Preživjeli danas žive duboko pod zemljom a atlantiđani pod vodom.
- Devijanti – mutanti koji potiču od rase Kasimar/Insektoidi (vrlo primitivna i opasna stvorenja). Legende o demonima su nastale na osnovu interakcije ljudi sa ovom rasom iz podzemlja.



meredit

deviant

mook

wadig

META-TERESTRIJALCI – Kod : MEREDITH

(vanzemaljci iz druge vremensko-prostorne oblasti postojanja)

META-TERESTRIJALNI posjetioci dolaze sa jedne druge prostorno-vremenske oblasti postojanja.

Ove informacije prenesene su iz dokumenta CRM/26.06 – ABR-26.

Putnici kroz vrijeme. Rezultat su eksperimenta ukrštanja između ljudi sa zemlje i vanzemaljaca iz zvjezdanog sistema Zeta Reticulae iz jedne od naših mogućih budućnosti. Ovje ćemo navesti samo rasu ESSESSANI.

Mada je naravno moguće da postoje druge meta-terestrijalne rase o kojim još uvijek ništa ne znamo. Jedan od primjeraka iz te rase mogli ste da vidite u Spielbergovom filmu ET.

PARATERESTRIJALCI – Kod : PARAMUS

(vanzemaljci iz Multiverzuma)

Para-terestrijalci dolaze iz nekoliko različitih paralelnih univerzuma. Kada ubrzaju ili smanje frekvenciju ili vibracije svoje atomske strukture u stanju su da se pojave u našoj 3-ćoj dimenziji.

Ove informacije sadržane su u dokumentima IACT/26, OBR-32 – AC 204 (BANTY).

Ne možemo mnogo da kažemo o ovim stvorenjima jer još uvijek nemamo dovoljno podataka o njima.

- Ime ovog stvorenje je skoro nemoguće izgovoriti i napisati. Zbog toga smo ovo inteligentno biće nazvali XZ. Oni liče na amebe ili pihtije.
- MOOK – vrlo malo (1.3m) i proždrljivo stvorenje sa dugim rukama i tri prsta. Nose smiješnu odjeću.
- WADIG, Bigfoot, Jetty, Sasquatch – izgleda kao primitivna vrsta primata, međutim, radi se o inteligentnom biću. Normalno nikada ne nosi odjeću, što je neke nagnalo na pomisao da se radi o primitivnom biću.

(Prema nekim izvorima ova stvorenja originalno potiču s Marsa, a trenutno su pod kontrolom greys-a i reptoida iz 4-te dimenzije. Često obavljaju određene manualne radove u njihovu korist i obično su viđeni u oblastima pojačane NLO aktivnosti)

GREYS – "SIVI"

EKSTRA-TERESTRIJALAC – Kod : EBE

(Ekstraterestrijalni Biološki Entitet)

Ove informacije su prenesene iz dokumenata IAC-XXXX-P14AB i IAC-XXXX-P14NR.

Imamo oko 160 različitih vrsta u našoj biosferi koje potiču iz nekoliko tački univerzuma. Oni su humanoidna, humana i ne-humana bića. Ovdje razgovaramo o pet vanzemaljskih rasa koje su kroz jedan dugi vremenski period uticali na nas.

- Tip A : Rigelijanci, Rigel, ili Grey
- Tip B : 2-Zeta Reticulae, Z-Reticulae 1, ili Grey
- Tip C : 2-Reticulae, Z-Reticulae 2, ili Grey
- Tip D : Orion, Plejade, ili Nordic (Nordik)
- Tip E : Zvijezda Bernard, Orange (Orandž)

EBE – ime koje je nadjeveno prvom vanzemaljcu zarobljenom prilikom pada letećeg tanjira u Roswell-u, New Mexico, USA. Umro je nakon par godina.

RIGELIJANCI

Tipični zloćudni ALF. Može se opisati ovako :

- visina 90-150cm,
- duge tanke noge,
- nježne građe,
- glava veća nego normalno (prema ljudskim proporcijama),
- nemaju auditorni aparat (organe sluha),
- nemaju dlake,
- velike, oči sa crnim vertikalnim zjenicama, zakošene oko 35 stepeni ("mačje oči"),
- mala, ravna usta sa tankim usnama,
- ruke im liče na bogomoljke (vrsta insekta),
- duge ruke sa malim šakama,
- prsti slični kandžama, (dva kratka i dva duža međusobno povezana membranom),
- tvrda siva koža slična reptilskoj,
- mala stopala sa četiri mala prsta, slična kandžama,
- neki organi su im slični ljudskim ali razvijeni nekim drugim procesom evolucije,
- imaju dva odvojena mozga i nefunkcionalan digestivni sistem,
- digestivni sistem vanzemaljaca nad kojima je izvršena autopsija bio je atrofirani, a ni u njihovim srušenim letjelicama nisu pronađene zalihe hrane,
- kreću se proračunato, polako i precizno.

Sistem za održavanje u životu ovih bića zahtjeva ljudsku krv i druge ljudske biološke supstance. U ekstremnim slučajevima oni ove supstance mogu zamjeniti supstancama životinjskog porijekla. Hrana im se pretvara u energiju uz pomoć hlorofila procesom neke vrste fotosinteze a razgradni produkti, odnosno, ekskreti, izlučuju im se kroz kožu (kao kod nekog biljnog životnog oblika !?). Ova stvorenja posjeduju dva mozga koja su međusobno razdvojena koštanim tkivom (prednji i zadnji mozak). Nije primijećena ikakva veza između ta dva mozga.

Dosta informacija na ovu temu može se naći u tzv. **Žutoj Knjizi**, međutim, s obzirom da ovi vanzemaljci imaju tendenciju da lažu, ne možemo biti sigurni u stopostotnu istinitost ovih informacija.


- **LUNA-1** – baza Rigelijanaca stacionirana na drugoj strani Mjeseca. Viđena je i snimljena od strane astronauta (Apollo). Ova baza im služi za izvođenje iskopavanja određenih ruda, prilikom čega koriste džinovske mašine i letjelice koje neki nazivaju "matičnim svemirskim brodovima".
- **WAVENEST** – je naziv za bazu Rigelijanaca koja je stacionirana u okeanu. Posjeduju velike letjelice oblika cigare. ...

Prvi kontakti između Rigelijanaca i naše vlade (USA) uspostavljeni su u periodu između 1947. i 1971. Mi smo već tada znali da su greys-i bili ti koji su stajali iza mutilacije životinja i ljudi, i da su koristili glandularne (žljezdane) supstance koje su ekstrakcijom izdvajali iz uzetog materijala. Te supstance oni apsorbiraju kroz svoju kožu, a koriste ih i prilikom kloniranja novih greys-a u svojim laboratorijama. Naša vlada je zahtjevala od njih da joj ispostave spisak lica unakaženih ili otetih s njihove strane, u zamjenu za kompletnu tišinu u vezi svega toga, s tim što se od greys-a očekivala i određena tehnološka pomoć. Ta lista je trebala biti prezentirana Savjetu za Nacionalnu Bezbjednost (međutim ona nikada nije bila potpuno kompletna). Bez obzira na sve, vlada je smatrala da su greys-i uglavnom podnošljiva, mada nezahvalna stvorenja. U to vrijeme oni su pretpostavljali da će i ljudi biti u stanju da se koliko toliko priviknu na njihovo prisustvo.

Između 1968. i 1969. formiran je jedan plan po kome bi se u toku narednih 20 godina, javnost postepeno pripremila na njihovo prisustvo. U tom vremenskom periodu narodu bi se presentirala cijela serija dokumentarnih i igranih filmova u kojima bi se predstavili glavni aspekti naše interakcije s greys-ima, cijela pozadina njihovog prisustva, kao i njihove namjere. Greys-i su uspjeli da ubijede našu vladu kako je njihov jedini cilj samo da posmatraju našu civilizaciju. Međutim, kada se ispostavilo da ovi vanzemaljci otimaju mnogo više ljudi nego što se to očekivalo, došlo je do opšte zabrinutosti u vladi. Ta zabrinutost je najviše bila bazirana na osnovu dodatnih informacija u vezi razloga za abdukcije ljudi. Kada je vlada na kraju saznala istinu o stvarnim namjerama greys-a, bilo je već kasno. Naša vlada nas je greškom već u međuvremenu bila prodala njima. Ona im je tako prodala i cijelo čovječanstvo. Možda to i nije ništa promjenilo, jer bi nam greys-i, u svakom slučaju, ionako radili ono što nam sada rade.


Negdje 1983. godine, pojavila se jedna priča od strane vladinih izvora da su greys-i ti koji su odgovorni za našu biološku evoluciju uz pomoć manipulacije naše DNA.

Različiti vremenski periodi manipulacije našom DNA, bili su specificirani kao npr. prije 25000, 15000, 5000 i 2500 godina. Dugo vremena naša vlada je bila uvjerena kako nam greys-i ne žele nikakvo zlo, međutim, između 1982. i 1988. pojavila se jedna kompletno suprotna slika. U suštini, radi se o jednoj velikoj prevari na nekoliko nivoa. Ti greys-i, i cijela njihova manipulacija čovječanstvom, mogli bi simbolično biti predstavljeni onim "trojanskim konjem". Oni su izmanipulisali našu Grupu MJ-12 još prije nekoliko desetina godina, a čak i sada, naša vlada se još uvijek pridržava onog dogovora i poduzima iste mjere njihovog prikrivanja, kao i prije.



Greys-i, s druge strane, neprestano lažu našu vladu kao i one koje otimaju u svrhu ekstrakcije bioloških supstanci iz jednog jedinog razloga, a to je - da si olakšaju posao. Šta je racionalan razlog za sve ovo, - pa, mi smo izvor njihove ishrane. Oni se nama hrane. Oni nemaju digestivni trakt i njihova koža im služi kako za apsorbovanje hranljivih materija, tako i za izlučivanje njihovih razgradnih produkata. Naša krv, enzimi, tkiva i produkti naših žljezda sa unutrašnjim izlučivanjem čine sastavne

djelove njihove ishrane kao i sredstva za njihove medicinske svrhe, laboratorijske eksperimente i kloniranje, odnosno, njihovo razmnožavanje. Te supstance oni mješaju sa vodonik-peroksidom i onda ih tako nanose na kožu kako bi ih apsorbovali. Ovi podaci su nas naveli na to da bi se eventualna oružja protiv njih trebala da razvijaju upravo u tom pravcu. Greys-i trenutno kompletno kontrolišu CIA, s vrha piramide ove organizacije. Još jedan razlog velikog prisustva NLO-a u posljednje vrijeme je taj što i druge civilizacije poklanjaju veliki interes događanjima na našoj planeti. Greys-i takođe dosta rade sa NLO fanaticima, lažu ih, koriste ih, pa čak i upravljaju nekim njihovim grupama. Pomaže im to što ljudi generalno imaju tendenciju da se priklanjaju nekim grupama i poistovjećuju sa njihovom filozofijom, umjesto da sami stvaraju svoje vlastite stavove i formiraju svoje lične ciljeve i horizonte. U momentu kada čovjek pomisli kako se on lično nalazi u grupi izabranika, "spašenika" ili kako je grupa u kojoj se on nalazi jedina u pravu, i tako na neki način "specijalna", to je indikacija da se našao na putu prema ambisu. To upravo leži sjeme destrukcije našeg i bilo kojeg drugog društva. Greys-i nisu u stanju da vide svoje vlastite greške. Pokušavati prevaspitati jednog grey-a je praktično nemoguće isto kao i vrhovnika neke religiozne organizacije (koje su u većini slučajeva, takođe "proizvod" greys-a).



Jednog dana, sve će se ipak iskristalisati, jer duh je taj koji će na kraju krajeva nagnati čovjeka da ustane, zauzme stav, pruži otpor i prestane da podržava sve ove neprestano promovisane laži. Tako će greys-i i svi oni koji su se stavili na njihovu stranu doći u situaciju da beru "plodove" svega onoga što su do danas posijali.

BAZE VANZEMALJACA NA "SOL – III PERIMETRU"

Za vrijeme svoje okupacije, greys-i su osnovali veći broj baza širom cijelog svijeta, a pogotovo na prostorima USA. Jedna od tih baza nalazi se na području poznatom kao Archuletta Mesa, što je na oko 5-6 km sjeverozapadno od mjesta Dulce, u državi New Mexico. Baza se prostire pod zemljom u dužini od oko 1km, ispod indijanskog rezervata (Jicarilla Apache Indian Reservation), a to je ujedno i jedno od područja najviše zahvaćenih mutilacijama goveda, pogotovo nakon 1976. g. Ova instalacija se nalazi pod zajedničkom upravom greys-a i američke vlade, kao dio zajedničkog projekta kooperacije, koji se još uvijek odvija između vlade i greys-a. Podzemne baze postoje i kod mjesta Kirtland, kao i Holloman Air Force Base. Jedna od njihovih poznatijih baza u Engleskoj je baza po imenu Bentwaters. Baza Dulce je osnovana 1948. U 1979. g. došlo je do izenadnog konflikta u vezi nekog oružja, te je tako došlo do oružanog okršaja u kome je poginulo 66 ljudi, dok su četrdeset četvorica uspjela da se spasu. Jedan od preživjelih bio je agent CIA koji je uspio da za vrijeme svog boravka u bazi napravi par bilješki kao i da snimi dosta materijala video kamerom i običnim fotografskim aparatom. On se od tada skriva, i svakih 6 mjeseci kontaktira petoricu ljudi kojima je ostavio kopije tog materijala. Po njegovim instrukcijama, osobe kojima je ostavio taj materijal mogu da ga objave, ukoliko im se on ne bi javio. Negdje 1987. neki od istraživača NLO-a dobili su nešto od te dokumentacije, radilo se o 25 crno-bijelih fotografija, jednoj video traci i dokumentima koji su sadržavali određene tehničke informacije u vezi tog zajedničkog projekta. U dokumentima se dosta diskutovalo na temu bakra, molibdena, magnezijuma i kalijuma. Takođe se dosta diskutovalo o Bilu Cooper-u (William Cooper, bivši pripadnik američke armije; autor knjige "Behold a Pale Horse", ubijen početkom 2002). U nekim od tih dokumenata bilo je dosta diskusije u vezi ultraviolettne svjetlosti i gamma zraka. U tim dokumentima se otkriva još jedan podatak na temu šta vanzemaljce navodno zanima, tj. tzv. "Tajna Metagena", i načini na koje ovi koriste krv uzetu od ljudi i goveda. U njima se tvrdi da neki od vanzemaljaca apsorbuju molekule "hrane" na taj način što stave ruke u krv, tj. koriste ih kao neku vrstu spužve, prilikom ishrane. Takođe se pominje da to nije jedino što njih interesuje, oni navodno eksperimentalno mijenjaju DNA goveda i ljudi (Ovdje moramo uzeti u obzir genetički modifikovanu hranu koja nam se u posljednje vrijeme na silu gura na naše trpeze; osiromašeni uranijum itd. Čini se da ove supstance imaju sposobnost da postepeno izmijene genom čovjeka).

Zašto se "Tip 1" (humanoidi) koristi za laboratorijske eksperimente i kako se mijenjaju atomi kako bi se stvorilo jedno privremeno skoro-ljudsko-stvorenje. To se čini uz pomoć životinjskih tkiva, dok se uz pomoć jednog mikrokompjutera simulira memorija. Ta memorija je obično izvučena iz drugog ljudskog bića. Na kraju se tako stvara neka vrsta klona. To "skoro-ljudsko-biće" ili klon, ponaša se dosta usporeno i nezgrapno. Normalne ljude često koriste za treniranje, za eksperimentisanje ili za "parenje" s ovim "skoro-ljudskim-bićima". Neke drže u velikim cilindrima, a tekućina boje (ili tipa !?) ćilibara održava ih u životu. Nekim ljudima isperu mozak i koriste ih za distorziju istine, neke muškarce održavaju u životu samo zato što imaju visok broj spermatozoida u svojoj spermi, te ih koriste samo iz tog razloga. Ljudsku spermu takođe koriste za mijenjanje DNA i stvaranje bespolnog stvorenja poznatog kao "Tip2". Tu spermu, koju izmjene raznim biohemijskim procesima, stavljaju u materice žena a onda nakon nekoliko mjeseci odstranjuju fetuse, te ih onda dalje razvijaju u vještačkim uslovima (Većina žena nije svjesna niti se sjeća same otmice, kao ni događanja za vrijeme njih, zbog mentalnih blokova koje im istovremeno usade. Neke od njih slučajno saznaju da su trudne, kao i to da je fetus "misteriozno" nestao nakon određenog vremena. Regresivnom hipnozom se može ustanoviti šta se tačno događalo za vrijeme abdukcije). Neposredno nakon "rođenja" ova stvorenja imaju prilično ružan izgled, međutim, kada odrastu oni izgledaju kao normalni ljudi. Taj proces njihovog rasta ukupno traje samo nekoliko mjeseci, međutim, njihov životni vijek je veoma kratak, manje od godinu dana. Žene koriste takođe za rasplodne svrhe. Bezbroy žena je imalo iznenadan "pobačaj" negdje u 3-ćem mjesecu trudnoće a većina njih nije ni bila svjesna da su bile trudne, dok se manji dio njih na neki način sjeti da im se nešto čudno dogodilo. Taj fetus je obično mješavina DNA

Tipa1 i Tipa2. Nakon što ga odstrane iz materice u 3-ćem mjesecu starosti, naknadno ga uzgajaju u posebnim uređajima dizajniranim za te svrhe. Ovo je bilo otprilike ono o čemu se diskutovalo u "Dulce Dokumentima". Tu je bilo još par rukom nacrtanih skica kontejnera, odnosno, cilindara u kojima su uzgajali fetuse onih "skoro-ljudskih-bića", na jednom listu je bio dijagram metala kristalinske strukture, čisti zlatni kristal i nešto slično genetičkom ili metalurškom dijagramu ili karti. Tu je bio pridodan i jedan rentgenski defrakcioni uzorak ili snimak, ili heksagonalni kristal, s napomenom da se radi o najboljem električnom provodniku. Čini se da je kompletan drugi dio dokumentacije bio posvećen nekoj vrsti superkristalnog materijala koji je korišten za oplatu (letjelica ?) ili nešto slično.

U svakom slučaju, iz svih podataka koje smo do sada skupili, možemo sa sigurnošću reći da širom svijeta postoje podzemne građevine, baze i tuneli, kao i to da se one i dan danas još uvijek grade. Postoje cijeli gradovi tamo dole, između ostalog, i neki od njih nemaju nikakve veze s temom ovog dokumenta. Oni postoje dole već dugo, dugo vremena.

Sada ćemo napraviti jednu malu digresiju. Osoba, po imenu Lew Teri, provela je dugo vremena na istraživanju geomagnetnih anomalija, koje su možda korištene od strane NLO-a. Mi ćemo sada da pogledamo malo šta je taj čovjek otkrio, iako sam koncept veze između NLO-a i tih geomagnetnih anomalija nije posebno nov. Nakon što je kupio mapu aeromagnetnih i gravitacionih anomalija od Američkog Biroa za Geološka Istraživanja, njemu je odmah postalo jasno da postoji veza između tih područja i NLO-a. Teri je održao jedno predavanje na tu temu u Arizoni, i odmah nakon toga doživjeo je šikaniranje od strane FBI-ja. Ovi su mu saopštili kako su te informacije bile i još uvijek jesu – senzitivne prirode. Teri je shvatio poruku i odbio javno da se izjašnjava na ovu temu. Obje ove mape, aeromagnetna i gravitaciona, indiciraju osnovne vrijednosti jačine polja, kao i područja polja visoke i niske jačine. Interesantno, upravo ona područja gdje su zabilježena ova polja visoke i niske jačine, su ujedno i :

- područja intenzivne aktivnosti NLO-a,
- područja koja su ili indijanski rezervati ili vlasništvo vlade ili zemljište koje vlada pokušava da otkupi,
- mnoga od njih, pogotovo ako se radi o grupama područje smještenih u neposrednoj blizini, su mjesta gdje se sumnja da se nalaze baze vanzemaljaca, kao i mjesta intenzivne mutilacije goveda i otmica ljudi.

U ovim svojim opservacijama, Teri je otišao i malo dalje. On je tvrdio kako postoji specifično vrijeme kada se NLO-i pojavljuju. Rezultati tog njegovog opsežnog istraživanja bili su sljedeći...

Otmice ljudi i mutilacija goveda najčešće se javljaju :

- za vrijeme mladog mjeseca ili u okviru od 2 dana prije mladog mjeseca,
- za vrijeme punog mjeseca ili u okviru od 2 dana prije punog mjeseca,
- za vrijeme periheliona, odnosno, kada je mjesec na najkraćoj udaljenosti od zemlje ili u okviru 2 dana prije periheliona.

Čini se da trenutno ne postoji konkretno objašnjenje za ovu koincidenciju, međutim, izgleda da su ovi podaci tačni. Da se vratimo sada na glavnu temu ovog poglavlja. Na području USA, glavne baze Rigelijanaca :

- Fairbanks, Aljaska,
- Groom Lake, Nevada,
- Dulce, New Mexico,
- Utah,
- Colorado,

- California,
- Texas,
- Florida,
- Georgia,
- Maine,
- New York,
- Wyoming,
- Atlantski okean - Wavenest,
- Mjesec; Luna-1 i Luna-2.

PROJEKAT BETA, PSIHLOGIJA GREYS-A:

Rigelijanci nisu u stanju da se ponašaju po normalnim logičkim principima i čini se da imaju više slabosti nego što ih imaju ljudska bića. Ne može im se vjerovati, zbog toga što im nedostaje upravo taj logički sistem i što nisu u stanju da donesu individualnu konačnu odluku, bez odobrenja s vrha njihove hijerarhije. Svi se nalaze pod kontrolom entiteta poznatog kao "čuvar" (The Keeper), štaviše, čini se da ni taj entitet nije krajnji autoritet. Zadržka prilikom donošenja krajnje odluke može potrajati u nekim slučajevima i 12 do 15 sati. Zbog ovakvog sistema kontrole, proces donošenja individualnih odluka greys-a je veoma ograničen. Ako im se plan ne odvija onako kako su ga zamislili, oni odmah postanu konfuzni. S psihološke strane gledišta, njihov moral skoro da i ne postoji. Čini se da i u njihovim redovima dolazi do povremenih međusobnih sukoba čije uzroke možemo samo nagađati, međutim, čini se da je u pitanju njihova psihička nestabilnost kao i nedostatak međusobnog povjerenja. Izgleda da se veoma jako boje smrti, više nego mi, što predstavlja na neki način psihološku prednost za nas. Njihove jače i slabije strane, koje smo istraživali i ispitivali, ispostavile su se upravo onakvim kako smo i očekivali. Njihov um je njihova primarna snaga na koju se najviše oslanjaju i oni ga koriste kako bi kontrolisali i manipulirali naše umove. Ukoliko bi se mi koristili reverzibilnim psihološkim metodama, mogli bi ih dovoditi u situacije gdje bi se oni osjećali i ponašali "izgubljeno", što bi mi onda mogli pretvoriti u našu korist.

TAKSONOMIJA NEKIH EKSTRA-TERESTRIJALNIH HUMANOIDA

Radeći po nalogima humanoidnih rigelijanskih greys-a (Greys Tip 1), CIA i bivši nacistički naučnici razvili su i pustili u opticaj razne maligne vrste bakterija i virusa, uključujući AIDS, kako bi eliminisali nepoželjne elemente iz našeg društva.

Greys-i, pogotovo Tip1, su bića koja su skoro kompletno bez emocija, ali si mogu razviti neka stanja slična ekstazi mentalno se povezujući sa različitim vrstama intenzivnih ljudskih emocija, koje se oslobađaju kod čovjeka u stanjima ekstaze ili agonije. Da li ovo objašnjava učestaliju pojavu NLO-a u regionima u kojima se vode ratovi, gdje dolazi do masovnog uništenja, patnje i pogibije ljudi? U USA trenutno imamo nekoliko slučajeva potomstva vanzemaljaca i ljudi, koji žive zajedno. To je jedan sociološki eksperiment koji sprovodi naša vlada. Kroz cijelu našu istoriju, kao i praistorijska vremena odvija se jedna stalna genetička manipulacija čovjeka od strane Ultra-terestrijalaca u njihovim pokušajima međusobnog ukrštanja kako bi spasili, odnosno, održali svoju rasu. Nordička rasa je također uzimala učešća u ovim eksperimentima, što čini da mi danas djelimo s njima mnogo toga zajedničkog. Greys-i imaju sposobnost da se kamufliraju, odnosno pretvore u visoke plavokose Nordike uz pomoć projiciranja svoje mentalne energije. Plavokosi Nordici se, s druge strane, nikada ne pretvaraju u greys-e. Neki Nordici koje smo imali priliku vidjeti zajedno s greys-ima su fizički stvarni, međutim, oni su zarobljeni od strane greys-a. Njih su greys-i ili paralizovali ili su im neutralisali njihovu sposobnost teleportiranja kroz vrijeme i druge dimenzije. I plavokosi Nordici i greys-i imaju sposobnost da dezintegrišu materiju u energiju i onda da reintegrišu tu energiju ponovo u materiju. Ova njihova sposobnost im omogućava da prolaze kroz zidove i da otimaju ljude iz zatvorenih prostorija ili zaključanih auta (U suštini, ovdje se radi o tome da su greys-i "prirodno" stvorenja četvrte dimenzije isto kao i Nordici i 4D Reptoidi, dok smo mi

na nivou treće dimenzije. Kao takvi oni mogu da prolaze kroz materiju i manipulišu njome). Originalni Rigelijanci su nekada bili Nordici, dok nisu bili napadnuti od strane greys-a, parazitske rase, koja ih je porobila i kasnije se na silu ukrštavala s njima. Neki plavokosi Nordici su uspjeli tada da pobjegnu i nastane se na planeti Zemlji, gdje su navodno, zajedno sa Ultra-terestrijalcima začeli život na "našoj" planeti. Navodno, upravo zbog ovih naših zajedničkih predaka, danas nam mnogi posvećuju veliku pažnju. Greys-i su mogli i mogu, veoma lako, da impregniraju ženska ljudska bića, na njihovim letjelicama ili dok one mirno spavaju u svojim kućama. Prilikom toga oni se ne moraju pojaviti u fizičkom, odnosno, vidljivom obliku.

GREYS – Tip A

"A" tipovi greys-a imaju veliki nos i takođe potiču sa Rigela. To su oni greys-i s kojima naša vlada ima sporazum.


Podaci :

- visina 120 – 140 cm, težina oko 20 kg,
- dva polukružna crna oka, bez zjenica. Oči su im velike, oblika badema, izdužene, upadnute, međusobno udaljene i lagano zakošene, kao kod "orijentalaca" ili "mongoloida",
- glava im je prema ljudskim standardima veća u poređenju s njihovim torzom i tijelom,
- nemaju ušnih školjki ili bilo kakvih otvora sa strane glave,
- nos dugačak i neizražajan,
- vrat im je tanak i u nekim slučajevima nevidljiv zbog zaštitih odjela koje nose,
- na glavi nemaju dlaka,
- trup im je mali i tanak,
- normalno nose neku vrstu metalne ali veoma elastične uniforme,
- ruke su im duge i tanke i normalno dosežu do koljena,
- na rukama imaju četiri prsta, bez palca, dva prsta se čine dužim od ostala dva. Imaju i neku vrstu noktiju. Prsti su im međusobno povezani tankim nježnim membranama,
- noge su im kratke i tanke. Izgledaju slično nogama orangutana,
- nemaju zube,
- boja kože im u raznim slučajevima varira, od svijetlo smeđe do sivkaste, ponekad ima i ružičaste tonove. Struktura kože je najbližnja reptilskoj, s krljuštima i veoma je elastična; imaju glatke mišiće a nemaju poprečno prugastu muskulaturu. Lako se znoje, što čini da im tijela imaju veoma specifičan miris. Pod mikroskopom struktura njihove kože ima mrežast izgled. Neki sugerišu da je struktura njihove kože najbližnja granularnoj koži nekih guštera, kao što su iguane i kameleoni,
- nemaju vidljivih reproduktivnih organa. Možda su im oni atrofirali evolutivne degeneracije. Nemaju genitalije. To sugeriše da se najvjerojatnije razmnožavaju kloniranjem,
- čine se kao da su pravljani po nekom kalupu, jer dijele skoro identične crte lica,
- u tijelima im dominira neka bezbojna tekućina, bez crvenih krvnih ćelija. Nemaju limfocite. Ne postoje nikakve ćelije koje bi mogle služiti kao nosioci kiseonika. Nije poznato da uzimaju neku hranu ili da piju vodu. Neki naučnici vjeruju da im hrana nije ni potrebna. Nemaju nikakav digestivni sistem,
- kod njih postoje mnoge anatomske varijacije,
- nije poznata dužina života.

GREYS - TIP B

Tip "B" su greys-i koji potiču sa Z-Reticulae 1. S ovim greys-ima je naša vlada takođe sklopala neke sporazume.

Podaci :



- psihologija im je manje više slična psihologiji rigelijanskih greys-a,
- postoje muški i ženski,
- ovima treba hrana da bi opstali,
- imaju aseksualni oblik reprodukcije, "orulo" se razvija unutar njihovih ženki.

GREYS - TIP C

Tip C, 1 i 2, su greys-i porijeklom sa Z-Reticulae 2. Ovi greys-i su vanzemaljci, naučnici. Oni proučavaju nas i našu planetu.

Podaci Br. 1 :



- psihologija im je slična psihologiji Z-Reticulae Tipa 1. Razlikuju se po očima. Oni imaju velike crne zjenice,
- imaju uši,
- imaju isti tip reproduktivnog sistema kao i Z-Reticulae, Tip 1.
- Imaju tanke usne na ustima i grlo uz pomoć kojeg su u stanju da govore.

Podaci Br. 2 :



- razlikuju se po obliku glave,
- Tip C, br. 2, imaju šiljate uši,
- manji su po veličini od 1-vog tipa, Z-Reticulae 2,
- Reprodukuju se uz pomoć jajeta.

GREYS - TIP D – NORDICI

Tip D su Norici. Ovi Nordici su obično plavokosi i humanoidnog su tipa. Dolaze sa različitih mjesta, ali uglavnom iz sazviježđa Plejada i Oriona.

Podaci :

KARAKTERISTIKA	MUŠKARCI	ŽENE
prosječna visina	2 m	1,7 m
prosječna težina	90 kg	70 kg
temperatura tijela	98.6 F	98.6 F
puls / disanje	72 / 16	72 / 21
krvni pritisak	120 / 80	80 / 50
životni vijek	60 zemaljskih godina	23 zemaljske godine

GREYS - TIP E – ORANDŽ (ORANGES)

Crvenokosi humanoidi. Dolaze sa područja zvijezde Bernard.

Podaci :

KARAKTERISTIKA	MUŠKARCI	ŽENE
prosječna visina	2 m	1,7 m
prosječna težina	70 kg	50 kg
temperatura tijela	91 F	91 F
puls / disanje	242 / 61	242 / 61
krvni pritisak	80 / 40	80 / 40
napomena !!!	ponekad nose bradu	

8. VANZEMALJSKA TEHNOLOGIJA

VANZEMALJSKE LETJELICE SA DIMENZIONALNIM FAKTOROM

Da bi se razumio ovaj koncept, neophodno je shvatiti da mi živimo u univerzumu koji se sastoji od deset dimenzija, od kojih je devet prostornih i jedna vremenska. Mi na Zemlji koristimo samo četiri dimenzije, tri prostorne, jednu vremensku, dok su šest ostalih dimenzija, kompaktne kao jedna Abstraktna Dimenzija.

Na osnovu teorije dvojice fizičara, Dr. John-a Schwartz-a (SAD) i Dr. Michael-a Green-a (Engleska), dijelovi naše atomske strukture, imaju 10-to dimenzionalnu konzistenciju. Da bi se uspostavio sistem, nakon Velikog Praska, 6 od tih dimenzija se stopilo u jednu kombinovanu dimenziju.


Vanzemaljci koriste ovo znanje, koje oni nazivaju "Nordwag Faktorom", koje omogućava ubrzavanje velikog broja čestica i stvaranje novih dimenzionalnih prostora. To znači da u vanzemaljskim letjelicama ima mnogo više prostora, nego što se to čini, na osnovu posmatranja njihovih vanjskih dimenzija.

Neki slični aspekti odnose se i na 3-ću dimenziju (prostor), 4-tu dimenziju (vrijeme) kao i 6 ostalih dimenzija : Multiverzum (teorija Multiverzuma), a ne teorija jednog jedinog Univerzuma. Univerzum je samo jedan dio cjelokupnog Multiverzuma.

AMERIČKA VLADA I VANZEMALJSKA TEHNOLOGIJA

Vanzemaljci su Vladi SAD-a dali svoju tehnologiju, međutim, postavlja se pitanje kako naučnici mogu razlikovati igračku i pravi sofisticirani uređaj, ako ga do tada uopšte nisu ni vidjeli !? Vanzemaljci su nam dali neke osnovne pojmove o kompjuterskim sistemima (mikro-čipovi, integrisana kola), a mi smo u tome napredovali mnogo brže nego što su to oni očekivali. Nakon ovoga, postali su mnogo oprezniji kada je u pitanju "igračka" koju nam daju, jer su uvidjeli da smo u stanju, u veoma kratkom vremenu, tu "igračku" pretvoriti u visoko-sofisticirani uređaj. Glavni interes Vlade SAD-a je da prikupi što je više informacija moguće o vanzemaljskoj tehnologiji (laserska oružja, taktičke letjelice), informacije iz domena medicine, nauke i inteligencije, posebno kada je riječ po pitanju "kontrolne uma". Svi ovi ciljevi su trenutno u tijeku.

IMPLANTAT ili S.B.M.C.D.



Dijelovi :

01. mikro receptor/transmitter
02. širina (74), debljina (23)
03. slušni senzor – vrši kontstantnu kontrolu valnih-dužina koje sežu do ultrasoničnih frekvencija. U mogućnosti je detektovati zvuk od samo par decibela, čiji je izvor u neposrednoj blizini.
04. nervni stimulator – taj uređaj emituje promjenjive naponske snopove direktno na nervne završetke u moždanoj kori, - fazni transduceri na obje strane moždanih režnjeva osciliraju određenom frekvencijom i apliciraju stimulirajuće struje od nekoliko mikro-volti na sekundu. Na kraju krajeva, radi se o jednoj kompletnoj kontroli mozga.
05. uređaj za pojačanje unutarnjih/spoljašnjih optičkih senzora – dizajniran je da detektuje valne dužine fotona (svjetlosti) koji se nalaze između ultravioletnog i infracrvenog dijela spektra.
06. centralna energetska jezgra – tu se oslobađa energija koja napaja implantat, koja nastaje smanjenjem male količine radio-aktivnog izotopa stroncija 90. Zatim se nastala energija raspoređuje u uređaj pomoću direktnog dotoka nabijenih elektrona, kao oblik hranjive tvari za dati uređaj. Nešto slično hemoglobinu kod ljudi.
07. kružni elektro-mehanizmi – locirani su ispod centralnog energetskog jezgra, doprinose u kruženju hranjive tvari, unutrašnje su rješenje koje omogućava efikasan prijenos energije i podataka, te komunikacije.
08. uređaj za samo-uništenje - uništava kompletan implantat, ukoliko neko bez posebnog koda (koji se sastoji od niza različitih frekvencija), pokuša otvoriti dati uređaj.
09. pomoćni dio : baza za čuvanje podataka – sastoji se od preko 10.000 silikonskih pločica koje su direktno povezane sa mikro-pozitronski stimuliranim centrom u mozgu, omogućavajući tako direktan pristup bilionima bajtova informacija.

S.B.M.C.D ili IMPLANTAT

Sferno, biološko nadgledanje i kontrolni uređaj (SBMCD), predstavlja tehničko-organski sinaptički procesor napajan protokom mikro-pozitrona, koji kontroliše ili oponaša funkcije ljudskog nervnog sistema uz pomoć mikro-prenosnika (releja). Prilikom otmica, Greys-i obično vrše usađivanje 3mm implantata (SMBCD) kroz nosnu šupljinu osobe, pozicionirajući ga što bliže mozgu. Nakon toga vrše davanje hipnotičkih sugestija otetoj osobi i na taj je način primoravaju da u narednih dvije do pet godina vrši određena djela u njihovu korist. Implantat može biti odstranjen jedino nakon smrti otete osobe, dok pokušaj njegovog odstranjivanja dok je oteti još živ, predstavlja njegovu/njenu trenutnu smrt.


VANZEMALJSKI I ELEKTRO-MAGNETNI SPEKTAR

Nakon čitanja ovog dokumenta, potpuno je jasno i u to nema sumnje, da postoje inteligentna bića koja su u stanju nama manipulirati i materijalizirati bilo koji objekt u našu dimenziju. Obratimo za trenutak pažnju na elektro-magnetski spektar. Kao što je poznato, naše vidno polje obuhvata samo mali dio cjeline svjetlosnog spektra, dok su spektri koji se javljaju kada su u pitanju vanzemaljske letjelice sledeći :

- ultra-ljubičasti spektar
- plavi spektar (ulazno područje NLO-a)
- zeleni spektar (NLO je vidljiv)
- žuti spektar (NLO je "ranjiv")
- crveni spektar
- infra-crveni spektar
- toplotni spektar
- radio spektar

Ukoliko ovo povežete sa slučajevima s kojima ste upoznati, bar što se tiče viđenja NLO-a, spektar se mijenja ugl. tokom njihovog leta.

VANZEMALJSKI UREĐAJI KORIŠTENI PRI MUTILACIJI



Biološki skener, Tip I

Specifikacija :

- ukupna dužina : 6,05 cm
- maksimalni promjer : 3,5 cm
- težina : 230 grama
- osjetljivost ($\dot{E}mv/AU^2$) do : 0,0001
- grupa očitavanja : sve
- (Alfa, Beta, Gama, Kirlian, Theta i XI Zraci)
- A = kućište kompjutera
- B = pogonski prekidač
- C = kućište skenera (#47 mrežni skener)
- D = rotirajući skener
- E = ekran sa brojčanikom za očitavanje
- F = oblik života, izborna skala
- G = skener za površinsku ravan
- H = skala za odabir različitih životnih oblika

Biološki skener, Tip I, se sastoji od dva dijela :

Prvi dio predstavlja glavu skenera, koja se koristi da bi se aktivirao uređaj. Glava je smještena unutar mreže povezanih mikročipova.

Drugi dio predstavlja "glavno tijelo" uređaja, u kojem se primaju i obrađuju primljeni podaci te konvertuju u audio zapis, što je omogućeno pomicanjem glave skenera.

Skener funkcionira tako što čita fiziološke informacije koje potiču od individue ili organskog bića, koje je smješteno na malom rastojanju od uređaja. Audio signal, u obliku različitih tonova, se javlja prilikom očitavanja neke od karakteristika :

- tjelesne temperature,
- krvnog pritiska,
- brzine pulsa,
- brzine disanja,
- brzine metaboličke aktivnosti,
- količine ćelija,
- kapaciteta pluća,
- rada srca,
- rada mozga,
- poremećaja u homeostazi.

Skener je namijenjen za samo jednu određenu vrstu iako ima i dijagnostičku primjenu na slične životne forme. Za vizualno očitavanje, skener može prenijeti signal do bio-komputera gdje svjetlosni signali očitavaju iste funkcije kao i tonski signali kod audio ispisa te je, ukoliko je potrebno, moguće dobiti detaljnije podatke o skeniranom entitetu.

Napomena :

- Da bi bili u stanju da očitavaju informacije koje emituje zvučni skener, liječnici prethodno prolaze kroz jednu opsežnu obuku za te svrhe, te ne postoji jednostavni metod koji bi omogućio običnom laiku da razumije dobijene informacije.

BOČICA ZA APLIKACIJU "SPREJA"

Mala cilindrična šprica za epidemalnu aplikaciju hemijskih supstanci aktivira se pritiskom na klip uz pomoć palca. Iako se uz pomoć nje mogu aplicirati razne supstance u obliku tekućina, pjene ili gela, ona se normalno koristi za aplikaciju određenih supstanci koje se ponašaju kao koagulanti (uzrokuju gružanje krvi, prim. prev.) da bi zaustavili krvarenje, a također, ujedno djeluju i kao antibiotici kako bi se spriječile infekcije. Blagi lokalni anestetik otklanja bol na području zahvata. Ova šprica sadrži u sebi 5 do 10 doza, u zavisnosti od količine potrebne za operacije na terenu.

TERENSKI UREĐAJ ZA OČITAVANJE

Ta vrsta uređaja se koristi kada se uz pomoć skenera ne može precizno odrediti stanje pacijenta, kao i kod vrsta za koje se sumnja da bi mogle sadržavati određene epidemiološke supstance. Taj uređaj radi tako što očitava vitalne funkcije pacijenta, te uz pomoć četiri neovisna senzora, daje svjetlosne signale koji ovisno o boji predstavljaju :

- Zelena : otkucaje srca
- Crvena : puls
- Plava : tjelesnu temperaturu
- Žuta : krvni pritisak

HIRURŠKI SKALPEL

Hirurški komplet se sastoji od šest skalpela, klase ABR-5, sa širinom sječiva od jedan (1) do pet (5) angstrema. Aktiviraju se pritiskom na cilindričnu bazu koja reprodukuje snop laserskih zraka uz pomoć kojih se precizno vrše subkutani (potkožni) rezovi.

LASERI ZA PRESAĐIVANJE KOŽE

Laser (tip jedan) male snage, koristi se za brzo i bezbolno zacjelivanje površinskih rana tako što zatvara veće krvne sudove i nervne krajeve pri čemu stimulira pacijentov metabolizam (npr. stimulira regeneraciju tkiva).

Laser (tip dva) koristi se za presađivanje kože (otklonjene skalpelom sa manje osjetljivih dijelova tijela), na područja na kojima je tkivo djelimično ili potpuno oštećeno.

UREĐAJ ZA PRIVLAČENJE KRVI

Ovaj uređaj emituje jedno polje sile i u stanju da fokusira snop talasa ili čestica. Taj uređaj se koristi za lociranje crvenih krvnih ćelija sa hemoglobinom i njihovo uvlačenje u sebe kroz kožu, na principu gravitacionog elektromagnetnog fokusiranja. Ta sprava može da se koristi i iza odbijanje, naizmjenično odbijanje i privlačenje, za svrhu hvatanja nekog manjeg ili većeg objekta, kao i njegovo odmicanje, privlačenje ili održavanje u nepomičnom stanju.

Taj uređaj može da funkcioniše u jednom širokom dijapazonu od 180/360 stepeni, iz skoro svakog ugla. Snop kojeg on emituje ima određene granice, njegovi talasi se dezintegrišu na svoje sporedne komponente na distanci većoj od 100 m.

9. TAJNA TEHNOLOGIJA AMERIČKE VLADE

U mnogim zemljama, u područjima na kojima su bili primjećeni nepoznati leteći objekti, mogli su se primijetiti i helikopteri. U većini slučajeva ti helikopteri su bili viđeni zajedno sa NLO-ima ili neposredno nakon što je NLO bio uočen.

Kada je došlo do pojave talasa misterioznih helikoptera u Engleskoj, zabilježene izjave svjedoka govore o osobama azijskog izgleda koje su bile u njihovoj posadi. Osobe sa kosim očima, maslinastom bojom kože istočnjačkog izgleda već godinama se nalaze na periferiji ili u centru svih zbivanja u vezi sa NLO. Većina tzv. ljudi u crnom slično izgledaju, međutim, oni većinom imaju blijeda i suvonjava lica i osjetljivi su na svjetlost.


Tom Adams u "Stigmati", objašnjava zbog čega su u neposrednoj blizini NLO letjelica, prije ili kasnije, primijećeni i helikopteri i daje slijedeća pojašnjenja :

- helikopteri ustvari predstavljaju NLO-e, prerusene tako da izgledaju kao zemaljske letjelice,
- helikopteri pripadaju zračnim snagama američke vojske i direktno su uključeni u proces mutilacije,
- helikopteri pripadaju zračnim snagama američke vojske, ali nisu uključeni u proces mutilacije, nego ga istražuju,
- helikopteri pripadaju zračnim snagama američke vojske koja je upoznata sa procesom mutilacije, njenom svrhom i onima koji je obavljaju, te njihovo prisustvo u tim područjima ustvari ima za cilj skretanje pažnje sa njihove umiješanosti u cijeli proces.

MISTERIOZNI HELIKOPTERI I MUTILACIJA

Misteriozni helikopteri pripadaju DELTA/NRO diviziji. Za normalni tok istrage vezan za pojavu mutilacije, jedinica šalje jedan helikopter sa timom od sedam agenata, te dvije daljinski upravljane, bezpilotne letjelice (RPV). To su male letjelice, tanjirastog oblika, prečnika do tri stope.


UREĐAJI ZA NADGLEĐANJE



Napomena :


- Letjelica je napravljena od strane Aerojet Electric-Systems-a, Kalifornija.

Ove bezpilotne letjelice sa sobom nose i opremu za nadgledanje. Leteća pizza sa repom, prečnika oko 3m, opremljena najmodernijom video opremom. U stanju su vršiti nadgledanje sa velikih visina (do 100.000 stopa).



ADR/238F

Areonautička korporacija koja se bavi konstruisanjem letjelica na daljinski pogon (Teledyne Ryan), odgovorna je za povavu misterioznih helikoptera "XH SHARKS", kako ih nazivaju.



XH 75D

Prave karakteristike i mogućnosti ovog tipa helikoptera se uspješno skrivaju, ali u nastavku ćete vidjeti neke od njegovih karakteristika koje su se uspjele na neki način saznati, mada ne moraju u potpunosti odgovarati ovom tipu :

- TIP ROTORA : napredni sistem kratkih elisa, još u eksperimentalnoj fazi
- POGONSKE JEDINICE : dva motora, ukupne jačine 1825 KS (težina 1362 kg), model J60-3A Turbojet
- DIMENZIJE : promjer triju elisa iznosi oko 10,97 m

- RADNE KARAKTERISTIKE : Maksimalna brzina – 445km/h, brzina uspona – 5.000 stopa/sek.

Neki od helikoptera (Tip XH-75D) imaju i gravitacioni elektromagnetski projektor, koji pravi "čahuru" oko helikoptera, što predstavlja neki oblik maskiranja. Pojavljuje se fotonsko energetska polje koji se širi oko helikoptera (luk 360°), dužine do 50 stopa.



Crni Helikopter, Tip XH-75D

Kada se projektor uključi, helikopter se pretvara u NLO, bez efekata ubrzavanja i inercije, što omogućava 82% zaštitu od napada.

10. OTMICE OD STRANE VANZEMALJACA

NADZORNICI - THE MONITORS

Početak pedesetih godina greys-i su počeli da otimaju veliki broj ljudi za svoje eksperimente. Šezdesetih godina taj broj se strahovito povećao, greys-i su postali bezobzirni. Sedamdestih godina nam je već bilo jasno s kakvim entitetima imamo posla, međutim, američka vlada je nastavila za zataškavanjem istine. Osamdestih godina naša vlada je došla do stanovišta da je sada već kasno da se išta promjeni, kao i to, da nismo u stanju da poduzmemo bio kakvu efikasnu odbranu protiv njih. Tako se otpočelo sa kondicioniranjem javnog mnjenja preko medija u smislu plasiranja kojekavih "sci-fi" emisija, filmova, knjiga itd. kako bi se ljudi koliko toliko pripremili za eventualni kontakt s ovim vanzemaljskim bićima. Taj program još uvijek traje. Greys-i i reptoidi su u zajednici, mada se ponekad čini da i između njih ponekad dolazi do tenzije. Jedini neprijatelji greys-a su Nordici i Reptilska rasa (ovdje moramo naglasiti da su reptoidi ili reptiloidi i reptilska rasa, dvije potpuno različite rase). O reptilskoj rasi ćemo razgovarati malo kasnije.

Neki elementi iz naše vlade stvarno žele da upoznaju javnost u vezi svega ovoga, dok drugi (kolaboratori ili "elita") grčevito pokušavaju da se pridržavaju svih sporazuma sklopljenih s greys-ima, jer su im ovi obećali kako će im pomoći da prežive skorašnje katastrofe koje će zadesiti našu planetu i nakon njih ponovo ih instalirati na rukovodeće položaje. Naša neposredna budućnost mogla bi nam donijeti Novi Svjetski Poredak ili transformaciju ljudske svijesti (svjesnosti). Bitka za ovo odvija se upravo u ovom momentu. **PRIPREMITE SE ! MI MORAMO OČUVATI ČOVJEČANSTVO NA OVOJ PLANETI !**

SLUČAJ ABDUKCIJA OD STRANE VANZEMALJACA

Greys-i i neki tipovi Nordika su glavni od onih koji su odgovorni za otmice miliona ljudskih bića (tokom većeg dijela naše historije) protiv njihove volje, i njihovo izlaganje intezivnim medicinskim eksperimentima i drugim aktima invazivne prirode. Te vanzemaljske sile su ovdje i one već odavno koriste našu planetu kao njihov glavni Uzgojni Centar. Ovdje se radi o jednom metodičnom, ultra-tajnom i podmuklom programu ili eksperimentu koji se sprovodi nad ljudskim bićima koja žive na ovoj planeti i koji pobija sav onaj kosmički altruizam koji se, na ovu temu, često može naći u literaturi "new age" tipa. "New age" pokret, kao i ostale religije, upravo je i smišljen iz razloga da zamagli vidik ljudskim bićima. Taj pokret se karakteriše jednim nerealnim idealizmom koji se ekskluzivno koncentriše samo na dobroćudne i duhovne motivacije naših vanzemaljskih posjetilaca.

U suštini, vanzemaljci, su za nas jedna nepoznata agentura, koja ispoljava jedan striktno hladan i klinički odnos prema ljudskim bićima; radi se o "tuđincima" ne-humane prirode. Fenomen samih otmica, prema mnogim izvještajima, skoro uvijek je vezan za NLO-e i njihovu posadu. Međutim, čak i oni najiscrpniji izvještaji od strane svjedoka, koji u detalje opisuju planete i sazvježđa odakle određeni vanzemaljci potiču, sadrže mnogo elemenata koje možemo svrstati u kategoriju "wishful thinking" ("što je babi milo - to joj se i snilo", prim. prev.), kao i mnoštvo drugih obmana i dezinformacija čiji je cilj da unesu konfuziju kod onih koji se bave proučavanjem ovog fenomena. Naučnici koji proučavaju ovaj fenomen izloženi su obmanama isto kao što su i žrtve otmica izložene onoj zasljepljujućoj svjetlosti, uključujući i - "izgubljeno vrijeme". Do same srži ovog problema ne može se stići bez činjenica u rukama. Istraživači priznaju da se veoma brzo nađu u ćorsokaku i konfuznoj situaciji, nakon što otpočnu sa proučavanjem nekog slučaja. S druge strane, žrtve otmica moraju da podnose užasan bol, ostavljeni na milost i nemilost ovih vanzemaljskih sila, čiji postupci narušavaju osnovne temelje ljudskog dostojanstva i blagostanja. Međutim, ovi alijeni su veoma dobro svjesni svojih postupaka i ne prezaju ni od čega, kako bi zadovoljili svoje potrebe, kako za svoju egzistenciju tako i

razmnožavanje. Uostalom, kada se o tome radi, oni su isti kao i mi. Ovdje imamo posla s jednom oblašću koja prevazilazi naše tradicionalne i kulturne načine razmišljanja i ponašanja. Ono što imamo na raspolaganju u proučavanju ovog problema, to su samo oni izvještaji koji su uspjeli da se probiju do nas kroz sve one barijere koje su postavljene s ciljem prikriivanja i izolacije informacija u vezi sa NLO-ima.

Svaki put, oni koji su bili oteți, kada se podvrgnu hipnozi kako bi im se "omekšala" svijest, pričaju skoro jednu te istu priču; skoro isti redoslijed događanja ili onoga što su primjetili. Mnogi od njih nisu prethodno imali nikakvog iskustva niti interesa u vezi NLO-a, pa čak nisu ni čuli o nekim knjigama čiji autori pokušavaju da upoznaju javnost s ovom tematikom, kao naprimjer *Intruder* i *Communion*. (Ovdje se radi o knjigama čiji je autor W. Strieber i koje su, po mom mišljenju, takođe dezinformacione prirode)

Sam njihov obim i način na koji se ove abdukcije izvode navodi na to da se ovdje radi o jednoj operaciji ogromnih razmjera. Ljudi svih rasa, starosnih dobi i oba pola, svakodnevno bivaju oteți. Naučnici već sada sa sigurnošću tvrde da je produkcija hibridnih beba ono što dominira u planu i programu vanzemaljaca; ta operacija je veoma sofisticirano struktuirana; oni mogu činiti "milijun" različitih stvari ali ono što njih jedino interesuje to je samo jedna stvar. (Mislim da je autor ovog materijala ovdje previdjeo činjenicu da mi ovim entitetima služimo kao hrana, bilo da se oni nalaze u 4D ili 3D, i da je to primarni razlog njihovog prisustva i interakcije s nama. Kao što K. Kastaneda reče u knjizi *Aktivna Strana Beskraja* : "Baš kao što mi gajimo kokoške u kokošinjcima, predator gaji nas u ljudskim krletkama, tako da mu je hrana stalno na raspolaganju." Kontrola našeg uma je jedna od njihovih glavnih poluga uz pomoć koje oni obezbjeđuju nesmetano odvijanje ovih aktivnosti)

Generička sekvenca događanja, prema onome kako su dokumentirana, je sljedeća :

- Pregled
- Uzimanje jajnih ćelija ili uzoraka sperme
- Presentacija novorođenčeta (samo ženama, rijetko muškarcima)
- Pregled uz pomoć nekog uređaja ("mašine")
- Medijska presentacija neke idilične scene ili pejzaža
- Pridobijanje za saradnju
- Pregled
- Održavanje sastanka, nešto slično konferenciji
- Obilazak postrojenja
- Obilazak svijeta
- Teofanija – prenošenje određene kvazi-religiozne poruke ili događaja
- Povratak
- Posljedice

Ovo se ne događa isključivo u svim slučajevima ali je vrijedno pomena; određen broj otețih osoba vraća se nazad sa jednim specijalnim duhovnim osjećajem ili pogledom na svoju ličnu ("kosmičku") ulogu u svemu tome, čak iako im je bio nanesen bol ili su bili veoma grubo tretirani. Posljednja saznanja istražitelja navode na to da su razni izvori iz obavještajne službe preokupirani tim religioznim aspektom NLO fenomena, i oni smatraju te izvore veoma povjerljivim. Oni su neobjašnjivo fascinirani tom religioznom stranom stvari. Neki vanzemaljci gledaju na religiju kao na najbolji način manipulacije i psihosocijalne kontrole ljudi i oni je koriste do maksimuma za te svrhe.

Mnogi istražitelji tvrde da su se već sada primakli relativno blizu samoj suštini problema. Danas postoji jedno mnoštvo dokaza, činjeničnog materijala dobijenog upoređivanjem detalja iz mnogobrojnih slučajeva, uz pomoć korištenja detektora laži i izučavanja psihologije ličnosti. Ti dokazi su neoborivi sa naučnog stanovišta. Sličnosti u obliku i sadržaju veoma je važno znati, međutim, krajnji odgovor zahtjeva dodatni, vanjski dokazni materijal kako bi se zatvorio procjep između izvještaja i objektivne realnosti.

Nakon bliskih susreta druge vrste dokumentirali smo fizičke i hemijske dokaze na temelju uzoraka zemlje na mjestima gdje se NLO spuštao. Na prikupljenim uzorcima sprovodili smo kompletnu laboratorijsku analizu. Zemlja je bila zbijena u tvrde i suhe grudve. Da bi se to ostvarilo u laboratoriji vještačkim putem, tu zemlju bi trebalo izložiti temperaturi od 800°F u toku od 6 sati. To je jedna vrsta fizičkog dokaza. Ožiljci na tijelu žrtava otmice i druge nanese medicinske traume, za vrijeme pregleda od strane vanzemaljaca, predstavljaju neoborive dokaze. (Čini se da čovjek u stanju patnje i emocionalnih trauma, kada mu se nanosi intenzivan bol, emituje energiju određenih frekvencija koja na neki način služi kao hrana ovim entitetima. Vjerovatno su i one metode crkvene inkvizicije imale određenu ulogu kod ekstrakcije energije iz žrtava koju su onda greys-i ili reptilska bića prikupljala iz 4D. Uostalom, religija i crkva su kako se čini jedan od njihovih "patenata," isto kao i svi ovi ratovi u kojima stradaju (programirana) ljudska bića. Postoji dosta indicija da se ekstrakcija te energije u stvari prikriva mnogim od tih "kobajagi medicinskih pregleda")

Kada bi većem broju doktora, pogotovo ginekolozima, ovi podaci bili malo više dostupni, vrlo brzo bi se pojavila potreba za specijalizacijom na ovom području, kako bi se žrtve otmica mogle uspješnije liječiti. Mnogo žena se žali kako su vanzemaljci činili neke zahvate na njihovim reproduktivnim organima, što bi se moglo nazvati i tehnološkim SILOVANJEM. Mnogo njih se takođe sjeća suočavanja sa njihovim novorođenčadima koja su već tada imala pramenove kose i čije je prisustvo istovremeno kod njih izazivalo odbojnost kao i jedan paradoksalan osjećaj, "Ovo je moje DIJETE". Ovdje moramo pomenuti i tzv. "nestale trudnoće". Žrtve otmica, bilo da one žive u Americi, Engleskoj ili Brazilu, pričaju skoro identične priče o tome kako su iznenada zatrudnjele i kako im je isto tako iznenada prekinuta trudnoća. Mnoge od njih se sjećaju i toga kako su se kasnije našle u situaciji da se sretnu i po nekoliko puta, sa nekom malom, "djecom" koja nisu imala ljudski izgled i kao se od njih zahtjevalo da ih dodirnu, zagre ili drže za ruke. Prema nekim teorijama, vanzemaljci pokušavaju, na ovaj način, kako da nauče nešto tako i da potpomognu odgoj svojih "mladunaca", što kako se čini, nema mnogo veze sa istinom. Ja mislim da je stvar čisto psihološke prirode. Na neki način, mi još uvijek ne razumijemo kako se to bebama može pomoći fizičkim dodirrom. Jedna od žena koju su otmicali rekla je - da se tom prilikom osjećala kako "ljudski punjač za baterije". Elaborirani rituali prezentacije novorođenčadi roditeljima i pokušaji da se uspostavi određena veza roditelj-dijete, dokumentirani su u mnogo navrata, zajedno sa opisom postrojenja visoke tehnologije sa inkubacionim aparatima, koja vjerovatno imaju ulogu odgajališta. Oblast NLO-a je mjesto gdje je paradoks jedna norma. S jedne strane imamo dovoljno indicija da pretpostavimo kako se vanzemaljci služe tehnologijom koja daleko prevazilazi ono sa čim mi trenutno raspolažemo na našoj planeti, dok s druge strane, neke od njihovih metoda nama se čine relativno primitivnim. Prema podacima skupljenih na temu abdukcija, vanzemaljci, kao i ljudi, veoma često se susreću u svojim eksperimentima sa pojmom – "G.r.e.š.k.a". Taj pojam je u mnogo navrata bio vezan za rušenje njihovih letjelica... međutim, u vezi sa abdukcijama, taj faktor greške je nešto drugačiji. U nekim slučajevima dešavalo se da ljudima koji su bili žrtve abdukcije izleti iz nosa metalni implant kada kihnu a u drugim, radilo se o nalascima nepoznatih metalnih predmeta u tijelu ljudi, za koje niko nije mogao utvrditi čemu, u stvari, služe. Dosta od ovih implanata nalazi se u našem posjedu i o njima ćemo naknadno nešto više diskutovati. Ova drama koja se trenutno odvija u vezi sa otmicama ne bi bila kompletna bez paranoje koja se takođe razvila u vezi "Velikog Brata". Trenutno postoji dosta uređaja visoke tehnologije čija je svrha kontrola uma čovjeka i koji su u stanju iz daljine da projiciraju određene slike i zvukove. Možda nije vjerovatno, ali je moguće da ono što neki od istražitelja smatraju orkestriranim sekvencama abdukcija od strane vanzemaljaca, je u stvari jedna pažljivo režirana i elektronski inducirana percepcija. Ovo bi značilo jednu novu vijest :

- Ako određena područja ljudskog mozga mogu biti nadražena sa distance, onda je moguće da se razvije i tehnologija koja će emitovati talase određenih frekvencija

preko jednog područja ogromne veličine i tako zasićavati cijelo to područje sa jednom poplavom simbola.

Takav jedan uređaj mogao bi biti jedna od glavnih alatki za socijalni inženjering. Zuanje koje neke osobe često čuju možda je prozvedeno uz pomoć mikrovalne radijacije, za koju se zna da se nalazi u arsenalu nekih tajnih programa naše vlade. Ova hipoteza o kontroli svijesti mogla bi da objasni i relativnu oskudicu materijalnih dokaza. (...) Međutim, ono od čega čovjeka hvata jeza, to je da su mnogi svjedoci potvrdili da su alijenima prilikom abdukcija pomagala i određena ljudska bića. Ono sa čim smo se trenutno suočili u vezi svega ovoga, to je jedno brdo neodgovorenih pitanja. Kada zvanična nauka i medija prestanu da negiraju postojanje NLO-a, onda ćemo možda biti u stanju da poduzmemo jedno opsežnije strateško istraživanje. Do tada, fenomen abdukcija ljudi ostaće za većinu nas samo jedna misterija. Podaci koje smo skupili od žrtava abdukcija prilikom konverzacije s njima ukazuju na to da su svi prvo bili skenirani uz pomoć neke veoma senzitivne mentalne sonde koja je prikupila sve njihove lične i privatne podatke u smislu imena, adrese, starosti, profesije, psihološkog profila itd...i sve to pohranila u njihovu banku podataka. Samo manji dio od tih podataka vanzemaljci prosljeđuju našoj vladi, što nije u skladu sa onim sporazumom kojeg je naša vlada sklopila s njima. Za vrijeme abdukcije žrtvi se upućuje jedna direktna subliminalna naredba da se udalji od bilo kojeg potencijalnog svjedoka koji se nalazi u širem rejonu sletanja vanzemaljske letjelice. Kod mnogih slučajeva, iz familija izloženih neprestanim abdukcijama, iz generacije u generaciju, ono što možemo primjetiti to su vidljive promjene na određenim dijelovima njihovog tijela. Posljedice se obično manifestuju kao promjene na koži i mišićima. Za vrijeme samog doživljaja otmice mnoge žrtve osjećaju peckanje ili bockanje na koži ili osjećaj parestezije usljed pražnjenja statičkog elektriciteta nakon kojeg usljeđuje kompletna paraliza kojom je zahvaćeno (muskulo skeletalni sistem) cijelo tijelo, osim srca i pluća (grudnog koša).

Ožiljci – Ožiljci na tijelu mogu biti trajne ili privremene prirode. U vezi s promjenama na koži, primjetili smo sljedeće :

- tanak, pravolinijski rez dužine 1-3 inča.
- Cirkularna udubina, oblika kašike, prečnika od 1/8 do 3/4 inča i dubine od oko 1/4 inča.


Osip – Na koži se primjeti osip, pogotovo na gornjem dijelu grudnog koža i ekstremitetima (butine i noge). Područja kože zahvaćene tim osipom su ponekad geometrijskog oblika, kao npr. trougla ili kruga. Drugi tipovi promjena na koži na raznim dijelovima tijela, takođe mogu da se jave, kao npr. hronična upala ili lokalizirana psorijaza. Kod nekih slučajeva primjećene su i opekotine prvog i drugog stepena, kao i tumori ispod kože (lipoma).

Dijelovi tijela najčešće ispitivane od strane vanzemaljaca su sljedeći :


- nosna šupljina
- uši
- oči
- genitalije
- područje pupka (samo kod žena)

Čini se da su ovo dijelovi tijela koje najviše interesuju vanzemaljce koji otimaju ljude. Mnogi od oteatih opisuju tanku sondu nalik na pinkalo kojom im penetriraju obe nosne šupljine. Žrtve obično čuju tom prilikom i jedan zvuk vezan sa smrskavanjem kosti. Mi vjerujemo da se to događa kada oni instaliraju jedan uređaj-implant za praćenje žrtve i komuniciranje sa njom u budućnosti. (Često imamo priliku čuti od nekih kako tvrde da su u "direktnoj komunikaciji s bogom", tj. kako im je "on" naredio da učine, u "njegovo ime", ovo ili ono !?!) Mnoge od žrtava će imati učestala krvarenja iz nosa nakon ovih pregleda.

Uputstvo : Preporučujemo onima koji znaju ili sumnjaju da su bili otimani od strane vanzemaljaca, i koji su trenutno roditelji, da odvedu svoju djecu kod pedijatra ukoliko bi se i kod njih pojavilo učestalo krvarenje iz nosa, kako bi na vrijeme otkrili odakle to krvarenje potiče.



Dijagrami - područja na tijelu žena sa najčešće vidljivim promjenama.



Mnogi istraživači vjeruju da se vanzemaljska tehnologija koristi kako bi se instalirali implantirani u tom području. Intersantno je, također, da mnoge od individua koje su pretrpjele ovakve preglede nosa, veoma često pate i od jedne hronične upale sinusa. Postoje dokumentovani podaci koji govore o tome da se nekim ljudima ispituju uši i oči na sličan način, tj. sa jednim sličnim instrumentom. Tako neke od žrtava ostanu privremeno slijepe nakon jednog ovakvog pregleda očiju, ili vide kao kroz maglu. Nekima oteknu očni kapci ili osjećaju jak bol u očima usljed upale. Katarakte na očima također mogu da se razviju.

Biološki uzorci koje obično uzimaju od oteatih i/ili svjedoka – podaci kojima raspolažemo upućuju na to da vanzemaljci obično uzimaju od ljudi krv, jajne ćelije (oocyte, ova) od žena i spermiju od muškaraca, uzorke tkiva sa ušiju, nosa, potkoljenice (listova) i butina, za vrijeme dok su žrtve u stanju sna ili neke vrste anestezije. Postoje i podaci koji sugerišu da se u nekim slučajevima uzimaju i uzorci pljuvačke, cerebrospinalne tečnosti, urina, kose, noktiju itd.) Čini se da se oteati ljudi podvrgavaju određenom procesu pripreme prije pregleda. Neki od njih tvrde kako su morali popiti neku tečnost, drugima su nanosili određene supstance na neke dijelove tijela kao kod preoperativnih priprema pacijenata; mnogi od njih tvrde kako su primili neku vrstu telepatske poruke sa "sedativnim efektom" ili im je na glavu priključen neki instrument koji ih je uvodio u stanje duboke relaksacije ili sna. Postoje tri faze pregleda :

- Prva faza ili pre-operativna faza – žrtva se uvodi u stanje neke vrste transa. To se čini oralnom ingestijom određene tekućine, nanošenjem nekih supstanci na kožu, telepatskim mentalnim sugestijama upućenih od strane nekog vanzemaljca, obično od individue koja vrši pregled; čini se da koriste i neke vrste ljudskih hormona koje izazivaju određenu neuro-hemijsku reakciju kod čovjeka; također koriste tehnologiju koja je nama nepoznata
- Druga faza – procedure – za vrijeme ove faze odvijaju se različiti medicinski pregledi uz pomoć raznih instrumenata i uzimaju se uzorci tkiva i tečnosti. Za vrijeme ove faze, žrtva otmice se nalazi u polusvjesnom stanju. Neki ipak osjećaju i jak bol. Bez obzira što za vrijeme ovih pregleda neki ljudi strahovito pate i često se žale na veoma jak bol, čini se da vanzemaljci na to uopšte ne reaguju i čini se da im to apsolutno ništa ne znači. S druge strane, neki tvrde da su im ovi u takvim trenucima davali dodatne doze sedativa i ne sjećaju se da su osjećali bilo kakav bol.
- Treća faza – post-operativna – nakon svega, žrtve tvrde kako su se osjećale fizički iscrpljeno s bolom u cijelom tijelu; jedna osoba je rekla da se osjećala "kao da ju je pregazio kamion". Neki opisuju stanja koja su slična efektima južnoameričkog otrova Kurare, koji uzrokuje totalnu mišićnu relaksaciju tako da čovjek nije u stanju da svjesno pomakne bilo koji dio svog tijela.

Dosta dokumentiranih slučajeva ukazuje na metode pregleda koje su veoma slični nekim metodama koje se danas koriste i u našim medicinskim procedurama. Jedna od njih je tzv. laparotomija (otvaranje trbušne šupljine, prim. prev.). To se danas radi uz pomoć cilindričnog instrumenta, laparoscopa sa specijalnim optičkim nastavkom uz pomoć kojeg se mogu posmatrati organi u trbušnoj šupljini. On se uvodi u stomak na području pupka. Mnogo žena koje su bile žrtve abdukcije tvrde kako su osjećale strašan bol kad su im ovi tom prilikom upumpavali u trbušnu šupljinu velike količine ugljen dioksida, kako bi njenim naduvavanjem razdvojili unutrašnje organe i napravili više prostora, odnosno, bolji pristup ženskim reproduktivnim organima. Kod velikog broja žena koje su bile otimane mogu se primjetiti mali ožiljci na području pupka, koji su nastali tom prilikom.

Trudnoća – U korelaciji sa laparoskopijom nalazi se i jedan novi tretman za neplodnost, koji se zove Gamete Intra-Fallopian Transfer (GIFT), kojim se sperma ubacuje direktno u

jajovod žene, što je jedna vrsta in-vivo oplodnje. Za razliku od in-vitro fertilizacije (IVF), ovaj tip oplodnje predstavlja jedan prirodan fiziološki proces izazivanja trudnoće. Muške žrtve abdukcije tvrde kako su im vanzemaljci priključivali na penis neki uređaj oblika tube koji izaziva ejakulaciju i istovremeno prikuplja njihovu spermu. Neki od njih kažu kako je ta procedura dosta neprijatna i kako su im nakon nje na penisu ostajale ranice, koje su nakon nekog vremena nestajale. Mnogi tvrde da su imali pravi seksualni odnos sa nekim od ženskih vanzemaljaca-hibrida, što je takođe bilo za svrhu skupljanja njihove sperme. Prilična količina dokaza je skupljena u vezi toga da vanzemaljci vrše vještačku oplodnju žena, što na kraju rezultira trudnoćom koja u mnogo navrata biva potvrđena i od strane ginekologa. Kod slučajeva krvarenja za vrijeme trudnoće, doktori obično pregledaju zdjeličnu šupljinu uz pomoć ultrazvuka, kako bi provjerili da li se fetus normalno razvija, odnosno, da li je došlo do pobačaja. Današnji testovi obično otkrivaju gravidnost već u 5-toj sedmici.

Vladini agenti često prate žrtve otmica i dobijaju podatke o njihovom zdravstvenom stanju kao i eventualnom razvoju ploda od običnih doktora, koji ih liječe. Sami doktori, u većini slučajeva, ne znaju o čemu se radi, a vladini agenti ih natjeraju na poslušnost tako što im zaprijetite da će im oduzeti radnu dozvolu ukoliko ne budu saradivali s njima. Kod slučajeva koje smo mi vidjeli, vanzemaljci otimaju žene po drugi put, kada su one u osmoj (8) do desetoj (10) sedmici trudnoće. Oni im tada odstrane embrio. Žene za to vrijeme ponekad mogu da primjete krvarenje. Ono što nas čudi, to je – kako im to uspijeva da odstrane embrio u tom periodu, a da on i dalje ostane živ.

Da bi ga očuvali u životu, vanzemaljci bi morali imati na raspolaganju nekoliko metoda. Mi pretpostavljamo da oni imaju neku vrstu uređaja koji simuliraju matericu, kao bi se obezbjedio dalji razvoj tog embriona; ili oni koriste hibridne vanzemaljce-majke, koje im služe samo za te svrhe. Tehnike re-implantacije embriona su veoma teške i naša današnja medicina još uvijek nije u potpunosti ovladala njima. Možemo nagađati da vanzemaljci koriste nekoliko alternativnih metoda kod inseminacije otetih žena :

- Sperma vanzemaljaca plus jajna ćelija žene
- Sperma muškarca plus ženska jajna ćelija (u ovom slučaju vanzemaljci odabiru muškarca)
- Sperma muškog hibrida, (kombinacija A i B) plus ženska jajna ćelija.

Napomena : Čini se da oni u svakom slučaju koriste jajnu ćeliju žene.

Hibridizacija – Oni tvrde da je nulta Rh negativna krv dokaz te hibridizacije, što čak i neki naši naučnici već odavno tvrde. Naš genetski kod je pod opsadom – praćenjem svih događaja u vezi abdukcija, pogotovo ginekoloških i reproduktivnih zahvata na oteetim osobama, došli smo do zaključka da se ovdje odvija neka vrsta stalne genetičke manipulacije, koja se čak kod nekih porodica odvija iz generacije u generaciju. Da bi ovo malo bolje objasnili, moraćemo se malo koristiti medicinskom terminologijom. Oni u suštini manipulišu našu DNA, koja sadrži ljudske gene. Ti geni kontrolišu reprodukciju kao i stalno funkcionisanje naših ćelija. Smatra se da postoji između 30000 i 400000 esencijalnih gena u ljudskoj ćeliji koji su linearno raspoređeni i zajedno sa određenim bjelančevinama obrazuju štapičaste tvorbe koje se nazivaju hromozomi. Hromozomi određene osobe sadrže i jednu određenu genetsku strukturu koja se naziva kariotip. Mi smatramo da vanzemaljci manipulišu te genetske sekvence kariotipa određenih individua i da u njima traže specifične mutacione promjene ili uzorke, koji bi im omogućili re-aranžiranje genetskih kodova na određenim lokima (loci lin), tj. specifičnim mjestima za određene gene u sklopu hromozoma. To im onda omogućuje da manipulišu sa mnoštvom loka koje se nalaze u oviru više hromozoma, kako bi izazvali nastajanje jednog novog genotipa kod njihovog potomstva. Onda se vjerovatno svaka sljedeća generacija iz tih porodica podvrgava novim eksperimentima istog tipa, sve dok se ne postigne određeni rezultat. Interesantno je to da kod mnogih slučajeva abdukcije, kod ljudi se mogu primjetiti ožiljci na zdjeličnoj kosti i cjevanici (tibia), mjestima koja se

tipično koriste za aspiraciju koštane srži. Koštana srž inače proizvodi i crvena krvna zrnca i veoma je pogodna za proučavanje hromozoma. (...)

Prema podacima kojim raspolažemo, postoje dvije faze u otimanju ljudi. Vanzemaljci obično, u prvoj fazi, otimaju ljude kada su oni stari između 5 i 20 godina.

- Pre-adolescentna (tinejdžer) faza – u toj fazi uzimaju se prvi uzorci krvi, koštane srži i tkiva. Tada se obavljaju istraživanja na hromozomima otetih kao i upoređivanje sa podacima dobijenim iz prethodnih generacija njihovih familija, kako bi se ustanovilo postojanje određenih karakteristika na tim hromozomima koje se konstantno javljaju kod svih pripadnika određene porodične loze. Tom prilikom otetima se ugrađuju neke vrste implanata tako da oni od tada mogu lako da budu praćeni. Neki od njih mogu opet da budu oteți, ukoliko se za to ukaže potreba, recimo u slučaju ako implant prestane da funkcioniše ili potrebe za potvrđivanjem određenih genetskih informacija.
- Faza Zrelosti – U toj fazi, koliko smo uspjeli saznati, otete osobe podvrgavaju se stalnim genetičkim eksperimentisanjima, implementacijama i manipulacijama, kao što je npr. genetičko kodiranje. U toj fazi smo primjetili najkonzistentnije procedure koje se obavljaju u vezi sa fenomenom otmica ljudi, kao što su tehnike vještačke oplodnje, koje se kod određenih osoba ponavljaju cijelo vrijeme u periodu njihove reproduktivne zrelosti.

Tako oni koji vjeruju u našu "svemirsku braću" mogu da tumače ovo nastojanjem vanzemaljaca da poprave našu genetsku strukturu kako bi mi sami mogli kasnije rješavati naše probleme a ne očekivati od drugih da intervišu i da nas spašavaju ili se radi i o naučnim eksperimentima čija je svrha poznata samo vanzemaljskim naučnicima i koje oni sprovode i na mnogim drugim planetama i rasama koje su nižeg razvojnog stepena od njihovog. Sve ovo je jedna čista špekulacija koja je otvorena za razne druge teorije i hipoteze. Pa i mi imamo danas razne eugenističke pokrete koji se po svojim nastojanjima veoma malo razlikuju od onoga što vanzemaljci rade. Tehnike selektivne oplodnje postaju dostupne ženama, u smislu da one mogu da biraju donatora sperme kojom žele da budu oplođene. Na primjer, dosta polemike u javnosti je izazvalo kada je Dr Rober Graham osnovao organizaciju "Repository for Germinal Choice" ("banka sperme") za prikupljanje i skladištenje sperme određenih davoaca kao što su npr. određene poznate ličnosti, dobitnici Nobelove nagrade itd. i njeno korištenje za vještačku oplodnju (...)

Metagen faktor – tu se radi o jednom skrivenom i neiskorištenom biološkom faktoru kojeg posjeduju određeni pripadnici ljudske rase. U određenim okolnostima kao što su npr. veoma jak fizički ili emocionalni stres, taj faktor se može aktivirati, kao neka vrsta hemijsko-energetskog odgovora organizma na vanjske podsticaje, koji nastaju kao posljedica istinske opasnosti, odnosno, nepovoljnih prilika u kojima se čovjek zadesi. U tim slučajevima dolazi do "sagorjevanja" hromozoma i aktivacije metagena, koji ima sposobnost da izazove promjene na genetskom nivou. Glavnu centralu proizvodnje ovog katalizatora predstavlja jedna žljezda koja se nalazi u sredini ljudskog mozga, - epifiza, dok je adrenalin supstanca koja je aktivira i pojačava njeno dejstvo. Metagen faktor omogućava čovjeku da dobije Psioničku Moć.

Glavni interes vanzemaljaca, pogotovo greys-a je da razumiju Metagen i stave ga pod svoju kontrolu. Oni pokušavaju to da ostvare uz pomoć bioloških eksperimenata u kojima proizvode hibride od ljudi i vanzemaljaca. Oni vjerovatno smatraju ljude sa planete zemlje potencijalno najopasnijim stvorenjima cijelog ovog Univerzuma. Zbog toga što su samo ljudi sa planete zemlje u stanju da proizvedu metagen faktor, on im može obezbjediti prirodnu psioničku moć (Stvarnu Moć) neslućenih razmjera, koja bi na kraju dovela do njihove dominacije. Glavne rase koje naseljavaju ovaj univerzum razmišljaju na sličan način i u osnovi su slične, sa psihološkog stanovišta gledajući.

Čista hladna logika je jedna konstanta koja se javlja svugdje, bez obzira o kojoj vanzemaljskoj rasi razgovaramo. Predvidljivost i bezbjednost imaju najviše veze s tim, neprijatelj kojeg poznajete je ujedno i onaj protiv koga se možete braniti. Međutim, ovo kako se čini, ne važi i za ljudsku rasu. Iako mnoga ljudska bića izgledaju manje više slično, čini se da neki od njih posjeduju jedan latentan potencijal koji bi mogao da ih prevori u supermene. Prirodne Psioničke Sposobnosti. Ovo samo po sebi može predstavljati prepreku za dominaciju bilo kakve vanzemaljske sile nad našom planetom. Međutim, ukoliko bi dejstvo metagena pridodali na prirodnu ratobornost čovjeka, onda bi se planeta zemlja mogla smatrati inkubatorom jedne nepredvidljive super-rase, ukoliko bi ljudi za tako nešto uopšte "dobili priliku". Drugi su već u nekoliko navrata demonstrirali svoju svjesnost ljudskih potencijala, tokom duge istorije čovječanstva, (nordička prijetnja). To je i jedan od razloga zašto su vanzemaljci sada ovdje, da kontrolišu nas prije nego što mi dobijemo priliku da kontrolišemo njih. Oni sada žele da otkriju našu najveću tajnu : Metagen Faktor. To je njihova jedina nada.

ABDUKCIJE OD STRANE GREYS-a

Danas u svijetu postoji mnogo ljudi koji su žrtve otmica od strane greys-a. Većina njih nije ni svjesna ili je samo djelomično svjesna svoje uloge u interakciji sa ovim stvorenjima. Razlozi ovih otmica su raznovrsni, u nekim slučajevima čovjeka otmu samo zato što je bio u blizini osobe koju se greys-i planirali da otmu. Neke otmu samo jednom u životu, za razliku od drugih koje otimaju tokom cijelog njihovog životnog vijeka. Kao i u slučajevima onih koje kontaktiraju Nordici, čini se da i ovdje veliku ulogu kod izbora ljudi igra njihova genetika i vještačka rasna pozadina. Greys-i otimaju ljude već veoma dugo vremena. Kontakt s njima može da traje kroz mnoge generacije u okviru jedne familije a postoji i dosta slučajeva kod kojih su ljudi imali interakciju s greys-ima i u nekim od prošlih života.

Sve ovo bi značilo kako postoje jasne indikacije da bi jedan veliki dio ljudske rase mogao da predstavlja neku vrstu "Uspavane Armije." Mnogi su bili oteti samo jednom ili dvaput i implantirani a onda nakon toga ostavljeni na miru. Ovo nam sugeriše da su ti ljudi u fazi čekanja na nešto, na neki momenat kada trebaju da budu aktivirani od strane greys-a i da učine nešto specifično ili da odrade za njih određeni posao !? Neki možda samo služe kao pokretni prijemnici i odašiljači za određene vrste informacija. Većinu ljudi greys-i otimaju kada su ovi još djeca i mnogo odraslih žrtava otmice zna ili osjeća da greys-i povremeno otimaju i njihovu djecu. Čini se da veći dio te djece koja su bila otimana od strane ovih vanzemaljaca ne žele da prihvate tako nešto kao mogućnost da im se desilo ili jednostavno ne žele o tome ni da razmišljaju. Takođe se čini da je najbolje tu djecu ostaviti na miru, tj. ne pokušavati ih na silu tjerati da se sjete. Hipnotička regresija se ipak smatra jednom grubom metodom kojoj djecu ne bi trebalo izlagati, pa čak ni odrasli ne trebaju to olako shvatati, jer podaci dobijeni na taj način mogu i njima nanjeti traume psihičke prirode. Bilo da se radi o djeci ili odraslima koji su imali iskustva s ovim stvorenjima, i jedni i drugi imaju tendenciju da pričaju drugima o svojim neobičnim snovima, čak i kada ne vjeruju u to da se stvarno nešto čudno dešava s njima. Žene često otimaju iz reproduktivnih razloga, međutim, neke od njih nikada svjesno ne doživljavaju bilo kakvu interakciju s greys-ima. Žene koje su učestvovala u eksperimentima te prirode i znaju da imaju djecu koja trenutno "žive s vanzemalcima," imaju različite reakcije u vezi sa svim tim. Neke su sretna u vezi svega toga, mnoge ne izražavaju nikakvo mišljenje na tu temu, jer se osjećaju totalno bespomoćno, tj. osjećaju da ne mogu ništa učiniti po tome pitanju. Druge su užasnute od same pomisli na to i osjećaju odbojnost prema toj djeci i svojoj vezi s njima. Neke od njih vjeruju da bi greys-i jednog dana mogli koristiti tu djecu protiv nas samih. Jednim djelom zbog te njihove nerođene djece, neki od otetih su pristajali i da završe obuku u pilotiranju vanzemaljskim letjelicama, kao i u upotrebi raznoraznog oružja. To je iz razloga što se emocije koje majke tom prilikom ispoljavaju, na neki način, psihološki prenose na još nerođenu djecu. Upravo je to ono što je nagnalo neke od njih da se boje te svoje hibridne djece. (Prema mnogim izvještajima, greys-i su već pripremili veliki broj hibrida i klonova za neku vrstu

sukoba s nama, vjerovatno u skoroj budućnosti. Vjeruje se da će i mnogi "normalni" ljudi koji su implantirani, kada dođe taj čas, takođe biti aktivirani i ponašati se kao roboti i postupati po narednjima greys-a ?! Čini se da, dok se oni već odavno pripremaju za neki finalni obračun, većina ljudi (kao u hipnotičkom transu) ni ne primjećuje da se nešto neobično događa oko njih, a o nekim pripremama da ne razgovaramo. Izgleda da je kontrola našeg uma do sada bilo njihovo najefikasnije oružje. Uostalom, zar i janjičari nisu bili prevaspitana (programirana !) srpska djeca koja su bila korištena protiv srpskog naroda, za vrijeme turske okupacije)

ASPEKTI RAZLIKE BIO-POLJA

Biofizičko polje greys-a je suprotno biofizičkom polju tijela ljudskog bića. Reakcija koja nastaje kod interakcije ova dva polja može kod čovjeka da prouzrokuje jedan specifičan osjećaj, koga neki istraživači NLO fenomena nazivaju "teror tijela". Čovjek može ali i ne mora da reaguje na taj način prilikom interakcije sa greys-ima, pogotovo ako je u stanju da mentalno blokira tu vrstu reakcije svog vlastitog tijela na razliku u poljima. Neki ljudi su slične reakcije osjećali i kada su se nalazili u blizini Nordika. Elektromagnetno polje koje emituju greys-i isto je kao i polje koje emituje većina njihove tehnologije. Greys-i upravo i koriste određenu tehnologiju koja im omogućava da pojačaju efekte tog svog biofizičkog polja na ljude. To im omogućava da postignu mnogo jaču kontrolu nad ljudima, koji najčešće kod susreta s greys-ima reaguju sa veoma velikim strahom i jakim emocionalnim nabojem.

Korištenje određenih tonova proizvedenih unutar ljudskog organizma za blokiranje nekih vrsta manipulacije od strane greys-a :

Svako može da proizvede tonove visoke frekvencije u svojoj glavi, potrebno je samo malo koncentracije i vježbe. Ukoliko čovjek uspije proizvesti i održavati taj visoko frekventni zvuk u svojoj glavi za vrijeme prisustva greys-a, onda im se on na neki način može i suprostaviti. Proizvodnja tog tona je jedan važan oblik programiranja vlastitog odbrambenog sistema protiv greys-a i drugih nametnika.

Parametri svjesnosti za održavanje tona :

S obzirom da tehnologija koja se koristi za manipulaciju ljudi prouzrokuje kod čovjeka relativnu paralizu funkcija svijesti, održavanje zvučne ili tonske interferencije, ili nekih drugih mentalnih tehnika mora se obavljati u smislu premoštavanja, odnosno, saradnje svjesne i podsvjesne svjesnosti. Efektivno korištenje ovih odbrambenih tehnika zavisi od povećanja svjesnosti na oba nivoa, na nivou svijesti i podsvijesti. Podsvijest je jedna oblast u kojoj se čuva pamćenje svega onoga što je čovjek doživjeo. Sjećanja čovjeka na sve njegove doživljaje vezane za vrijeme abdukcija podložna su blokiranju sa dvije strane, s njegove lične (ovo je u vezi s nagonom za opstanak i očuvanje psihičke ravnoteže) i od strane vanzemaljaca. Lucidni snovi indiciraju premoštavanje ili zatvaranje procjepa između svjesnosti obe mentalne oblasti, tj. svijesti i podsvijesti. Kada bi mi tako bili sposobni da uđemo u jednu ravnopravnu interakciju sa greys-ima na "njihovom terenu", da tako kažemo, to bi bila najveća prijetnja njihovoj manipulaciji i kontroli.

Posljedice manipulacije od strane vanzemaljaca, koja se odvija na nekoliko nivoa :

Najinteresantniji aspekt manipulacije ljudi od strane vanzemaljaca je taj što oni posjeduju tehnologiju koja je u stanju da djeluje na sve aspekte, fizičke i eterične prirode, koji sačinjavaju jedno ljudsko biće. Oni imaju sposobnost da stave čovjek na sto, uvedu ga u delta fazu sna a onda ga šokiraju statičkim električnim nabojem i na taj način mu odvoje astralno tijelo od fizičkog te ih onda manipulišu kako im je volja. Manipulacija astralnog tijela odražava se i odgovarajućim promjenama na fizičkom nivou. Oni takođe mogu da izvuku iz čovjeka njegovu memoriju i stave sve to pamćenje različitih događaja u njegovom životu u neko drugo tijelo, ili kontejner, bilo da se radi o prirodnom ili

vještačkom kontejneru. Manipulacije ovakve vrste utiču na sposobnost čovjeka da se sjeća, da se suprostavi psihičkim blokovima, programiranju i imaju cijeli niz drugih posljedica. Da bi se čovjek suprostavio svemu ovome on mora da počne da radi na sebi u smislu proširivanja svoje vlastite svijesti. Čovjek takođe mora uspostaviti vezu između svog "svjesnog – Ja," i "drugog – Ja," koje može biti astralno projicirano Ja. Nakon određenog vremena, svjesnim održavanjem ove veze, svjesno pamćenje počne da se kombinuje sa pamćenjem koje je pohranjeno u dubljoj podsvijesti. Čovjek se može koristiti i nekim tehnikama samo-hipnoze kao i potražiti pomoć terapeuta kvalifikovanog u tehnikama hipnotičke regresije. Ove tehnike mogu pomoći u procesu razvoja svjesnosti kod čovjeka i zadobijanja veće kontrole. Žrtva otmice mora da poduzima jedno stalno eksperimentisanje za vrijeme prisustva vanzemaljaca kao i da motri na posljedice svojih mentalnih uticaja na ponašanje vanzemaljaca.

Neki od važnijih indikatora interakcije vanzemaljaca i njihovog mogućeg skrivenog uticaja :

- "izgubljeno vrijeme" (obično čovjek primjeti kako je prošlo nekoliko sati a nije u stanju da se sjeti kako je proveo to vrijeme)
- buđenje u noći ili ujutro sa neobičnim osjećajem peckanja kože, trnila, vrtoglavice, osjećaja težine ili paralize. Često se bilo koji od ovih osjećaja nalazi u kombinaciji sa gubitkom orijentacije.
- Noćne more sa snovima o vanzemalcima i/ili njihovoj tehnologiji
- Nesanica, kao i buđenje u određeno vrijeme
- Ožiljci na tijelu i drugi znakovi fizičke manipulacije
- Često primjećivanje NLO-a
- Sjećanje na kontakt sa vanzemalcima
- Naglo i neobjašnjivo izlječenje nekih patoloških stanja ili popravak fizičke kondicije
- Strah, nemir ili neobičan tjelesni osjećaj prilikom gledanja vanzemaljaca ili njihove tehnologije na televiziji, u nekom magazinu ili u kinu
- Osjećaj komunikacije s nekim
- Neobjašnjive promjene u ponašanju

Bilo koji od ovih indikatora pojedinačno ili svi zajedno mogu da se međusobno kombinuju. Mnogi od ovih indikatora mogu signalirati i potrebu za medicinskom pomoći. Klinički psiholozi tvrde da je interakcija sa vanzemalcima i pomogla određenom broju ljudi da se riješe nekih oboljenja.

Bio-kondicioniranje hibridnih fetusa u ljudskom domaćinu :

Priroda fiziologije vanzemaljaca je dosta drugačija od ljudske. Prilikom autopsija koje smo vršili na greys-ima, primjetili smo da njihovo tkivo predstavlja jednu mješavinu životinjske i biljne genetike. Neke njihove vrste imaju tkivo crne boje sa zelenom krvlju i čini se da funkcionišu uz pomoć nutricionog sistema koji je baziran na svjetlosti. Mnogi ljudski domaćini su primjetili misteriozne infekcije koje su slične gljivičnim. Nakon ispitivanja mnogih slučajeva pretpostavljamo da vanzemaljci namjerno inficiraju žene-domaćine kako bi na taj način pripremili hibridni fetus koji je u njima na fiziološke uslove koji vladaju u vanzemalcu-domaćinu, u kome fetus kasnije nastavlja sa svojim daljim razvojem. Ti mikroorganizmi su mahom neke vrste gljivica i virusa. Čini se da su ovi mikroorganizmi od krucijalne važnosti za razvoj nekih vrsta iz hibridnog programa vanzemaljaca. Sasvim je očigledno da vanzemaljci uopšte ne brinu o kasnijim dugotrajnim posljedicama ovakvih svojih postupaka na život ljudskog bića. Kako se čini, oni često prave i određene korekcije u toku tih razvojnih ciklusa njihovih embriona u ženama-domaćinima, u smislu da im s vremena na vrijeme ubrizgavaju određene supstance koje ih iscrpljavaju, kao i to što manipulišu tim ženama njihovo tjelesno energetska polje. Prilikom svega ovoga, stalno se javlja jedno pitanje a to je da ukoliko su oni već u stanju da proizvode vještačka tkiva, zašto onda ne naprave i neka vještačka

stvorenja u kojima bi mogli obezbjediti kompletan razvoj tih fetusa ? Zašto oni moraju da koriste ljude u ovom procesu ? Čini se da postoje dva glavna razloga za to.

- Prvi je taj da oni trebaju da unesu naše gene. Razlog za hibridizaciju je obogaćivanje genetske sposobnosti jednog organizma. Zbog toga im trebaju ljudski geni.
- Drugi razlog je taj što oni time žele da postignu ljudski emocionalni i spiritualni efekat na fetus. Hibridno biće će na taj način dobiti određen stepen osjećanja, koja inače nisu karakteristična za bilo kakva vještačka stvorenja, osim onoga što je normalno zacrtano u okviru matriksa, u sklopu kojega se obavlja programiranje. Da bi moglo da osjeća, ono mora biti izloženo tom faktoru bar neko vrijeme.

Neki bi mogli upitati zašto onda oni ne projiciraju tu psi-energiju na klonu, koristeći neki vještački način. Odgovor bi bio da ne postoji čista psi-energija, koja može da sadrži u sebi emocionalnu komponentu. Hibridni fetus se odstranjuje iz žena-majki sa nekih 90 (zemaljskih) dana starosti i njegov dalji razvoj se kasnije odvija u kompletno vanzemaljskoj sredini. Cijeli ovaj proces dovodi do trošenja i slabljenja organizma žene-majke, što nadalje povećava njenu ranjivost i podložnost daljoj manipulaciji od strane ovih entiteta. Ovim procesom uzgoja hibrida, tijelo žena se iskorištava do maksimuma od strane vanzemaljaca. Zabilježeni su i slučajevi kada su ženama vađene plombe iz zuba, koje su sadržavale živu, jer ona inače djeluje štetno na razvoj fetusa.

Zdravstveni poremećaji kod ljudi koji mogu biti u vezi sa abdukcijama :

- abnormalne krvne ćelije
- implant u oku (češće kod očnog živca), koži, nosu i anusu
- proljev, većinom kod muškaraca
- konstipacija (zatvor), većinom kod žena
- povremen bol u ramenu
- bol u donjem dijelu leđa, kod trećeg lumbalnog kičmenog pršljena
- bol u koljenu ispod čašice
- osip, obično ubrzo nakon kontakta, može biti uzrokovan i radijacijom
- čvrsta tvorba ili nateklina u području udubljenja ispod ključne kosti, ponekad može uzrokovati paralizu ruke
- arterija na pogrešnom mjestu (često implant)
- trudnoća
- neobičan izgled novorođenčeta
- dijete koje ima nadprirodne moći ("indigo-djeca")
- očni kapak koji se može presvratiti naopako u slučaju stresa
- dijete vidi kroz zatvorene oči
- beljezi na tijelu
- ožiljci geometrijskog oblika
- ožiljci na zadnjoj strani nogu kod ljudi rođenih 1943.g., čini se da indiciraju uzimanje uzoraka kože za kloniranje
- zujanje u ušima i čujenje određenih visoko frekventnih tonova neposredno pred odlazak na spavanje
- osjećaj tresenja kreveta
- geometrijski simboli često na umu
- umor ujutro, nakon spavanja
- iznenadna pojava vančulnih opažanja (ekstra-senzorna percepcija)
- novi encim u mozgu (wryneck)
- novi kičmeni pršljen u vratu
- izraslina veličine jajeta na zadnjem donjem rebru
- bradavice koje formiraju neki geometrijski oblik (pojavljuju se često nakon pregleda, čini se da ih uzrokuju neki instrumenti)

11. UREĐAJI ZA USAĐIVANJE ZNANJA I NAČINI MANIPULACIJE SVIJESTI

Tehnike učenja i asimilacije podataka kojim se koriste elektronska kosmička društva...

Uz pomoć podataka dobijenih od onih koji su imali i još uvijek imaju kontakt sa raznim vanzemaljskim entitetima stekli smo jednu određenu sliku o nekim naprednim društvima. Sve skupa, čini se da im je život organizovan na temelju jake discipline, njihova socijalna pravila ponašanja daleko prevazilaze naša u smislu da su im ona dio egzistencije a ne njen predmet. Kod ovih elektronskih kosmičkih društava znanje i informacije generalno se asimiliraju pod prinudom, u smislu da se obuka i obrazovanje obavljaju nasilnim putem i uz čestu upotrebu implanata. Inkulkacija je pojam koji se najčešće koristi u vezi nasilnog usađivanja informacija (sa njihovim čestim ponavljanjem) u neku jedinku. Jedan od glavnih elemenata ove aktivnosti je tzv. direktna opservacija. Za vrijeme ove faze dolazi do "lice u lice" kontakta između vanzemaljca i humanoida-volontera u cilju izmjene informacija kulturalne prirode. Čini se da ova direktna opservacija obuhvata i različite tipove medicinske analize. Otete osobe su u ovim slučajevima najčešće volonteri, mada ove inkulkacione metode blokiraju njihovo znanje, odnosno, svjesnost njihove lične participacije. Naravno, ovo nije slučaj kada se radi o abdukcijama od strane nekih drugih vanzemaljaca, kao npr. greys-i, koji otimaju ljude protiv njihove volje.

Standardna operativna procedura :

- lociranje ljudskog subjekta
- inspekcija njegovog "osjetilnog sistema" ("ridge response system")
- letjelici se dozvoljava da se pojavi u vidnom polju čovjeka, oslobađajući ga mentalnih blokova od stane starih implanata
- ljudski subjekat se prati i prebacuje na brod u povoljnom momentu

Ponekad se ljudski subjekat, još za vrijeme njegovog djetinjstva, podvrgava implantaciji neke vrste kristala, što se obavlja u nekim podzemnim objektima. Njih se onda posmatra za vrijeme njihovog rasta i u periodu kada oni već dostignu zrelost, ti kristali im se odstranjuju a čovjek se onda stavlja u nekoj vrsti "rezerve" za eventualnu mobilizaciju u budućnosti, tj. kad se ukaže potreba. Npr. "Afera Anderson" je predstavljala jedan od takvih slučajeva u kojem su bili zastupljeni svi ovi elementi.

INKULKACIONI UREĐAJI

Nekoliko tipova ovih uređaja je primjećeno kod onih koji su imali kontakt sa raznim vanzemaljskim rasama.

- Inkulkaciona Ploča – radi se o metalnoj kutiji pravougaonog oblika sa svjetlima različitih boja koja se emituju u sekvenci : plavo-zeleno-crveno-zeleno-plavo i u sljedećoj numeričkoj sekvenci : 1-2-3-4-5-4-3-2-1. Ljudski subjekat obično leži na leđima na jednom metalnom stolu direktno ispod inkulkacione ploče. Na podnožju stola nalazi se metalna konzola sa kablovima koji su povezani sa stolom. Operatori nose crvene uniforme a prostorija je osvijetljena takođe crvenom svjetlošću, osim za vrijeme samog procesa inkulkacije.
- Inkulkacioni Monitor/Ekran – Ovaj ekran, kada je povezan sa bankom podataka u kompjuterskom sistemu broda, može se koristiti za implementaciju određenih sposobnosti koje mogu da pojačaju moć čovjeka usađivanjem određenih informacija u njegovu svijest. Čini se da za vrijeme ovog procesa dolazi do odstranjivanja negativnog mentalnog stanja i mentalnih barijera kod subjekta. Taj monitor/ekran je

u stvari modulirani kateholinski induciran laserski snop koji probija očnu jabučicu subjekta po zemaljskom vremenu u jednoj nano-sekundi (miliarditi dio sekunde). Njegova rezonancija je u skladu sa optičkim frekvencijama što mu omogućava da ostvari harmonične vibracije uz pomoć kojih obavlja inkodiranje odgovarajućih receptora u mozgu čovjeka.

- Kateholin (Catecholine) Beta –Lipotropin - je tehničko ime za supstancu koja se često daje otežim osobama. Ta supstanca djeluje tako što odstranjuje određene tjelesne blokove neurološke prirode a istovremeno snažno pojačava svjesnost (inteligenciju) čovjeka. Radi se o jednoj mješavini odnosno destilatu adrenokortikotropnog hormona koji blago stimulise melanocite u moždanoj kori.

RAPIDNI INKULKACIONI PROCES

U jednom od metoda, čovjeku stavljaju na glavu neku vrstu kacige koja ima na sebi neke žice i igle (stara i odavno prevaziđena tehnologija Zeta Reticulae-2). Kristalna kocka se onda montira u određeno udubljenje na vrhu kacige a nakon toga se prema njoj emituje trepereća svjetlost određenih frekvencija u rezonanciji sa moždanim talasima čovjeka. Čovjekov um se tim putem ubrzo napuni cijelim nizom slika koje postepeno iduciraju određene reakcije. Tako se čovjeku usadi određeni program, odnosno, moguće ga ja obučiti u veoma kratkom vremenskom periodu da obavlja dosta komplikovane zadatke. U nekim slučajevima čovjeka hipnotišu ili ga uspavaju a onda se on podvrgava emisiji visokofrekventnih mikrovalnih talasa uz pomoć koji se obavlja rapidna inkulkacija podataka u njegovu svijest. Čovjek ne mora kasnije da bude svjestan cijelo vrijeme tih podataka koji su inkodirani u njegovoj svijesti. U nekim slučajevima oni se aktiviraju uz pomoć određenih pre-aranžiranih stimulusa, koji mogu da budu prisutni u njegovoj okolini ili koji mu se predoče (audibilno ili vizuelno) kada za tako nešto dođe vrijeme.

(Slične metode koriste i iluminati kada programiraju atentatore na određene ličnosti, teroriste, seksualne robove, religiozne vođe itd.)

Ponekad se čovjekovo prirodno bio-energetsko polje koristi za propagaciju talasa u kojima su upleteni određeni podaci u obliku zvučno-kodiranih simbola. Greysi-hibridi (Rigelijanci i Beteluštani) imaju jednu interesantnu varijaciju u kojoj žrtve otmice sjede ispred jednog ekrana, odnosno, zastora i neke vrste kompjuterske konzole pa ulaze u interakciju sa projiciranim holografskim imidžem.

Napomena :

- The Ridge Response System – serija fokalnih energetskih tački koje se formiraju od strane energetskih struja oko čovjekovog fizičkog tijela. Te tačke se mogu stapati jedna s drugom a služe i kao temelj na kome se izgrađuju i počivaju tzv. - faksimili.
- Faksimil - je zapis svega što je percipirano od strane jedne individue. To je zapis svih aktivnosti, misli i emocija doživljenih od strane jednog organizma u bilo kojoj tački u vremenu/prostoru. Reaktivni um je taj koji bilježi sve ovo. Faksimil se može shvatiti i kao odražaj fizičkih univerzuma na misli, posebno onaj dio misli koje imaju specifičnu vremensku komponentu zakačenu za sebe.
- Reaktivni Um – ovdje se radi o onom dijelu uma koji radi na bazi podražaj-reakcija i koji se ne nalazi pod svjesnom kontrolom čovjeka. On ima moć da kontroliše nivo svjesnosti jednog bića, njegove misli, svrhovitost, tjelesne funkcije itd.

Reaktivni um je stalno budan i funkcionalan. Ono za šta se misli da je nesvjesno je, u stvari, stalno svjesno.

BIO-TEHNOLOGIJA 21-og VIJEKA

Mi sada napuštamo eru potrošnih prirodnih materijala kao što je nafta i produkti baziranih na njoj. U budućnosti ćemo morati računati na bio-inženjerisane materije koje će se moći stalno obnavljati. Genetička istraživanja u američkoj bazi Dulce oduvijek su financirana iz tzv. Crnog Fonda o kome se ništa ne zna, mada su za te svrhe potrošene milijarde dolara. Ono čime su se oni dosta bavili, bilo je i – "inteligentna biologija za jednokratnu upotrebu" (humanoidi). Ti humanoidi su u mnogo navrata izvodili veoma opasne eksperimente sa plutonijumom, tehnologijom za pogonske svrhe i letjelicama tipa letećih tanjira. Oni su klonirali njihove vlastite humanoide uz pomoć procesa koji je skoro doveden do perfekcije u Centru Za Bio-genetička Istraživanja, Los Alamos. Oni sada imaju svoju robovsku rasu koju mogu da koriste za jednokratnu upotrebu. Isto kao i greys-i, američka vlada takođe tajno impregnira ženska ljudska bića, a onda nakon 90 dana odstranjuje iz njih hibridne fetuse. (Nešto više u vezi načina na koji američka vlada vrši ove otmice možete saznati iz drugog dijela ovog dokumenta, - Pulsar Project, ATR 25A, CODE : ARAMIS V – ADR 3 – 24AT). Oni takođe imaju sposobnost da ubrzavaju rast tih fetusa u njihovim bio-genetičkim laboratorijama (manipulacijom DNA) a onda ih implantiraju i kontrolišu sa distance uz pomoć emitovanja običnih RF (Radio Frekvencije) talasa.

Mnogo ljudi je takođe implantirano moždanim transmiterima (odašiljačima/prijemnicima), koji djeluju kao telepatski kanali. Radi se o uređajima za telemetrijsku manipulaciju mozga. Mreža tornjeva za emitovanje tih frekvencija postavljena je od strane organizacije DARPA (Defence Advanced Research Project Agency). Dvije glavne procedure koje se upotrebljavaju u svrhu kontrole ljudske svijesti su R.H.I.C. (Radio-hipnotička Intracerebralna Kontrola) i E.D.O.M., (Elektronsko Poništavanje Memorije – Electronic Dissolution of Memory). Moždani mikročip (transceiver) se usadi u glavu čovjeka kroz nos, što je jedna od metoda koju su ovi naučili od greys-a. Veoma slični uređaji redovno se koriste takođe i u Rusiji, Švedskoj i nekim drugim zemljama. Švedski predsjednik Palme je još 1973. godine odobrio švedskoj policiji da tajno ugrađuje ljudima ove uređaje.

Danas je takođe već veoma dobro razvijena tehnologija za emitovanje elektro-magnetnih talasa ELF tipa (ekstremno niske frekvencije) koji utiču na nervni sistem ljudi i mogu kod čovjek da prouzrokuju mučninu, iscrpljenost, iritaciju, ... pa čak i smrt. To je u suštini ista stvar kao i otkriće Richard-a Shavera, "cavern-telaug-mechanism". Istraživanja na polju biodinamične veze unutar organizama, (Biološka Plazma,) već su dovela do pronalaska zraka koje imaju sposobnost da promjene genetsku strukturu čovjeka, odnosno, da ga izlječe ali i da ga ubiju. Shaverov uređaj "Ben-mech" mogao je da liječi !

Upozorenje : Manipulacija i Kontrola – Strah, Prevara, i Usluga - Pentagon, CIA, FBI, NSA, DEA itd. manipulišu američki narod. Tajna vlada se sprema da u skoroj budućnosti priredi "javno spuštanje" vanzemaljaca na našu planetu. Na taj način će oni pokušati da kontrolišu svu propagandu vezanu za vanzemaljce. Nas će vjerovatno prvo informisati o nekom među-zvezdanom sukobu, međutim, ono što na prvi pogled izgleda istinito, takođe može da bude i - prevara. Šta je to dezinformacija ? Da li je vaša pažnja već odavno preusmjerena na nebitne stvari uz pomoć ove taktike sila mraka ? Vjerujem da vam je već poznat odgovor na ovo pitanje.